

جریہ عدلیہ

درہجی سنہ

۱۱ جمادی الاخرہ ۱۳۳۱ - ۵ مایس ۱۳۲۹

نومرو ۸۳

پزار

قِسْمِ سَنَدِ سَیِّدِی

نوبہرات عدلیہ

قسطرہ قضاسی بدایت محکمہ سی منصوب اعضاسنک حص قضاسی بدایت محکمہ سنہ نقلی وقسطرہ محکمہ سنہ ده تشکیلات جدیدہ عدلیہ سی اجرا ایدلمیان محللرہ اولدینی کبی اعضا تعینی تنسیب قلمدر . اشبو ارادہ سنہ نک اجرا سنہ عدلیہ نظارتی مأموردردر . ۱۲ جمادی الاولی ۱۳۳۱ و ۶ نیشان ۳۲۹

محمد رشاد

صدر اعظم
عادلہ ناظری
محمود شوکت
ابراہیم

صاروخان سنجانی لوا بدایت محکمہ سی رئیس مصطفی فرید و صاروخان مرکز قضا بدایت محکمہ سی مدعی عمومی معاون مصطفی شعی افندیلرک بعض احوال دن طولای مأموریتلرنده بقالری غیر جائز اولدیغنه مبنی عزالریله مذکور ریاسته اطنه ولایتی استیناف محکمہ سی مدعی عمومی معاون اسبقی محمد بهجت و مذکور معاونلکه دخی کسندیره قضاسی بدایت محکمہ سی مدعی عمومی معاون عبدالله فیضی افندیلر نقل و تعین اولمشلردردر . اشبو ارادہ سنہ نک اجرا سنہ عدلیہ نظارتی مأموردردر .

محمد رشاد

۱۶ جمادی الاولی سنہ ۱۳۳۱ و ۱۰ نیشان سنہ ۱۳۲۹

صدر اعظم
عادلہ ناظری
محمود شوکت
ابراہیم

طرز زون ولایتی مرکز بدایت محکمه سی مدعی عمومیدی اسماعیل افندینک بعض اسبابدن طولانی مأموریتنده بقایای جائز کوریه مدیکنه مبنی عزلیله یرینه تحویلی ایجاب ایدن سوریه ولایتی مرکز بدایت محکمه سی مدعی عمومیدی یونس محسن و سوریه ولایتی مرکز بدایت محکمه سی مدعی عمومیلکنه ترفیعه شایان اولان امامیه سنجانگی بدایت محکمه سی جزا دأرهمی رئیس ضیاءالدین و امامیه سنجانگی بدایت محکمه سی جزا دأرهمی ریاستنه ماردین سنجانگی بدایت محکمه سی جزا دأرهمی رئیس سابق نافذ و سوریه ولایتی استیناف محکمه سی اعضاسندن نافذ و حلمی افندیلرک لسان عربیه واقف اولمدق لرندن طولانی انحلال ایده جک طشره استیناف محاکمی اعضاقلرینه نصب ایدمک اوزره عزللریله یرلرینه طرابلس غرب استیناف محکمه سی اعضا- لغندن آچیقده قالان عبدالغنی بدران و کذلک شایان ترفیع اولان جده سنجانگی بدایت محکمه سی اعضاسندن طیب هزاری و جده سنجانگی بدایت محکمه سی اعضاقلرینه سوریه ولایتی مرکز بدایت محکمه سی اعضای سابقه سندن عبدالعزیز و سلط قضای بدایت محکمه سی رئیس احمد مختار افندینک وقوع استعفا سی حسبیه یرینه تحویل طلبنده بولنان صور قضای بدایت محکمه سی رئیس عمر حکمت و صور قضای بدایت محکمه سی ریاستنه نوره قوب بدایت محکمه سی جزا دأرهمی رئیس یمنی و مدیات قضای بدایت محکمه سی رئیس ثروت افندینک وقوع استعفا سی ملا بسه سیله یرینه قیالر قضای بدایت محکمه سی جزا دأرهمی رئیس حسن تحسین افندیلر نقل و تعیین اولش و مغایر صفت مأموریت و تابعیت حرکاته جرأت ایتدکلری اکلایشلان سلانیک ولایتی استیناف محکمه سی اعضاسندن ملتبادی و بدایت محکمه سی اعضاسندن خرستو افندیلر مأموریتلرندن عزل ایدلمش لردر .

اشبو اراده سینه نک اجراسنه عدلیه نظارتی مأموردر .

۲۱ جمادی الاولی سنه ۱۳۲۱ و ۱۵ نیشان سنه ۱۳۲۹

محمد رشاد

عدلیه ناظری صدراعظم

ابراهیم محمود شوکت

.*

بتلیس ولایتی استیناف محکمه سی مدعی عمومیدی مصطفی ضیا افندینک احوال صحیه سندن بختله وقوع استعفا سنه مبنی یرینه دیاربکر ولایتی مرکز بدایت محکمه سی حقوق دأرهمی رئیس سلیمان فائق و دیاربکر ولایتی مرکز بدایت محکمه سی حقوق دأرهمی ریاستنه قدس شریف سنجانگی بدایت محکمه سی رئیس آصف و قدس شریف سنجانگی بدایت محکمه سی ریاستنه محکمه مذکوره مدعی عمومی معاون جلال و مذکور مدعی عمومی معاونلکنه لازقیه سنجانگی بدایت محکمه سی جزا دأرهمی رئیس حکمت و لازقیه سنجانگی بدایت محکمه سی جزا دأرهمی ریاستنه نابلس سنجانگی بدایت محکمه سی مدعی عمومی معاون رشدی و نابلس سنجانگی بدایت محکمه سی مدعی عمومی معاونلکنه طرابلس غرب استیناف محکمه سی اعضاقلرینه آچیقده

قالان اسماعیل حق و منحل اولان موصل ولایتی استیناف محکمه سی اعضاقلرینه قوصوه استیناف محکمه سی اعضاسندن قسطنطین و سوریه ولایتی استیناف محکمه سی اعضاسندن عبدالمسیح و سیموئل و یعقوب فائق و خلیل عیدی افندیلرک اجرا قلنان تحقیقات نتیجه سینه نظراً مأموریتلرنده بقاری تحویز ایدلماسندن طولانی عزللریله یرلرینه بتلیس ولایتی استیناف محکمه سی اعضاسندن سعیدچرمکیان و موصل ولایتی استیناف محکمه سی اعضاسندن خانجی و سوریه ولایتی مرکز بدایت محکمه سی اعضاسندن اسکندر شحلاوی و طرابلس شام سنجانگی بدایت محکمه سی اعضاسندن میخائل شامی و بتلیس ولایتی استیناف محکمه سی اعضاقلرینه وان ولایتی استیناف محکمه سی اعضاسندن اولوب تحویلی استدا ایدن مغربیچ شاهمریان و وان ولایتی استیناف محکمه سی اعضاقلرینه اطنه ولایتی مرکز بدایت محکمه سی اعضاسندن عیسائی حلمی و اطنه ولایتی مرکز بدایت محکمه سی اعضاقلرینه مکتب حقوق عثمانی علی الاعلی درجه مآذونلرندن آرام و موصل ولایتی استیناف محکمه سی اعضاقلرینه ولایتی مرکز بدایت محکمه سی اعضاسندن ارشاق تاتاریان و اطنه ولایتی مرکز بدایت محکمه سی اعضاقلرینه مکتب حقوق عثمانی علی الاعلی درجه مآذونلرندن کر قورپاراغامیان و طرابلس شام سنجانگی بدایت محکمه سی اعضاقلرینه لازقیه سنجانگی بدایت محکمه سی اعضا ملازم سابق امین حکیم و عجولون قضای بدایت محکمه سی رئیس نیازی افندینک حقنده کی تحقیقات نتیجه سینه نظراً دوام مأموریتی جائز کوریه مامسندن ناشی عزلیله یرینه سوریه ولایتی مرکز بدایت محکمه سی اعضاسندن خلیل رفعت و سوریه ولایتی مرکز بدایت محکمه سی اعضاقلرینه سویده قضای بدایت محکمه سی ریاستندن مستعفی صلاح الدین و کایولی سنجانگی بدایت محکمه سی اعضاسندن بلال افندینک وقوع وفاتنه مبنی یرینه یانیه ولایتی مرکز بدایت محکمه سی اعضای سابقه سندن محمد علی و آیدین ولایتی استیناف محکمه سی اعضا ملازمی رشید بک در سعادت پولیس مرکز مأمورلرینه تحویل مأموریت ایتسمه مبنی یرینه قالقاندلن قضای بدایت محکمه سی جزا دأرهمی رئیس عثمان نوری افندیلر نقل و تعیین و کملیک قضای بدایت محکمه سی جزا دأرهمی ریاستنه تعیین اولنان حسن خلقی افندینک عنوانی محکمه مذکوره معاملاتنک توحید ایدلمش اولمی حسبیه تصحیحاً بدایت ریاستنه تحویل اولمشدر .

اشبو اراده سینه نک اجراسنه عدلیه نظارتی مأموردر .

۲۷ جمادی الاولی سنه ۱۳۲۱ و ۲۱ نیشان سنه ۱۳۲۹

محمد رشاد

عدلیه ناظری صدراعظم

ابراهیم محمود شوکت

تبليغات عموميہ

عربہ نظارت مہدیہ سندھ دلايات والیہ مستفید متصرف قلمبرہ نظیر اولیہ ۱۸ نیسانہ سنہ ۳۲۹ تاریخ

نمبرات عمومیہ صورتیہ :

« مرتبہ اولی مأمورلرینک صورت تعیینلری حقندہ »

احوال حربیہ الجاسیلہ طرابلس غرب و جزائر بحر سفید ایله روم ایلیدن کلن و حق انتخابلری ولایات والیہ عدلیہ انجمنلرینہ عائد اولان مرتبہ اولی مأمورلرینک ترفیہ احوالی مقصدیلہ مرتبہ مذکوردهن ولایاتده منحل اولان مأموریتلره مرکز انتخاب قومیسونجه اوصاف لازمیہ حائز اولانلر تعیین واعزام ایدلمکده اولدقلری حالده بوکره موقع مرعیتہ وضع بیوریلان اداره عمومیہ ولایات قانوننه نظراً انتخاب و تعیینلری مرکزہ حصر ایدیلن و تحقیقات حاکیکی وظیفه سنی ایفا ایدن مستنطقلردن ماعدا بالجله مرتبہ اولی مأمورلرینک محللری انجمن عدلیلرجه وقوعه کله جک انتخابلرینک مقام ولایته تصدیق اقتضا ایتکده و بناءً علیه بعدازین ولایاتده آخیله حق مرتبہ اولی مأموریتلرینہ درسعادته مناسبلرینک تعیینی ممکن اوله مایه جنی طبیعی بولمقددر . حال بوکه الیوم درسعادته بولان روم ایلی و جزائر بحر سفید و طرابلس مرتبہ اولی مأمورلرینک برآن اول اقداریلہ سفالت و ضرورتدن تخیصلری عدلاً و انسانیة بر وجوب قطعی تحتنددر . بونلردن مستنطقلردن باشقه مأموریتلرده مسبق الاستخدام اولانلرک احوال مسجله لری صورت مصدقلرینی حاملآ آرزو ایتدکلری ولایاته اعزاملریله امر انتخابه دائر اولان قوانین و تبلیغات احکامنه توفیقاً انحلال ایده جک مرتبہ اولی مأموریتلردن ایکسینه بونلردن و برینه ده دیگر آچقده قالانلر ایله حق ترفیعی احراز ایتش مستخدمین عدلیه دن مناسبلرینک انتخاب و تعیینلرینک اصول اتخادی تأمین مقصد ایچون کافی بر تدبیر اولق اوزره بالتأمل سبق ایدن عرض و اشعار اوزرینه کیفیتک مجلس و کلاجه تنسیب بیورلینی ۱۳ نیسان سنه ۳۲۹ تاریخ و ۸۰ نومرولی تذکره سامیه ده امر و اشعار بیورلشدر ولایت علیه لری داخنده طالب مأموریت اولدقلری بالاخره ترجمه حال خلاصه لریله برلکده اشعار اوله حق ذواتک متعلق اولدقلری انجمنلرجه بر موجب قرار مناسب مأموریتلره انتخابیلہ کیفیت تصدیقلرینک مقام عالیرینه عرض ایدلسی خصوصنک مذکور انجمنلر زیاستلرینه اختاری ایچون استیفاف مدعی عمومیلکینه تبلیغات مقتضیه بالايفاً تودیع ایدیله جک انتخابات مضبطه لری موافق اصول کورلدیکی تقدیرده بالتصديق نتیجه سندن نظارت عاجزی یه ده و معلومات اعطاسنه هم علیه ولایپناهیلری متمنادر .

عربہ نظارت مہدیہ سندھ نظیر اولیہ ۲۴ نیسانہ ۳۲۹ تاریخ نمرات عمومیہ صورتیہ :

« جرائم مشهودیه عزیمت ایدہ جک اطبا و مأمورین عدلیه خرج جراحلرینک اول امرده مال صندوقلرجه تسویه سی مالیه نظارت جلیله سیلہ بالمخبره قرار لاشدیریلہ رق نظارت مشارالیهادن مأمورین مالیه و نظارتدن دخی ۱۶ شباط ۳۲۵ و ۴ کانون ثانی ۳۲۶ تاریخلی محورات عمومیہ ایله مأمورین عدلیه ایفای تبلیغات اولندیفی حالده اطباى مومی الیهم خرج جراحلری وقت و زمانیلہ تسویه ایدیلهرک بوباده برطاقم شکایات و مراجعاته سببیت ویرلمکده اولدیفی صحیه مدیریت عمومیہ سنک اشعارینه عطفاً داخلیه نظارت جلیله سندن وارد اولان تذکرده بیادیرلش اولغله تبلیغات سابقه دائره سنده ایفای معامله ایله حدوث شکایتہ میدان بر اقلمامسی خصوصنک ایجاب ایدنلره قطعاً تبلیغ بیورلمسی باینده .

عربہ نظارت مہدیہ سندھ استیفاف مدعی عمومیلرینک نظیر اولیہ ۲۵ نیسانہ سنہ ۳۲۹ تاریخ نمرات عمومیہ صورتیہ :

« مجموعه مقررات تمیزیه نک مرکز و ملحقات ولایت محاکمه لزوم تجلیدینه دائر »

دوائر و محاکمه توزیع اولنق اوزره منتظماً ارسال قلممقدده اولان مجموعه مقررات تمیزیه نسخهلرینک پراکنده و غیر مجلد بر حالده ترکی بونلرک آز بر زمان ظرفنده فرسوده لشمسنی ویا آرہ ده بعض نسخهلرک ضیاعی استلزام ایدہ جکی بدیهی اولمسنه مبني عندالایجاب مراجعت اولنق اوزره محاکم ودوائر عدلیه ده صره سیلہ و کال اعتنا ایله حفظی ایجاب ایدن مجموعه مذکورہ نک ضیاعدن تأمین مصونیتی ضمننده فهرستلریله برلکده بر سنه لکی تکمل ایتش اولان اوچیز یکر می یدی سنه سنه عائد حقوق و جزا قسملرینک حقوق فهرست مجائسنه علاوه ایدیلن ورقه ده محرر شرائط و نمونه و جهله تجلید ایتدیرلمسی لزومی احصائیات و مدونات قانونیه مدیریتندن افاده قلمش و اووجه ایله اجرای ایجابی خصوصنک مرکز و ملحقات ولایت محاکمه تبلیغی ضمننده اشبو تحریراتک نسخ مطبوعه کافیه سی لفا ارسال قلممشدر .

عربہ نظارت مہدیہ سندھ نظیر اولیہ ۲۵ نیسانہ ۳۲۹ تاریخ نمرات عمومیہ صورتیہ :

« عفو عمومی حقندہ »

۲۹ کانون ثانی سنه ۳۲۸ تاریخندہ نشر و اعلان بیوریلان عفو عمومی قانونندن استفادہ لری لازم

کلديکي حالدۀ منسوب اولدقلري دواثرجه بوبادۀ تردد ايدلمکده اولديغندن بحثله استعطافي حاوی پياده قول اغاسي محمد نامق بن حلمي وسواري قول اغالردن صالح بن علي وطحنیه و فرونلر اداره سي مدير معاون سابق بيکباشي رفيق وبحريه چرخجي مير آلايلردن احمد آکاه وعتيق برنجي اردو طوپجي بشنجي آلايك برنجي طابور قوماندان سابق محمد فريد و بك اوغلي اطفائيہ آلاي سابق قائم مقاملردن محمد نشئت بك و افنديلر طرفدن تواريخ مختلفهده بالتقديم شوراي دولته حواله بيوريلان عر ضالار عفو مذکوردن کنديسنکده مستفيد ايدلسي حقدۀ ارغني نائب سابق عبدالعزيز خالص افندي طرفدن اعطا اولنان عر ضالاک ارسالني متضمن باب مشيختک حواله بيوريلان ۲۴ شباط سنه ۳۲۸ تاريخي تذکره سيلاه برلشديريله رک تنظيمات دائره سنده قرأنت اولندي .

ايجابي لدی التأمل معارف نظارتک مقدمات حواله بيوريلان ۱۱ شباط سنه ۳۲۸ تاريخي تذکره سي اوزرينه دائره جه تنظيم وهيئت عموميه دن تذييل قلنان ۶ مارت سنه ۳۲۹ تاريخي و ۱۴ نومرولي مضبطه ده اخيراً نشر و اعلان بيوريلان ۲۹ كانون ثاني سنه ۳۲۹ تاريخي عفو قانونک احکامي عفو عموي متضمن بولنديني هم عنوانندن هم قانون مذکورک کافۀ جرائم سياسيہ اصحابک معفو يتلريني محتوي اولان متنندن آکلا شلمقده اولديني وعفو عموي مجازات محکوم بها ايله برابر محکوميتک نتايج قانونيه سي حکمنده اولان حقوق سياسيہ ومدنيه دن محروميت کبي مجازات فرعيه سي دخي ازاله ايدۀ جيکي جهتله عفو عموي به مظهر اولان برکسه نک خدمت دولته قابليت استخدا مي سيلاه حق تقاعد ومعزوليت کبي حقوق ساقطه سنک عودتي دخي عفو عمومينک ايجابات حقوقيه سندن بولنديني و اولجه عفو خصوصي به مظهر اولان بر شخصک اخيراً نشر و اعلان بيوريلان عفو عموميدن استفاده ايدوب ايدۀ مامسي مسئله سنه کلنجه يالکز مجازات محکوم بها ي عفو ايدوب حقوق ساقطه سياسيہ و مدنيه ي اعاده ايدۀ ميان عفو خصوصي تيجه اعتباريله عفو عموميدن ناقص اولمغه مجازات محکوم بها ي عفو خصوصي ايله ساقط اولان بر جرم سياسي ايله محکوم عليه اولان بر آدمک مظهر اولديني عفو خصوصيدن صکره نشر و اعلان اولنان عفو عموي حکمندن دخي استفاده سي امر طبيعي بولنديني عرض و بيان قلنمش اولديغندن حقوق مدنيه و سياسي لري عودت ايتمش اولان مومي الهمدن جهت عسکريه به منسوب اولنلردن تصفيه معاملہ سي کور مامش اولنلر اولديني حالدۀ بعد التصفيه و جهت مليکيه به منسوب اولنلردن تنسيق کور مامش اولنلر بولنديني حالدۀ دخي بعد التنسيق اکتساب ايدۀ جکلري حاله کوره تاريخ محکوميتيله عفو عموي تاريخي آرہ سنده کي مدتدن استفاده ايدۀ مامک شرطيله حقلرنده مضبطۀ مذکورہ احکامنه توفيقاً معاملہ ايفاسي طبيعي اولديني و مراجعت متواليه به نهايت ويرمک اوزره کيفيتک دواثر مرکزيه به تعميماً تبليغي تذکر و کيفيتک بر کره ده هيئت عموميه جه تدقيق تنسيب قلندي .

۲۲ ربيع الآخر سنه ۳۳۱ و ۱۸ مارت ۳۲۹

هيئت عموميه دنه بازيمده ذيلک صورتيه :

تنظيمات دائره سنک اشبو مضبطه سي هيئت عموميه ده قرأنت اولندي دائره مشار اليها جه اتخاذ اولنان قرار هيئتجه ده موافق قانون وقاعده کورلمش اولديغندن آکا کوره دواثره تبليغات ايفاسي تذکر قلندي اولبابده .
۱ جمادي الاولى ۳۳۱ و ۲۶ مارت ۳۳۹

شوراي دولت تنظيمات دائره سنک ۱۲۳ نومرولي مضبطه سيلاه هيئت عموميه دن يازيلان ذيلک باتذکرۀ ساميه ارسال اولنان صورتلري بالا يه نقل اولنلر مرکز وملحقات ولايت محاکمه لاجل التبليغ اشبو تخريراتک نسخ کافۀ مطبوعه سي لفا ارسال قلشمشدر اولبابده .

عربيه نظارت هبلد سنده محاکم دردار مرکزيه تنظيمات دائره ۲۵ نيسانه سنه ۳۲۹ تاريخي تخريرات عموميه صورتيه :

• حکام ومأمورين عدليه نک دواملري حقدۀ آاذ اولنان قرارک حسن تطبيقه دائر •

محاکم نظاميه مأمورلرينک ايام تعطيليه دن ماعدا کونلرده لاقل بش ساعت ايشلري باشنده بولمغه مجبور اولدقلري اصول محاکمه حقوقيه قانونک بشنجي ماده سنده امر وتصريح اولنمش و اخيراً بالعموم مأمورين ومستخدمين حکومتک مدت مساعيلريني توحيد مقصديه اتخاذ اولنان قرار دولت محاکم مأمورلري ايچون حد اصغر اشتغال اولان شو مدتي تخرير ايله برابر مبداء ومتناسي تعين ايدرک بيوک کوچک بالمله مأمورين ومستخدمين عدليه جه اشبو قرارک حسن تطبيقه اعتنا اولنسي مقام نظارتدن تواريخ مختلفه ده تبليغ وتأكيد ايدلمش اولديني حالدۀ حکام ومأمورين يه برچوقلرينک مدت اشتغالک مبدأدن صوکره کلک اقتضاسدن اول عودت ايتمک ، بازار کونلري کله مک صورتلريه کرک قرار حکومتک و کرک تبليغات نظارتک اتفانده اثر لاقيدي کوستردکلريني مختلف زمانلرده آرآتدرديغ ذواتک مقاملرنده بولناملري اوزرينه اجرا ايتديرديکم تحقيقاتدن آکلادم قوانين ونظامات واوامر ومقررات دولت احکامي افراد حقلرنده حسن تطبيقه مأمور بولنان حکام ومأمورين عدليه نک کندی شخص ومأموريتلرينه تعلق ايدن قوانين ومقرراته قارشي نه درجه رعايتکار اولملري لازم کله جيکي وعکس حالک خارجاً حاصل ايدۀ جيکي تأثيراتي محتاج ايضاح کورده دیکم دن بلااستثنا بالعموم حکام ومأمورين ومستخدمينک ايام تعطيليه دن ماعدا هرکون وقت ظهردن ايکي بچق ساعت اول ايشلري باشنده اثبات وجود ايدرک وقت ظهرده بر ساعت تعطيل

وساعت برده ینه ایفای وظائفه مبادرتله درت بحق ساعت صوکره عودت ایتملی حقنده متخذ قراره فرط رعایت اولنسی لزومی بر کره دهاتوصیه ایله برابر بعدازین مختلف زمانلرده صور مناسبه ایله اجرا ایتمیریکله جنگ تفتیشات نتیجه مننده دائره لرنده بولمادیبی تظاهر ایدن حکام ومأمورین وکته ومستخدمین حقلرنده تشکیلات محاکم قانوننک النجی ماده سی حکمیه نظامنامه داخلینک فصل مخصوص احکامنک تمامیه تطبیق واجراسنده قطعاً تردد ومساحه اتمیه حکمی بیان ایلرم .

* *

« عمیریله نظارت مدیر مندره استیاف . مدعی عمومیکلریله نظیر اولنامه ۲۸ نیسانه ۳۲۹ تاریخی »

« نظارت منسوب اولدینی لوا وقضا متصرف وقائمقاملغنک خبردار ایدلسی لزومه دائره »

« لوا وقضا مأمورین عدلیه سندن برینک تحقیق وتفتیش ایچون برخله عزیمتده کیفیتدن منسوب اولدینی لوا وقضا متصرف وقائمقاملغنک خبردار ایدلسی لزومه دائره »

مرکز ولایت مأمورین عدلیه سندن برینک نظارتک امریه برای تحقیق وتفتیش برخله کیده چکی صیره ده مقام ولایتیه معلومات ویرلسی حقنده کی تبلیغات عمومیه حکمنک لوا وقضالرده تشبیلی داخلیه نظارت جلیله سندن اشعار ایدلمش ودائره مأموریتلرنده قوه اجرائیه نیک مثلی واداره عمومیه نیک مسؤلی بولنان متصرف وقائمقاملرک دخی محالری مأمورین عدلیه سندن عدالایجاب اووجه ایله انفکاکلرندن خبردار اولماری لازمه دن بولنش اولسنه بناء بعدازین لوا وقضا مأمورین عدلیه سندن برینک تحقیق وتفتیش ایچون برخله عزیمتده کیفیتدن منسوب اولدینی لوا وقضا متصرف وقائمقاملغنک خبردار ایدلسی ضمتنده دائره مأموریتلری داخلنده کی محاکمه لاجل التبلیغ اشبو تحریراتک نسخ مطبوعه کافیه سی لفاً ارسال قلندی .

قوانین و نظامات

صلح حاکمیری حقنده قانون موقت

مقدمه

ماده ۱ : قضا و ناحیه مرکز لریله قراده اشبو قانونک برنجی وایکنجی فصللرنده محرر دعاوی بی رؤیت اتمک اوزره صلح حاکمی نامیه هر قضایه مخصوص سیار حاکمک تأسیس اولمشدر . آنحق بعض قضا لریک وسعت حدودینه ویا مناسبه موقعیه لرینه کوره صلح حاکمیرینک تعددی ویاخود دائره قضا لریک توسیعی جائردر .

قضا و ناحیه مرکز لریله ایکشر ساعت مسافه سی اولان قریه عائد دعاوی قضا و ناحیه مرکز لرنده ومسافه سی ده از یاده اولان قریه لره عائد دعاوی دخی بونسبت دائره سنده مرکز اتخاذ اوله جق قریه ده رؤیت ایدیه چکی کبی طرفینک بالاخیار مراجعتلری حالنده مسافه نظره آلمق سزین مراجعت ایدیلان مرکز ده وکذراکانه مصادف بر قریه ده ایسه اوقریه ده رؤیت اوله جقدر .

ماده ۲ : صلح حاکمکنه دارالفنون عثمانی حقوق شعبه لرندن ویا مکتب قضاندن شهادتنامه بی حائز اولوب لاقل ایکی سنه حاکمک ویا مدعی عمومی معاوندکی ویاخود مکاتب مذکورده دن اعلا درجه ده مأذون اولوبده لاقل اوچ سنه مستطقلک ویا استیفاف ویا بدایت محاکمی باش کاتبکی اتمش اولانلر ویاخود شهادتنامه سی اولیوبده اشبو مأموریتلرده لاقل درت سنه ایفای خدمت ایدهرک مکاتب مذکوره پروگراملری موجبجه عدلیه نظارتی معرفتیه بالامتحان اعلا درجه ده شهادتنامه اخذینه کسب استحقاق اتمش بولنانلر ویاخود مکاتب مذکورده دن اعلا درجه ده مأذون اولوبده اوچ سنه مدت ایفای وکالت ایدن دعوی وکیللری انتخاب حکام حقنده کی اصوله توفیقاً نظارت مذکورده جه بالانتخاب باراده سنیه تعیین اولنورلر .

برنجی فصل

صلح حاکمیرینک مواد حقوقیه ده کی صلاحیتلری

ماده ۳ : صلح حاکمیری علی الاطلاق محاکم نظامیه نیک دائره صلاحیتنده اولان حقوق وتجارت دعوالرندن لیرا یوزغروش حسابیه رأس المالی ویا قیمتی ایکی بیک بش یوز غروش اولان عین و دین دعوالریله حق مسیل وحق مرور دعوالرینی قابل تمیز اولق اوزره رؤیت ایدر .

ماده ۴ : صلح حاکمی ماهیت و قیمتی نظر اعتباره آلمیه رقی بالجله دعاوی متقابله بی دخی رؤیت ایدر . مدعینک شخص واحد ذمتنده جهات مختلفه دن متعدد مطلوباتی بردعواده جمع اولدینی تقدیرده مطلوبات مذکورده دن هربری ایکی بیک بش یوز غروشیدن دون اولسه بیه مجموع دعوا ایکی بیک بش یوز غروشی متجاوز اولور ایسه صلح حاکمی رؤیت حائز صلاحیت دکدر . آنحق دعاوی اصلیه یه متفرع فائض ومصرف وضرر وزیان ومنافع مقداری هر نهیه بالغ اولورسه اولسون رؤیت وحکم ایده چکی کبی منحصراً دعاوی اصلیه دن متحدث ضرر وزیان دعاوی متقابله سی دخی هر نه مقدارده اولورسه اولسون رؤیت وحکم ایدر . ماده ۵ : صلح حاکمیری قیمتی هر قاج غروشه بالغ اولورسه اولسون واضع الیدندن بایوجه کان نزع ایدلمش اولان عقاراته متعلق اعاده دعوالری ایله اصحابی استعمالندن منع ایدلمش اولان حق شرب دعوالرینی اساسه انتقال اتمک سزین دخی قابل تمیز اولق اوزره رؤیت وحکم ایدر .

ماده ۶ : صلح حاکمیری بدل ایجاری هر نه مقدارده اولورسه اولسون ایجار عمار نظامنامه سی موجبجه تخلیه مأجوره متعلق اوله رقی بدایت محکمه سی رئیس لرینک حائز اولدقلری صلاحیتی دخی جائردر .

ماده ۷: صالح حاکمی رؤیتیه مکلف اولدینی هر نوع ذمت دعوالرنده یتیم یدنجی مادهده کی تحدیداته رعایت ایتک شرطیه اموال منقوله وغیرمنقوله اوزرینه حجز احتیاطی وضعنه دخی صالحدر . حجزی طلب ایدن شخص مطلوبات ومدعیاتی اثبات ایده جک اوراق وسندات ویا شهود ایله برابر حاکمه مراجعت ایده جک وحاکم مدعی بی ویا مدعیله برابر شهودی استجواب ایده رک حجز طلبی حقی و اصول محاکمه حقوقیهده معین شرائطه موافق کوردیکی حالده محجوز علیک ایلروده ظهور ایده بیله جک ضرر وزیاتی تضمینه مصدق ومعتبر بر کفیل اخذیه حجزه قرار ویره جکدر . بوکفالتک قریه ویا محله هیئت اختیاریه سنجه تصدیق ایدلمسی کافیدر . حاکم حجز قرارینک اعطاسیه برابر یوم محاکمینی تعیین ایده رک طرفینی وحجزده شخص ثالث وار ایسه آنی محکمه به دعوت ایده جکدر . طرفینک ورودنده اشبو قانونک یکرمی برنجی ماده سیله مواد متعاقبه سی احکانه توفیقاً محاکمه اجرا قلنه جق وشخص ثالث کلیاً ویا من جهة حجزی جرح ایده جک اولور ایسه اوبابده کی منازعه شخص ثالث منسوب اولدینی محکمهده رؤیت اولنه جقدر . صالح حاکمی طرفین بیننده منازع فیه اولان اموال منقوله وغیر منقوله بی حجز ایده بیله جکی کبی طرفینی ضرردن وقایه اقتضا ایدر ایسه منازع فیهک منافع حاصله سنی دخی حجزه صلاحیتداردر .

ایکینجی فصل

صالح حاکمینک مواد جزائییهده کی صلاحیتلری

ماده ۸: صالح حاکملری قانون جزانک باب ثالثنده مندرج قباحته متعلق دعوالری قابل تمیز وجنجهیه متدائر قسمیه قانون مزبورک طقسان طقوزنجی ماده سیله برنجی وایکینجی و اوچنجی ذیللرنده و یوز بشنجی ماده سنک فقره اولی وفقره ثانییه سنده و یوز اوتوزنجی ماده سی ذیلنک برنجی ، ایکینجی ، اوچنجی فقره لرنده و یوز اوتوز ایکینجی و یوز اوتوز اوچنجی ماده لرنده و یوز آلتش آلتنجی ماده سنک برنجی و ایکینجی ذیللری مقامنه قائم ماده مذیله نک ایکینجی فقره سنده و یوز یتیم طقوزنجی ماده سنک برنجی و اوچنجی فقره لرنده و یوز سکسان اوچنجی ماده سیله ایکی یوز ایکینجی ماده سنک ذیلنده وایکی یوز یکرمی دردنجی ماده سنده وایکی یوز یکرمی بشنجی ماده سنک برنجی فقره سنده وایکی یوز یکرمی آلتنجی وایکی یوز یکرمی یدنجی ماده لرنده وایکی یوز اوتوزنجی ماده سیله ذیللرنده وایکی یوز اوتوز سکزننجی وایکی یوز قرق دردنجی وایکی یوز قرق بشنجی وایکی یوز قرق یدنجی وایکی یوز قرق سکزننجی وایکی یوز اللنجی ماده لریله ایکی یوز اللی ایکینجی ماده سی ذیلنک برنجی وایکینجی فقره لرنده وایکی یوز اللی اوچنجی ماده سنده مندرج موادی وایکی یوز اون دردنجی ماده سنک شتم وتحقیق فعللرینی قابل استیناف اولق اوزره رؤیت وحکم ایدر . کذلک کندی حضورنده وقوع بولمش بر محاکمه اثناسنده ارتکاب ایدیلان یا لان شهادت ویا لان یریمین دعوالرینی دخی کذلک قابل استیناف اولق اوزره رؤیت وحکم ایدر و محاکم جزائییه جه تطبیق ایدلمکده اولان قوانین خصوصیهده مندرج اولوب

منتهای جزاسی برسنه بی تجاوز ایتیان جرائمه متعلق دعوالردن قباحته درجه سنده اولانلری قابل تمیز وجنجه درجه سنده بولنلری قابل استیناف اولق اوزره رؤیت وحکم ایدر .

اوچنجی فصل

مواد حقوقیهده اصول محاکمه

ماده ۹: ذمته ویا اموال منقوله به عائد دعوالر کک مدعی علیک اقامتکاهی کک تعهدک وقوع بولدینی ویا اشیانک تسلیم اولدینی ویا خود تمهدک اجرا قلنه جنی محاکم صالح حاکمی حضورنده اقامه اولنه بیلیر . اموال غیر منقوله به عائد دعوالر غیر منقولک کائن اولدینی محاکم حاکمی حضورنده اقامه اولنور .

ماده ۱۰: صالح حاکمی حضورنده بر دعوی اقامه ایتک ایسته یین هر شخص حاکمک حضورینه کیدرک دعواسی اولدینی بیان ایلنه جکدر . حاکم معیتنده ضبط کاتبی اولدینی حالده مدعینک اسمنی ، صنعتی اقامتکاهی و دعواسنک نهدن عبارت و کیمدن اولدینی و صور ثبوتیه سنی و اوراق وسندات موجود بولندینی تقدیرده دعوت ایتدیره جکی شهودک کذلک اسم و اقامتکاهی سؤال ایده جک و شاهدلری حصر و تحدید ایتدیره جکدر .

حاکم مدعی به کندی لهنه شهادتی معتبر اولمیان اشخاصه عائد وجهه احکام عدلیه نک کتاب الیناننده مندرج احکامی افهام ایده جکدر . کذلک مدعی یدنده اثبات مدعا ایچون اوراق وسندات اولدینی و اقامه ایده جک شهادی بولندینی تقدیرده خصمنه یمین تکلیفندن بشقه برحق اولدینی دخی خبر ویره جکدر . مدعینک ویره جکی ایضا حاکم ختامنده ضبط کاتبی صورت ادعایی ووسائط ثبوتیه سنی متضمن بر دعوی ضبطنامه سی تنظیم ایلنه جک و شهود بوصله سنی دخی ترتیب ایده جکدر . حاکم ضبطنامه بی مدعی به قرآتله زیرینه مهر ویا امضاسنی ویا خود اشارت مخصوصه سنی وضع ایتدیره جکدر . بعده حاکم تعیین ایده جکی یوم محاکمهده حاضر بولمنسی بیان ایله بر دعوتیه ورقه سی امضا ایتدیره جک و یوم مذکورده کلیدیکی حالده دعواسنک رد اولنه جقتی خبر ویره جکدر . ضبط کاتبی واسطه سیله و آنک طرفندن ممضی اوله رق مدعی به بر اقامه دعوی علم وخبری اعطا ایتدیره جکدر . بو علم وخبرده طرفینک اسم وصنعتی ودعوانک موضوعی و مرافعه به دخولک تاریخی ومصلحتک دوسیه سنک نومروسی بجملاً ذکر واتیان اولنه جقدر .

ماده ۱۱: بوجهله تنظیم اولنان دعوی ضبطنامه سنک حیفته لرینه حاکم طرفندن وضع امضا اولنه جق وضبط کاتبی نومرو صره سیله ترتیب ایدرک ضبطنامه بوایشه مخصوص اولان دوسیه به قونیه جقدر . دعوی دوسیه سی منسوب اولدینی ناحیه نک اسمنی ودعوانک تاریخ وقوعنی و سنه به مخصوص اولان صره نومروسی محتوی اوله جقدر . دعوی ضبطنامه سنک بر صورتی چیقاریلوب یوم معینده محاکمهده اثبات وجود ایتسی لازم کله جکنی و ایتدیکی تقدیرده حقنده غیاباً حکم ویریه جکنی مبین زیرینه حاکم طرفندن یازیله جق بر در کنار

ايله مدعى عليه معيتمده كى مباشر واسطه سيله تبليغ اولنه جقدر ولدى الايجاب ضابطه محليه مأمورنى دخی امر تبليغه استخدام ايديله جقدر. ضبطنامه صورتى مباشر ويا ضابطه مأمورى مدعى عليه ذاتنه وبوله مدینى تقدیرده خانه سنده مقیم افراد عالمه سندن برینه تبليغ ایتدیره جقدر. تبليغی متضمن مدعى عليه یدندن ويا تبليغ افراد عالمه سندن برینه واقع اولمش ايسه آنك طرفندن مختوم ويا ممضى ويا اشارت مخصوصه سى موضوع بر علم و خبر آلنه جق وبوعلم و خبر دعوى دوسيه سنه وضع ايدلك اوزره حاكمه توديع اولنه جقدر. مباشر ويا ضابطه مأمورى تبليغی اجرا ايدر ايكن يوم معين محاكمه دعوته اجابت ايدلديكى تقدیرده غياباً حكم ویريله جكنى شفاهاً دخی تکرار و اخطار ايله جقدر. مدعى عليه ويا افراد عالمه سى تبليغ علم و خبرنى امضادن استنكاف ايتديكى ويا خود دعوت ورقه سنى قبولدن امتناع ايدلديكى تقدیرده ضابطه مأمورى دعوت ورقه سنى خانه ك قپوسنه يايشدیره جق و بو باده بر ضبط ورقه سى تنظيم ایدرك قریه ك هیئت اختیاره سندن لاقول ايكي كشیه و قابل اوله مدینى تقدیرده ايكي شاهده تصدیق ایتدیره جقدر. بومعامله ك ایفاسی تبليغ مقامه قائم اوله جقدر.

ماده ۱۲: دعاوى مستعجله مستائنا اولمق اوزره كرك طرفينه و كرك مواد آتیده ذكر اولدینى وجهله شاهدلره دعوت ورقه سنك تبليغ اولدینى كون ايله محكمه ده اثبات وجود ایده جكلرى كون اره سنده لاقول يكرمى درت ساعت مهلت بولنه جقدر. بومهلته رعايت اولمدينى حالده طرفین و شاهدلر اثبات وجود ایدرلرسه محاكمه دوام اولنور. عكس تقدیرده حاكم يكیدن تبليغات اجراسنى امر ايدر.

ماده ۱۳: تعیین اولنان يوم محاكمه حاكم مدعى عليه صورت مخصوصه نزدينه قبول ایده جك ومدافعه سنه متعلق اسله ي ایراد وايضا حات مقتضيه ي استحصال ايله جقدر. دعاويه متعلق اوله رق اونجی ماده ده بيان اولدینى وجه اوزره بردفع دعوى ضبطنامه سى تنظيم ایتدیره جقدر. مدعینك یدنده مدعى عليه ك كندی طرفندن مختوم ويا ممضى و مندرجاتى مدعايى مثبت اوراق و سندات موجود اولدینى تقدیرده شهودك شهادات و بیاناتی بو وثائق تحریریه ك خارجنده ويا خلافتده بر كونه اهمیت و تأثیرات قانونیه ي حائر اولیه جقنى و آنجق تسلیات ادعاسنك شهود ايله اثباتی جائز اولدینى دخی اخطار ایده جقدر. حاكم دفع دعوى ضبطنامه سنى ولدى الاقتضا دفع دعوى شاهدلری بوصله سنى قرائت و مدعى عليه امضا ويا تختم ويا خود اشارت مخصوصه سنى وضع ایتدیره جقدر.

ماده ۱۴: بومراسمك ایفاسندن صكره حاكم مدعى ي دخی حضورینه چاغیره رق طرفینى صلح ایتكه چالیشه جقدر. اگر شرائط قانونیه سى وجهله صاحه موفق اولورسه در حال ضبط كاتبه بر صلحنامه تنظيم ایتدیره ك طرفینه قرائت ایده جك و بر كونه مطالعه و ملاحظه لری واره اوصورتله تعدیل و اصلاح ايله جقدر. بعده موقع محاكمه و طرفین حاضر اولدینى حالده صلحنامه يی آغیر آغیر و هر كسك آكلایه جقنى صورتده قرائت ايله جقدر. صلحنامه ك قرائتندن صكره طرفینه امضا ويا مهر ويا خود اشارت مخصوصه وضع ایتدیره جك

وزیرینه صلح واقعی تصدیق ایتدیکنه دائر بر ذیل تحریر و تاریخ وضعیه امضا ایلله جقدر. ذیل مذکورك زیرى محكمه ك مهر رسمیه سیه تختم و ضبط كاتبی طرفندن دخی امضا ایلله جقدر.

ماده ۱۵: حاكم تصدیقه مقارن اولان صلحنامه ك بر صورت مصدقه سى ضبط كاتبی طرفندن مدعى و اگر صلح طرفیندن بعض شیلر آلنوب ویرلسنى متضمن ايسه طرفینه اعطا قلنه جقدر. حاكم تصدیقه مقارن اولان صلحنامه حكم اعلامی مقامنده عد اولنه جق و هیچ بر طریق قانونی به تابع اولیه جقدر. ماده ۱۶: حاكم طرفینى صلح ایتكه موفق اوله مدینى تقدیرده همان دعوانك رؤیتنه ابتدار ایده جك و شهود جلی و اسباب سائر طولایسه سیه محاكمه ك تعاقبى لازم كلیكى صورتده طرفینه محاكمه آتیده لدی الاقتضا اسباب ثبوتیه اولمق اوزره اراهه ایده جكلری اورافك اصللرینى حامله محكمه یه كکلرینى اخطار ایده جك و كلكلری تقدیرده كلین طرفك غياباً دعوى ويا مدافعه سى رد اولنه جقنى خبر ویردرك بردعوت ورقه سنه امضا ويا مهر ويا خود اشارت مخصوصه وضع ایتدیره جقدر. طرفیندن شاهد اراهه ایدمش ايسه حاكم مسافه سنه كوره تقدیر اولنه جق مضارف ضروریه ایلورده حقسنز چیقان طرفه راجع اولمق اوزره اول امرده شاهی اقامه ایدن طرفدن آلنه رق حاكم بولنرك بوصله سنى يوم معینه حاضر بولنق اوزره لاجل التبليغ مباشر ويا ضابطه مأمورینه توديع ایده جقدر. طرفین شاعدلرینى يوم معینه كندیلری كتیره جكلرینى بیان ایتدكلری تقدیرده مضارف ضروریه استیفا سنه حاجت یوقدر. شاهدلرك محكمه یه جلب و دعوتی اون برنجی ماده ك فقرات اخیره سى وجهله تبليغ اولنه جق بردعوت ورقه سیه اولور.

ماده ۱۷: شهادتنه مراجعت اولنه جق شخص بر معذرت صحیحه و مشروعیه مستند اولمقسزین دعوته اجابت ایتدینى حالده تبليغات حكومه اطاعت ایتامش نظریله باقیله رق حقنده یكرمى بش غروشى تجاوز ایتامك اوزره جزای نقدى حكم و احضاری امر اولنه جقدر. احضاراً ورود ایدن شاهد دعوت سابقه اوزرینه كله مدیکنه دائر اعداز مقبوله سرد ایلرسه جزای تقدیدن عفو اولنه بیله جقدر. جزای نقدى حكمی ايله عفو حقنده كی قرار بر كونه طریق قانونی به تابع دكلدر.

ماده ۱۸: دعوت اولنان شاهدلردن بری اوزاق محله بولنوبده كندیسنجه بیوك بر محذور حاصل اولمقسزین محكمه یه كلیسى قابل اولدینى تقدیرده حاكم شاهی دعوت ایتدیرن طرفی جلب ايله بو شاهدك نه كی بر مسئله و هانكى نقطه حقنده شهادت ایده جكنى استفسار ایدرك شاهد مرقومى حضورینه دعوتله شهادت واقعه سنى متضمن بر ضبط ورقه سى تنظيم و ارسال ایچون شاهدك مقیم اولدینى حاكم صلح جاكهنه بر استنابه ورقه سى كوندربه بیله جقدر. استنابه ورقه سنى آلان حاكم دخی ورقه مذکورده كو ستریلان مسائل حقنده شاهی علناً استماع واستجواب ایده جك و شاهدك افاداتى متضمن تنظیم ایده جكی نقل شهادت ورقه سنى بعد التصدیق حاكم مرسله كوندره جقدر. خسته لك كی معذرت مشروعیه حسیله حاكم حضورینه كلیمین و دائره مأموریتنده بولنان شاهدك افاده سى طرفین حضوریه اقامه كاهنده ضبط اولنه جقدر.

ماده ۱۹: صالح حاکم لرینگ حضورنده محاکمه علنیدر. عکس تقدیرده بالجله معاملات کأن لم یکندر. انحق خجالتی موجب دعوالر خفیاً رؤیت اولنه بیلیر. محاکمه نك امر انتظامی تأمینه عائد حاکم اوامری اجرا و انفاذ ایتک اوزره ضابطه مأمورلرندن بری محکمه ده بولنور. کرک قولاً و کرک اوضاع و اشارات ایله سکون محاکمه بی اخلال ایدنلرک محکمه دن اخراجی امر ایتکه حاکم صلاحیتداردر. محکمه یه قارشو حرمت سز لکده بولنانلر حننده اوچ سیم مجیدی بی تجاوز ایتماک اوزره جزای نقدی و یا خود یکر می درت ساعتدن اوچ کونه قدر حبس جزاسی حکم ایتکه دخی حائز صلاحیتدر. بوبابده کی قرار هیچ بر طریق قانونی یه تابع اولمقسزین در حال اجرا اولنور.

ماده ۲۰: صالح محکمه لرینه طرفین وکیل کوندره بیلیرلر. انحق بو وکیللرک موکلرینک قریه و یا قصبه ده مقیم اقرباسندن و یا احباسندن اولملری و بلا اجرت کلری مشروطدر. طرفیندن بری نامنه وکالة اثبات وجود ایدن شخص موکلی ایله ایکی شاهد طرفندن مختوم و یا ممضی محله و یا قریه هیئت اختیاریه سی طرفندن مصدق بر وکالتنامه بی حامل اولق و یا حضور حاکمه بلا خرج شفاهاً توکیل ایدلک کافیدر انحق عندالحاجه افاداتی استماع اولنق اوزره مدعی و مدعی علیه بالذات محکمه یه جلب اولنور. خسته لک کی عذر شرعی موجود ایسه حاکم ضبط کاتبی مستصحباً معذورک خانه سنه عزیمتله هیئت اختیاریه دن لاقل ایکی کشتی حاضر اولدینی حالده استجوابی اجرا ایلر. بالذات جانبیه قرار ویریلن طرف غائب اولوبده مدت قلیلله ظرفنده عودتی ملحوظ ایسه حاکم دعوانک رؤیت و قضائی آنک عودتنه قدر تأخیر و سرعت عودتی ملحوظ دکل ایسه کوندریله جنگ استنباه و رقه سی اوزرینه مقیم اولدینی محل صالح حاکم نك تنظیم ایده جکی استجواب ضبطنامه سنک ورودینه تعلیق ایلیه بیلیر.

ماده ۲۱: محاکمه نك معین اولدینی کون حاکم طرفینی حضورینه جلب ایلیه جکدر. دعوی ضبطنامه سی ضبط کاتبیه قرائت ایتدیره جک و ایضاحات واقعه لرینه موافق اولوب اولدینی بعدالاستفسار دعوائی تنویر و توضیحه و اظهار حقیقه خدمت ایده جک سؤاللری ایراد ایده بیله جکدر. اگر دعوی بیانات تحریریه یه مستند ایسه ابراز اولنان اوراق قرائت ایتدیره جک و بوبابده دخی حاکم لزوم کوردیکی سؤاللری طرفینه ایراد ایده بیله جکدر. اثبات مدعا ایچون اوراق ابراز ایدلمه مش ایسه حاکم مدعینک شاهدلری برر برر و یکدیگرندن آیری اوله رق استماع ایده جکدر. قانوناً مدعی لهنه شهادتنک عدم قبولی ایجاب ایتدیره جک بر حال موجود اولدینی حالده هر برینک حقیقت حالی سؤللری و ادای شهادتن صوکره افاده لرینک لدی الحاجه یمن ایله ده تصدیق ایتدیره جک بی بعدالاطار شهادی استماع ایده جک و اظهار حقیقه مدار اولق اوزره لزوم کوردیکی سؤالی شاهده ایراد ایده جکدر. طرفین دخی کرک یکدیگرینه و کرک شاهدلره حاکم واسطه سیله ایستدیککی سؤالی ایراد ایده بیله جکدر. مدعی علیه ک و شاهدلرینک استجوابنده دخی عین اصوله تبعیت اولنه جکدر. مسئله منازع فیها ایله مناسبتی اولیان سؤللر حاکم طرفندن قبول اولنماز. نهایت حاکم کرک مدعی یه و کرک

مدعی علیه ایراد ایده جک دها برکونه افاده لری وار ایسه درمیان ایتلری نی تکلیف ایلیه جکدر. مدعی و مدعی علیه ک بیانایله شاهدلرک افادات و شهاداتی ضبط کاتبی طرفندن ضبط ایدیله جک و افاده لرینک یمن ایله تقویه سنه لزوم کوردیکی تقدیرده شاهدلره یمن ایتدیره جکدر. حاکم شاهدلری اعتماد ایده جکی ذواندن سرراً و علناً تزکیه دخی ایده بیله جکدر. مدعینک بینه تحریریه سی و شهادی اولدینی و یا شهادت واقعه شایان قبول کوردیکی تقدیرده خصمنه یمن تکلیفندن بشقه برحق قالمدینی حاکم مدعی یه اخطار ایده جک و مدعینک طلبی اوزرینه خصمنه شکل قانونی و جهله یمن ایتدیره جکدر.

ماده ۲۲: طرفینک مدعیات و مدافعانک استماعندن صکره حاکم تأمل و تحریر قرار ایچون چکیله جکدر. قرار حاکم طرفندن ممکن اولدینی تقدیرده در حال تحریر اوانه جکدر. مع مافیه مسئله کندی سنجه دها زیاده موجب تفکر و تأمل کوریلور ایسه قرارک تحریری وقت آخره تعلیق ایده بیله جکدر. انحق قرارک تفهیمی هیچ بر وجهله محکمه نك انعقاد آتسندن زیاده بروقته تعلیق اولنه میه جکدر.

ماده ۲۳: ضرر و خسار دعواسندن و مرور زمان و وظیفه و صلاحیت ادعاسندن ماعدا بالجله دعاویده طرفین هر درلو مدعیات و اعتراضات و مدافعاتی یکدیگرینی متعاقباً بردن و یا لکز بر جلسه محاکمه ده ایراد ایده جک و آیری آیری طلب و دفع ایرادینه و منفرداً قرارلر صدورینه حاجت اولیه رق هیئت عمومیه سی حقنده بردن قرار ویریه جکدر. انحق اساس دعوی حقنده قرار اتخاذا اهل خبره تدقیقاتنه و کشف اجراسنه متوقف کوریلان احوال مستنادر.

ماده ۲۴: برکیمسه نك باسند عهده تصرینده بولنان اموال غیر منقولیه آخری طرفندن تجاوز و مداخله اوله رق احداث ید ایدلکده متصرف اولان کیمسه اعاده ید دعواسی اقبه سیله ذی الید حقیقی بولندینی باسند واحداث یددن مقدم منازع فیه ذی الید اولدینی اسباب ثبوتیه سائر ایله اثبات ایتدکده ید حادثه نك رفعنه حکم اوله رق مدعا یه ید قدیمه صاحبنه اعاده اولنور. صاحب سند اشبو طریق قانونی یه مراجعت ایتکسزین جبراً و تغلباً غیر منقولی ضبط ایتدیککی و طرف آخر دخی مراجعت ایلدیککی تقدیرده حال سابقک اعاده سیله صاحب سنده طریق قانونی یه مراجعت ایتمی نسیه اولنور.

ماده ۲۵: طرفین متخاصمیندن هر بری سند ابراز ایلدیککی تقدیرده باقیلور. ایکی سیده بر شخصدن و یا آیری آیری اشخاصدن تاقی ملک ایتشلر ایسه مقدم تاریخی سنده اعتبار اولنور. بناء علیه اعاده ید طلبنده بولنان شخصک سندی مقدم تاریخی اولوبده ماده سابقه وجهله احداث یددن مقدم واضع الید اولدینی اثبات ایتدکده مدعی علیه ک رفع یدینه حکم اولنور. بالعکس مدعی علیه ک مقدم تاریخی ایسه مدعینک احداث یددن مقدم ذی الید اولوب اولدینی تدقیقه حاجت اولیه رق مدعینک دعواسی رد اولنور. و اگر بری دیگرندن تاقی ملک ایتش ایسه مؤخر تاریخی سنده اعتبار اولنور. بناء علیه مدعی علیه ک سندی مؤخر تاریخی ایسه اعاده ید دعواسی رد اولنور.

ماده ۲۶: متخاصمین طرفین ابراز اولنان سندلرک تعددی منازع فیهک اشتراکندن متولد ایسه طرفینک بالاشترک ذی الید اولدقلرینه حکم اولنور و طرفینک هیچ بری تصرف سندی ابراز ایتدیکی تقدیرده اساس تملک دعواسنی رؤیته مأذون محکمهیه مراجعت ایتلری طرفینه اخطار اولنور .

ماده ۲۷: اعاده ید دعوالرنده مدعی علیهک رفع یدینه دائر لاحق اولان حکم مدعینک مدعا به مالک ویا متصرف اولدیغنی متضمن دکلدر . بناء علیه رفع یدینه حکم اولنان شخص محل منازع فیهک تملک ویا تصرف ادعا سنده بولندیقی تقدیرده دعوی مذکوره اصولی دائره سنده محکمه عانده سنجه آروجه حل و جسم اولنور .

ماده ۲۸: اعاده ید طلبنده بولنان شخص ایلروده حقسنز چیقار ایسه مدعی علیهک بالجله ضرروزیانی تضمین ایده چکنه دائر کفالت قویه اراؤه ایتدیکی تقدیرده مدعی علیه منازع فیه اولان محله ابنیه انشا و اشجار غرس ایتکدن منع اولنور .

ماده ۲۹: محل منازع فیه مدعی علیه طرفین ابنیه انشا ویا اشجار غرس اولنش ایسه اعاده ید دعواسی اصولاً ثابت اولدقلده مدعینک ضرروزیانیله محروم اوله جنی منفعتی تضمین ایده چکنه دائر تأمینات اعطا ایلدیکی تقدیرده نهایت بر ماهه قدر محکمه عانده سنده مراجعت ایتک شرطیه ابنیه ویا اشجار صاحبینک یدینه و کفالت ویره مدیکی حلاله تأمینات مذکوره ایله مدعی یدینه وهر ایکسی کفالت کوستره مدکلری صورتده ید عدله تودیع اولنور .

ماده ۳۰: منازع فیه اولان محک بر قسمنه ابنیه انشا ویا اشجار غرس اولنش ایسه یالکنز ابنیه ایله تقرعاتنک ویا اشجارک بولندیقی محل حقنده ماده سابقه دائره سنده معامله اولنوب قسم متباقی ید قدیمه صاحبنه اعاده اولنور .

ماده ۳۱: ید حادثه صاحبی منازع فیه اولان محله زراعت ایدوبده محصول موسمی ادراک ایتش ایسه اعاده ید دعواسی اصولاً ثابت اولدقلده محصولاتی بیچرک مدعی هندن کف ید ایلمسی مدعی علیه امر اولنور .

ماده ۳۲: ید حادثه صاحبی طرفین زرع اولنان تخم هنوز ثبت ایتماش ایسه ید قدیمه صاحبی بخیردر . دیلرسه تخمک مثانی ویا قیمتی اعطا ایله تملک ایدر و دیلر ایسه منازع فیهک اجر مثانی آلهرق محصولک ادراکنه قدر انتظار ایلر .

ماده ۳۳: زرع اولنان تخم ثبت ایدوبده هنوز محصول ادراک ایتماش ایسه مدعی بخیردر . دیلر ایسه منازع فیهک اجر مثانی آلهرق محصولک ادراکنه قدر انتظار ایلر . ایستر ایسه ایلروده اقامه اولنه جق تملک ویا تصرف دعواسنده حقسنز چیقدیغنی حلاله تخم صاحبینک بالجله ضرر وزیانی و حقلی چیقدیغنی تقدیرده تخمک مثانی ضامن اوله جغنی مبین کفالت قویه اراؤه سیله منازع فیه اولان محل کندوسنه تودیع اولنور .

ماده ۳۴: قرارنامه ده حکمک علل واسبابی مندرج اوله جق وهانکی ماده قانونیهیه استناد ایلدیکی

ذکر اولنه جقدر . قرار مورخ اولهرق زیری محکمه نک مهر رسمیسيله تختم و حاکم ایله ضبط کاتی طرفین امضا ایدیه جکدر . بوشراائط اساسیهیه رعایت ایدلمدیکی حلاله حاکم علیهنه اتخاذ اولنه جق تدابیر انتباهیهیه خال کله مک شرطیه حکم واقع کان لم یکنسندر .

ماده ۳۵: بعده حاکم موقع محاکمهیه عودت ایده جکدر . اگر حاکم تفهیم قراری جلسه آتیهیه تعلیق ایتش ایسه بونی بیان ایله تفهیم اولنه جق قراری استماع ایتک اوزره او کون حاضر بولنلری طرفینه اخطار ایده جک وبر دعوت ورقه سی امضا ایتدیره جکدر . بالعکس قرار یازلمش بولنور ایسه حاکم بالذات آغر آغر وهر کسک اکلایه جنی صورتده قراری قرائت ایلده جک و تمامیه اکلا یوب اکلامدقلرینی بالسؤال ایجاب ایدر ایسه ایضاح وافهام ایلده جکدر . دعوی غائب ایدن طرفه قرار کندیسسنجه محق کورلمدیکی تقدیرده تمیز دعوی ایده بیله چکنی و حکم اعلامی تبلیغ ایدیلنجه یوم تفهیم داخل اولماق اوزره سکزر کون ظرفده بوحقندن استفاده ایده بیله چکنی و آرزو ایدر ایسه اومدنده بالذات کندوسنه ویا ناحیه مدیرینه مراجعتله بیان کیفیت ایلمسی لازم کله چکنی و شوقدرکه محکوم له طرفین کفالت ویرلدیکی تقدیرده بوحکمک موقتاً اجرا قلنه جغنی اخطار ایده جکدر .

ماده ۳۶: حاکم اثنای مذاکره بعض اهل خبره ووقوف استماعی ویا خود کرک طرفین مواجهه سنده وکرک طرفین ایله برابر شهود مواجهه سنده بر محک کشفی لازم اولدیغنه قرار ویره بیلیر . بو تقدیرده قرار مذکور دخی موقع محاکمه ده علناً طرفینه تفهیم اولنور . قرار قطعی اهل خبره تدقیقاتی وایجاب ایدن محک کشفنی متعاقب وقوع بوله جق جلسه ده ویریلیر . حاکم اهل خبره ویریه جک اجرته شاهدلره ویریه جک مضارقی تعیین ایده جکدر .

ماده ۳۷: طرفین بری ابراز اولنان اوراقده کی خط و خاتم و امضایی انکار ایلدیکی تقدیرده صالح حاکمی بالذات ولدی الاقتضا تنسیب ایده چکی ارباب وقوف حاضر اولدقلری حلاله اصول محاکمه حقوقیه نک فصل مخصوصنه توفیقاً تدقیق خط و خاتمی اجرا ایده جکدر .

ماده ۳۸: مدعی علیهک محکومیتی و مدعینک دعواسنک ردی دعوی قزانان طرفله حکم شهادت لرینه ابنا ایدن شاهدلرک تقدیر اولنه جق مصارف ضروریه سنک و آتیده کوستریه جک خرج اعلامک تحصیلی محکومیتی دخی تضمین ایدر .

ماده ۳۹: صالح حاکمک دائره قضاسنده کلوب کچن ویا موقتاً مقیم اولان اشخاص طرفین ایقاع ایلنش ضرر و خساره ویا خود ایفا ایلده مش تعهداته متعلق بر دعوی اقامه سی اقتضا ایتدیکی و صلح حاکمی هنوز اورایه واصل اولمادیغنی حلاله تعهدک عدم ایفاسندن ویا ایقاع ایدیلن خساردن متضرر اولان شخص مدعا بهی اثبات ایچون یدنده بر سندی اولدیغنی حلاله انکله ویا خود شاهدلریله ناحیه مدیرینه مراجعت و مدعی علیهک اموال و ذخائر و حیواناتنه تماماً ویا قسمماً حجز احتیاطی وضعنی طلب ایده بیله جکدر . مدیر طلب

مذکورى متضمن بر ضبط ورقه‌سى تنظيم ايدى جك ومدعى به امضا و يا تختم ايتديره جكدر بونك اوزرينه طلب مذکورى مبتنى اولدينى حادثه‌يى وطرفينك اسمنى و طلبك نهدن عبارت اولديغك خلاصه تعريفى مابين بر علم و خبر اعطا ايدى جكدر ومدعى به شاهد ليله برابر ايلك جلسه محاکمه ايجون حاكم حضورينه كيمسنى اخطار ايدى جك ويوم محاکمه يي تعيين ايدى رك اوكون حضور حاكمه اثبات وجود ايتلىرى ضمننده بر دعوت ورقه‌سى امضا ايتديره جكدر. بومراسمك ايفاسندن صكره مدير حجزى طاب اولنان اموال و ذخائر و حيواناتك درحال حجزينه مباشرت ايدى جك و بونلرى بر محل مخصوصه وضع ايله تعيين ايدى جكي محافظك نظارتى تحتنده حفظ ايتديره جكدر. آنحق اموال محجوزه مياننده متسارع الفساد اولانلرى بولنديغى صورته بلماز ايدى ائمانى محافظه ايدى جكدر. عين زمانده محجوز علمى دخی زدينه جاب ايله تعيين اولنان محاکمه حاكم حضورنده اثبات وجود ايتسنى امر ايدى جك و عكس تقديرده غياباً محكوم اوله جغنى و اموال محجوزه نك صائيله جغنى اخطار ايله جكدر. و تعيين اولنان يوم محاکمه ايجون كنديسنى بر دعوت ورقه‌سى امضا و يا تختم ايتديره جك واستكافى حالده شرح ايله جك و كيفيتى درحال حاكمه بيلديره جكدر. حاكمك حين مواصلة مدير حادثه به متعلق بالمله اوراقى كنديسنى توديع ايدى جك و حاكم مستعجلاً طرفينى استماع ايدى رك اساس حقنده قرارينى ويره جكدر. منازعه ايلك محاکمه حل اولنه مديغى تقديرده حاكم اول امرده مدير طرفندن ياپيلان حجز حقنده بر قرار اتخاذ ايدى جكدر. بوبابده كى قرار هيج بر طريق قانونى به تابع دكلدر.

ماده ۴۰: بر مصلحت قرار قطعى ايله فصل و جسم اولنوده تمين ايدلىكى صورته او مصلحته متعلق اولان دوسيه مرتب اوله رق حاكم طرفندن محكمه تمين استدعا دائره‌سى رياسته كوندريله جك و تمين وقوع بولنديغى صورته ينه مرتب اوله رق حاكمك منسوب اولديغى بدايت محكمه‌سى قلمنده حفظ اولنه جقدر. مع هذا غيباً و يريلن حكملرده مذکور دوسيه آنحق غائبك حق اعتراضى استعمال ايتديكى و حكم كسب قطعيت ايدلىكى آكلاشدقندن صكره كوندريله جكدر.

ماده ۴۱: اعلامك فقره حكيمه سنك بر رقطه صورت مصدقه‌سى حاكم طرفندن مورخ و مختوم اوله رق ضبط كاتبى معرفتيله طرفينه اعطا قنور. مذکور صورتلر دعوى دوسيه سنك صره نومروسنى دخی حاوى اولسى لازمدر.

ماده ۴۲: مدت تمين تاريخ تفهيمك ايرتسى كوندن اعتباراً سكر كوند. بو مدت دعواسى و جاهاً رد اولنان مدعى حقنده دخی جاريدر.

ماده ۴۳: تمين ايتك ايستين طرف فقره حكيمه صورتى حامله حاكم و يا ناحيه مديرى زدينه عزيمتله بو حكمه قناعى اولمديغى و تميناً تدقيق ايتديرمك ايستديكى بيان ايدى جكدر. حاكم و يامدير بو حكمى قبول ايتماك ايجون اسباب موجب مخصوصه موجود اولوب اولمديغى كنديسندن سؤال ايدى جك و كاتبى معرفتيله تمين ايتك ايستين طرفك بياناتى متضمن بر ضبط ورقه‌سى تنظيم ايتديره رك كنديسنى لى القرائه

زرينه امضا و يامهر و يا خود اشارت مخصوصه وضع ايتديره جكدر. بونى متعاقب طرفينك اسمنى و دعوى دوسيه سنك نومروسنى حاوى اوله رق وقوع تمينى مابين بر علم و خبر ويره جكدر. مراجعت مديره وقوع بولمش ايسه مدير درحال بو طلب تمين ضبط نامه سيله محكوم عليه طرفندن توديع اولنان فقره حكيمه صورتى محكمه تمينه لاجل الارسال حاكمه كوندريه جكدر. محكمه تمينك دعوايى تدقيق ايتسنى ايجون بومراسمك ايفاسنى كفايت ايدر آنحق طرفين طلب تمينده بولمقله برابر حكم اعلامنه اسباب تمينه لرينى مابين بر لايحه ربط ايتمكده دخی مخيردرلر. بو تقديرده طلب تمين علم و خبرنده بر لايحه دخی توديع ايدلمش اولديغى ذكر ايديله جكدر.

ماده ۴۴: تدقيقات تمينه اوراق اوزرنده اجرا و صلاح حاكملرينك اعلاماتى حاكمك آنحق وظيفه و صلاحيتى نقطه سنك و اساس حكمك قانونه مخالفتدن ناشى نقض اولنور. اصول محاكمه به عدم رعايتى ابطال حقى موجب اولمش ايسه كذلك اعلام نقض اولنور و ابطال حقى موجب اوليه جق صورته اصول محاكمه به عدم رعايت نقض حكمى مستلزم اولماقوله برابر محكمه تمين اعلامنده بونك همه حال تصريح اولنسى لازمدر.

ماده ۴۵: صالح حاكملى اعلامى اوزرينه صادر اوله جق محكمه تمين اعلامى تصحيح قرار اصولنه تابع دكلدر.

ماده ۴۶: اعلام نقض اولنديغى حالده نظر اولنور. اكر بو نقض صالح حاكمك وظيفه و صلاحيتندن منبت ايسه محكمه تمين نقض ايله برابر تعيين مرجع ايدى جك و اكر اساس حكمك قانونه مغايرتندن ناشى ايسه حكمى ورن حاكمه اعاده اولنه جق و حاكم طرفندن تمين اعلامى طرفينه اعطا اولمق اوزره مباشر و يا ضابطه مأمورينه توديع اولنه جقدر و رؤيت محاكمه ايجون مراجعت وقوعنده حاكم محكمه تمينك قرارينه اتباعه مجبور اوله رق دعوايى يكيدين رؤيت ايدى جكدر.

در دنجى فصل

حكم غيبى

ماده ۴۷: محكمه جه معين اولان كونده مدعى اثبات وجود ايتديكى تقديرده دعواسنك موقتاً سقوطنه ومدعى عليهك طلبيله محكمه جه تقدير ايديله جك ضرر و زيانى تضمين ايتسنى قرار ويريلر.

ماده ۴۸: محكمه جه معين اولان كونده مدعى عليه اثبات وجود ايتديكى تقديرده حاكم مدعينك دعواسنى غيباً رؤيت و حكم ايدر.

ماده ۴۹: غيباً حقنده حكم ويريلن طرف اعلامك تاريخ تبليغك ايرتسى كوندن اعتباراً بش كون طرفنده اعتراض ايتمكده حقى واردر. اعتراض طريق تمينه مراجعتده اولديغى مثلاًو حاكم و يا ناحيه مديرينه شفاهاً بيان ايله اولور. بو حالده اعتراض ايدن محكوم عليه بر اعتراض علم و خبرى ويريلر و مراجعت مديره

وقوعبولش ایسه علیه اعتراض اولنان اعلام غیابی فقره حکمیسی حاکمه کوندریلیر و بوسورنده اونجی فصلده محرر معاملیه توفیقاً دعوی یکیدن رؤیت اولنور .

ماده ۵۰ : حاکم اعتراض علی الحکم دعواسنده معترض حقی اولدیفنه حکم ویرسه بیله محاکمه غیابیه مصرفک کندیسندن تحصیلنه حکم ایدر .

ماده ۵۱ : معترض ایکنجی دفعه دخی محکمهده اثبات وجودایتمدیکی تقدیرده اعتراضی رد اولنهرق حکم سابقک تصدیقنه قرار ویریلیر . قرار مذکورک علیه تکرار اعتراض درمیانی قبول اولونماز و بوسورتله تصدیق اولنان حکم غیابی محاکمه وجاهیه ایله صادر اولان حکم قوتی اکتساب ایدر . بوندن بشقه اعتراض محاکمه سنک بالجله مصارفنی دخی ایفایه محکوم اولور .

ماده ۵۲ : دردست رؤیت اولان بر دعواده طرفین صقیله دعوت ایدلمین و فقط دعوی مذکورده علاقه دار اولدیفنی ادعا ایدن هر شخص داخل دعوی اولمسنی طلب ایده بیلیر . و حاکم ایجاب حاله کوره قرار ویریر . طرفینک دخی بر شخص نائیک داخل دعوی ایدلمسنی طلب ایتمک حقی واردر . داخل دعوی اولوق طلبی دعوی رؤیت ایتمکده بولنان حاکمه علی العاده شفاهاً مراجعتله وقوعبولور و محاکمه نیک ختامه قدر هر نه وقت ایستینیلیر ایسه بوطلب درمیان ایدیه بیلیر .

ماده ۵۳ : حقوق دعوالرنده داخل محاکمه اولیان هر شخص صلح حاکمی طرفندن صادر اولان حکم کندی حقوقنه مغایر اولدیفنی تقدیرده اعتراض الغیر صورتیه علیه اعتراض ایده بیلیر .

ماده ۵۴ : اعتراض الغیر اصلی حکم معترض بهی اعطا ایدن صلح حاکمه افاده اولنور . برحاکم نزدنده دردست رؤیت بر دعواده دیگر برحاکمدن صادر اولوب ابراز ایدیلن اعلام علیه واقع اوله حق اعتراض الغیر طاری دعوی رؤیت ایتمکده بولنان حاکمه افاده ایدیلیر .

ماده ۵۵ : صلح حاکم برینک اعلامی علیه ایدیلن اعتراض الغیر یکرمی آلتنجی ماده موجبجه حکم مذکورک بشرط الکفاله موقتاً اجراسنی منع و تأخیره سبب اوله ماز .

ماده ۵۶ : اصول محاکمه حقوقیهده معین اولان اسبابدن برینک وجودی حالنده مدعی ویا مدعی علیه حاکم ردینی طلب ایده بیلورلر . بو تقدیرده رد حاکم استدعاسی قضا بدایت محکمهسی رئیسنه اعطا اولنهرق و درحال رئیس طرفندن بر صورت مصدقهسی حاکمه تبلیغ ایدیه جکدر . آله حق جوابنامه اوزرینه مدعی عمومینک مطالعة تحریریهسی اخذ اولندقدن سوکره محکمهجه اوراق اوزرنده قرار ویریله جکدر . محکمهجه ردحاکم قبول اولدیفنی تقدیرده قضا محکمهسی رئیس یا بالذات محلنه عزیمتله دعوی رؤیت ایده جک ویاخود اعضادن برینی بوخصوصه مأمور ایده جکدر . انجق رد حاکم استدعاسی مدعی طرفندن ایسه دعوییه و مدعی علیه طرفندن ایسه محاکمهیه دخولدن اول ویرلمک شرطدر . رد حاکم استدعاسی قبول اولدیفنی

حالده بونی طلب ایدن شخص الی غروشدن ایکی یوز غروشه قدر جزای نقدییه محکوم اولور . رد حاکم طلبیه متعلق مقررات هیچ برطریق قانونیه نابیع دکدر .

بشنجی فصل

مواد جزائیهده اصول محاکمه

ماده ۵۷ : قباحت دعوالرله بوقانونک ایکنجی فصلنده بیان اولنان جنجه دعوالرینک اصول محاکمهسی بالخاصه طرفینک وشاهدلرک جلب ودعوتی و ابتدای محاکمهده صورت استجوابلری نقطه نظرندن بوقانونده معین اولان حقوق دعوالرینک اصول محاکمهسند و وضع ایدیلن قواعدک عیندر . شوقدرکه مواد حقوقیهده کوسترین تشبثات صاحبه ایله مدعی علیه یمین ویرمک وشاهدلرک اولجهه ارف ضروریله لری النیق اصولی مواد جزائیهده جاری دکدر . حاکم کرک جرمدن متضرر و طالب تضمینات اولان شخصک دعواسیله و کرک ضابطه عدلیه وظیفه سیله مکلف اولان ناحیه مدیری وضابطه محلیه مأمورلری وقریه ویا محله هیئت اختیاریهسی طرفندن تحریراً ویا شفاهاً وقوع بوله حق اخبار اوزرینه دعوی رؤیته ایدر . کذلک متضرر اولان شخص دخی صالح حاکمک ناحیهیه ورودینه انتظار ایتمکسزین مدیرک نزدینه عزیمتله مطالباتی درمیان ایتمکده مختاردر . بو تقدیرده مشتکیکنک دعوی ضبطنامهسی وشاهدلرک تعیین وتوسیمی وبونلره متعلق اوراقک تنظیمی مدیر وکاتب واسطه سیله مواد حقوقیهده دائر اولان اونجی ماده حکمنه توفیقاً اجرا اولنور . مواد جزائیهده اهلیت شهادت کیفیتی اصول محاکمات جزائیه قانوننده تعیین ایدیلن احکام دائره سندهدر .

ماده ۵۸ : ماده سابقهده محرراحوالده ناحیه مدیری درحال مظنون علیهی حضورینه جلب ایده جک و مشتکیکنک دعوی ضبطنامهسی کندیسنه قرائت ایده رک نه جواب ویره جکنی ومدافعهسی ایچون دعوت ایتدیره جک، شاهدلری اولوب اولدیفنی سؤال ایده جک وکاتب معرفتیه بر ضبطنامه تنظیم ایتدیره رک کندیسنه امضا وتختیم ویاخود اشارت مخصوصه وضع ایتدیروب بونی مدعینک دعوی ضبطنامه سیله برابر حاکمه ارسال ایله جکدر . حاکم دخی ایلك جلسه محاکمه ایچون طرفینی وشاهدلری دعوت ایله جکدر .

ماده ۵۹ : اگر فعل ، سرقت جرائمندن ایسه ناحیه مدیری مظنون علیهی استجواب ایتدکدن صکره فعل مذکورک مرتکبی اولدیفنی احساس ایدر اماره موجود اولدیفنی صورتده مظنون علیهی موقتاً توقیف ایده بیلیر و کیفیتی درحال صالح حاکمه اخبار ایدر . مع هذا مظنون علیه او قضا اهلینسندن بولندیفنی وقضا داخلنده دائمی بر اقامتکاهی اولدیفنی تقدیرده کفالت معتبره مالیه ویا تأمینات نقدیه اراهنهسی حالنده مطلقاً تخلیه سبیلی اجرا اولنور . کفالتله تخلیه سبیل مظنون علیه طرفندن طاب اولنهرق کبی اقربا واحبابی طرفندن دخی طلب اولنهرق بیلیر . تأمیناتک مقداری وکفیلک اعتباری ناحیه مجلسنجه تقدیر وتصدیق اولنور . هیچ بر وقتده مدیر مظنون علیهی اختلاطدن منع ایده مز .

ماده ۶۰: سرقت و کتم اولنان اشیا میانه اخراج ایچون ضابطه معرفتیه و قریه ویا محله هیئت اختیاریه سندن ایکی کشی حضوریه ناحیه مدیرینک هر درلو تحریات اجراسنه حتی واردر. بو حالدہ تحریاتک صورت اجراسنی متضمن تنظیم اولنه حق ضبط ورقه سی ضابطه مأموریه حاضر بولن انلر طرفندن امضا ایدیلجهک و دعوی دوسیسه نه وضع اولنق اوزره مدیره تودیع اولنه جقدر.

ماده ۶۱: صالح حاکی نتیجه محاکمه مطنون علیک حبسنه حکم ایتدیکی حالدہ مطنون علیه ذاتاً موقوف ایسه لدی الحاجه تخلیه سی ویا مقدما ناحیه مدیری طرفندن وقوع بولمش اولان تخلیه سیلنک تصویبی ویا خود ردیه مطنون علیک تحت توقیفه آلمسی و مطنون علیک جزای نقدی ایله اجرای مجازاتنه حکم ایدلدیکی تقدیرده محکوم علیه محکوم به جزای نقدی بی تأدیه اتمز ویا ایدمه من ایسه قانون جزانک اوتوزیدنچی ماده سی موجبجه - هر ربع ایرا و کسورینه مقابل برر کون اولق اوزره - جزای نقدینک مقدارینه کوره محکوم علیک مدت حبسنی دخی تعیین ویرلکده حکم ایدجهکدر.

ماده ۶۲: صالح حاکی حکمی تفهیم ایتمکه برابر حکم مذکورک قابل استیناف ویا تمیز اولدیغی و بو طریق قانونی یه ایستر ایسه در حال وایستر ایسه تفهیم تاریخندن سکر کون ظرفنده تشبث ایدیه یله جکنی محکوم علیه اخطار ایدجهکدر. محکوم علیه در حال بو طریق قانونی یه تشبث ایتک ایستدیکنی بیان ایدلدیکی تقدیرده افاده سنی مین برضبط ورقه سی طوتدیره رق کن دیسنه استیناف ویا تمیز علم و خبری اعطا ایدجهک و دعوی دوسیسه نلک استیناف ویا تمیز وقوعندن بختله محکمه استیناف ویا تمیزه ارسالی ضبط کاتنه امر ایدجهکدر. محکوم علیه سکوت ایتمش ویا خود برکونه طریق قانونی یه تشبث ایتیه جکنی بیان ایلش اولسه بیله ینه سکر کون ظرفنده حکم واقعی استیناف ویا تمیز ایتمکه مختاردر.

ماده ۶۳: مدعی شخصی دخی تاریخ تفهیمدن سکر کون ظرفنده حقوق شخصیه سندن طولانی حکمی استیناف و تمیز ایتمکه حتی واردر.

ماده ۶۴: استیناف و تمیز ایتک ایستنه طرف ناحیه مدیرینه مراجعتله دعواسنه دائر صادر اولان محکومیت ویا براءت حکمنه قانع اولدیغندن بختله حکم مذکورک تدقیق ایدلمسی آرزوسنده بولندیغنی بیان ایدجهکدر. مدیر بو حکمی عدم قبول ایچون اسباب اولوب اولدیغنی سؤال ایدجهک وکاتبی معرفتیه بو طلی متضمن برضبطنامه تنظیم وزیرنی تصدیق ایتدیره جقدر و طرفینک اسم و شهرتی و غایت مختصر صورتده حکمک خلاصه سنی مین اوله رق مورخ و معضی بر طلب استیناف ویا تمیز علم و خبری اعطا ایلجهکدر. ناحیه مدیری در حال بو ضبطنامه بی حاکمه تودیع ایدجهک و حاکم دعوی دوسیسه سی میاننه وضع ایله استیناف ویا تمیز ایدلمش اولدیغندن بختله بودوسییه بی مرجع استیناف اولان محکمه ویا تمیز ریاستنه ارسال ایلجهکدر.

ماده ۶۵: استیناف ویا تمیز طلبی ایچون مواد سابقده بیان اولنان مراسمک ایفاسی محکمه استیناف ویا تمیزک دعوی رؤیت ایتسی ایچون کافیدر. طرفین استیناف ویا تمیز طلبی در میان ایتمکه برابر اسباب

استینافیه ویا تمیزیه لرینی مین لایحه اعطاسنده دخی بخیردرلر. بو تقدیرده طلب استیناف ویا تمیز علم و خبرنده لایحه ویرلمش اولدیغنی دخی ذکر ایدیلجهکدر.

ماده ۶۶: تمیز طریقته مراجعت ایدلمش اولدیغنی تقدیرده محکمه تمیز استعدا دائره سنجه جریان ایدجهک اصول قرق بشنچی ماده ده بیان اولنان اصولک عیندر. صالح محکمه لرینک اعلامی حاکمک وظیفه و صلاحیتی نقطه سندن و حکمک قانونه مخالفندن و صالح محاکمه لرینه متعلق اصول محاکمه یه مغایرتندن ناشی نقض اولنور.

ماده ۶۷: صالح حاکی لرندن صادر اولان اعلام علیه نه محکمه استینافده اصول محاکمه نقطه نظرندن در میان اولنه جق اعتراض آنجق اشبو قانونه مخالف معامله جریان ایتمش اولسنه منحصر اولوب اعلام مذکور فسخ ایدلدکن صکره اصول محاکمات جزائییه قانونی وجهله یکیندن محاکمه اجرا قلنه جقدر.

ماده ۶۸: بر مسئله جزائییه صادر اولان حکم آنجق قابل تمیز ایسه مدعی شخصی لهنه حکم اولنان ضرر و زیان و تضمینات حکملری کفالت اعطا قلنق شرطیه موقتاً اجرا قلنور.

ماده ۶۹: صالح حاکی نلک مواد جزائییه متعلق اولان قراری نقض ایدلدیکی تقدیرده اوراق دعوی حکمی ویرن حاکی اعاده اولنور. و حاکم نقطه منقوضه دن بدأ ایله تکرار اجرای محاکمه ایدر.

ماده ۷۰: صالح حاکی لرینک جنجه ماده لرنده ویردکاری حکملر منسوب اولدقلری بدایت محکمه لرنده استیناف اولنور.

التنچی فصل

حکمک اجرایی

ماده ۷۱: دعوی قازانان طرف ناحیه مدیرینه مراجعتله فقره حکمییه نلک تودیه یله اعلامک اجراسنی و بر علم و خبر اعطاسنی طلب ایدجهکدر. مدیر بو بابده بر طلب اجرا ضبطنامه سی تنظیمیه زیرینی محکوم لهنه امضا و تخبیم ویا خود اشارت مخصوصه وضع ایتدیره جک و فقره حکمییه نلک نومرو و تاریخنی مین اوله رق کن دیسنه محتوم و مورخ بر طلب اجرا علم و خبری ویره جقدر.

ماده ۷۲: مدیر اعتراض و تمیز مدتلرینک کچمش اولدیغنی کوردیکی حالدہ محکوم علیه ی جلب ایله حکمی بالرضا انفاذ ایتمکه دعوت ایلجهکدر. محکوم علیه بر طلب اعتراض علم و خبری ابراز ایتدیکی حالدہ اجرا تأخیر اولنه جقدر. طلب تمیز علم و خبری ابرازی حالنده مدیر محکوم لهنه دعوت ایدجهک و حکم مذکور تنفیذ اولنق اوزره معتبر و مصدق بر کفیل اعطا ایتسنی تکلیف ایلجهکدر. کفالتنامه نلک محله ویا قریه هیئت اختیاریه سنجه تصدیق ایدلمسی کافیدر.

ماده ۷۳: ناحیه مجلسی کفالتی شایان قبول بولدیغنی ویا مدیون محکوم اعتراض و تمیز طریقته مراجعت

ایتمه مش بولندینی تقدیرده ناحیه مدیری مدیون محکومه براخطارنامه کوندره جک وبونده اعلامده کی طرفین متعارضینک اسملری و دعوانک اساسی و تأییه اولنه جق مبالغک مقداری کوستریلهرک قرق سکز ساعتده بالرضانادیه ایتمی وعکس تقدیرده اموال منقوله سنک حجز وفروختی صورتیه ادایه اجبار ایدیه جکی بیلدیریه جکدر. ضابطه مأموری بو اخطارنامه بی محکوم علیه بولنه مدینی تقدیرده خانه سنده مقیم عائیه سی افرادندن برینه تبلیغ ایلکله برابر قرق سکز ساعت ظرفنده دین محکوم بهی تأدییه ایتمدیکي حالده اموال منقوله سنک حجز وفروخت اولنه جغنی شفاهاً دخی بیان ایدیه جکدر. ضابطه مأموری محکوم علیه ویا عائیه سی افرادندن برینه تبلیغ ایتمش ایسه آنک امضاویا مهرینی ویا اشارت مخصوصه سی حاوی برتبلیغ علم وخبری استحصال ایدیه جک وبو علم وخبرک بر صورتی دایه ویرلمک اوزره مدیره تودیع ایدیه جکدر. تبلیغ علم وخبرینی امضادن ویا وضع اشارتدن استیکاف اولندینی ویا خود خانه نک قیوسی قیاتیله رق ضابطه مأموری خانه یه قبول ایدلدیکي حالده ضابطه مأموری اون برنجی ماده نک فقرات اخیریه سی وجهله حرکت ایدوب بر ضبط ورقه سی تنظیم ایدیه جک وبونک بر صورتی دایه ویرلمک اوزره مدیره تودیع ایدیه جکدر.

ماده ۷۴: اخطار نامه نک تبلیغندن ویا خود ضبط ورقه سنک تنظیمندن قرق سکز ساعت ظرفنده مدیون تأدییه دین ایتمدیکي تقدیرده مدیر برضابطه مأمورینه ناحیه کاتیله قوه کافیه ترفیق ایدیه نک مدیونک اقامتگاهنه کوندره جک و بونلر قریه نک مختاریله امامنی ویا پاپاسنی بالاستصحاب حضورلرنده مدیون محکومک اموال منقوله سنک حجزینه متعلق معاملیه بی ایفا ایله ضبط ورقه سی تنظیم ایدیه جکدر. حجز ایچون کیربله جک محله دخوله ممانعت ایدلدیکي تقدیرده ضابطه مأموری قیویی آچسنی وعکس تقدیرده قیویی قیره رق ایچری یه کیره جککی اوچ دفعه یوکسک سس ایله اخطار ایدیه جکدر. بو اخطار مکرره رغماً قیو آچلمادینی تقدیرده ضابطه مأموری وقوع حالی متضمن بر ضبط ورقه سی تنظیمیه حاضر وه امضا ایدیه جکدر. بوندن صکره قیویی قیرمقسزین بر آناختار ایله آچق قابل ولماز ایسه قیره رق ایچری یه کیره جکدر.

ماده ۷۵: حجزک اجراسنده ضابطه مأمورینک طاقه نسایه صالح اولان اشیا اولجه تفریق ایتدیرلمک شرطیه بتون قیولری ودولابلری آچغه حق واردر. انجق نه محکوم علیه ونه ده افراد عائیه سیله خدمتکارلرینک اوزرلرینی تحری یه صلاحیتی یوقدر.

ماده ۷۶: اجرای حجزه مأمور اولان ضابطه مأموری ایفای دینه کفایت ایدیه جک مقدار حجز ایتدیکي اشیانک تفصیلاتی ومقدار ووصافی واکر موجود ایسه آلتون وکوش طاقلرک نقلتی ومحصولات وحبوبانک وسائر اشیانک جنسیله کیل ومقدارینی مبین وموضح برضبط ورقه سی تنظیم ایلیه جکدر.

ماده ۷۷: اولاً محکوم علیه کندیسنه وکندیسیله برابر مقیم اولان افراد عائیه سنه مقتضی یتاق طاقی ومحجوز علیه کیجه لک وکوندوزلک برر طاقم البسه سی ولوازم عباداتندن اولان اشیا سی ومحجوز علیه ایله عائیه سی افرادنجه استعمالی ضروری اولان مطبخ وسفره وحمام طاقلری حجز اولنه ماز.

انجق مجله نک طقوز یوز طقسان طقوزنجی ماده سنک صوک فقره سی بوبابده نظر دفته آله جقدر. وبوندن ماعدا البسه ومفروشات وزینت آلات واشیای وحلیات وتجملات بیتیه وعلی العاده استراحتیه مخصوص اولان اشیا قابل حجزدر.

ثانیاً: محکومک مسلك وصنعتنه متعلق کتابلری ثالثاً: محجوز علیه ک اجرای صنعتی ایچون استعمالی ضروری اولان آلات وادواتی رابعاً: مدیونک البسه وسائر لوازم رسمیه سی خامساً: زراعتک آلات وادواتی وتخملمنی

سادساً: محجوز علیه ک وافراد عائیه سنک - آیلقله تدارک اولنان محللرده بر آیلق وقیشلق ذخیره نک تدارکی معناد وضروری اولان محله برقیشلق - ذخیره ومحروقات شتاییه سی

سابعاً: محجوز علیه ک اوکوز، اینک، آت، ماندا، استر ومربک کی معیشتی ایچون زراعتده استعمال ایتدیکي حیواناتیه براینک ویا برماندا، آلتی قویون ویا کچی واوت ویی.

ثامناً: اصحاب معاشک قوانین مخصوصه سیله معین مقدار معاشندن فضله سی ثاسعاً: موقع محاربه ده بولنان ویا موقع محاربه یه سوق ایدیلان امرا وضابطان و نفرات ایله سائر مأمورین دولنک معاشلری حجز اولنه ماز ومحجوز ایسه حرب مدتجه توقیفات اجرا ایدلر.

بوماده عیناً بتون حجز وضبط ورقه لری بالاسنه درج اولنق وحجز وقوعندن اول ضابطه طرفندن محجوز علیه ویانثای حجزده موجود بولنان افراد عائیه سنه قرائت ایدلمک اقتضا ایدر.

ماده ۷۸: حجزک وقوعنه دائر اولان ضبط ورقه سی حجزی اجرا ایدن ضابطه مأموریه رفاقتده کیده جک مأمورلر وهیئت اختیاریه دن حاضر بولنانلر طرفندن امضا ایدیه جکدر. بونک ایکی نسخه صورتی چیقاربلوب بری محجوز علیه براقیله جق، دیکری حاجزه ویریه جکدر. ضبط ورقه سنک اصلی ناحیه مدیرینه تودیع اولنه جقدر.

ماده ۷۹: محجوز علیه ک یدینه براقیلان حجز ضبط ورقه سی زیرینه تاریخ حجزدن بش کون مدت ظرفنده تأدییه دین اولندینی حالده اموال محجوزنه نک فروخت اولنه جغنی ومحجوز علیه ک بریدیه جکی اولدینی تقدیرده ناحیه مدیری نزدینه عزیمتله بیان ایلسی لازم کله جکی تحریر وعلاوه اولنه جقدر.

ماده ۸۰: ضابطه مأموری قانوناً قابل حجز اشیا وامواله دسترس اوله مادینی تقدیرده بوکا دائر بر ضبط ورقه سی تنظیم ایدیه جک وبوضبط ورقه سنک اصلی ناحیه مدیرینه تودیع اولنوب صورتی حاجزه اعطا قلنه جقدر.

ماده ۸۱: صاتیله جق اشیا ممکن اولدینی قدر بر ویا برقاچ اوطه ده جمع اولنه رق قیوسنک اوزری ضابطه مأموریه مختار وحاضرون طرفندن مهرانه جکدر. اشبو اشیا مختومه بی ومهرلنسی قابل اولیان اشیا

ایله حیواناتی محافظه ایچون ضابطه مأموری کفیل اخذیله محجوز علیه یدنده براقه بیله جکی کبی کفیل رانه اولمیدنی تقدیرده اجرتی محجوز علیه عائد اولمق اوزره بر محافظ تعیین اولنه جقدر . شوقدر که اشیای محجوزه میاننده متسارع الفساد اولانل درحال بلزاید بیع اولنه رق اثنای ماده آتیده کوسترلیکی وجهله حفظ اولنه جقدر . اشیای محجوزه بالکفاله محجوز علیه یدنده براقلیدنی حالدله بلا استهلاك انتفاعی قابل اولان مواده محجوز علیه مدت حیز ظرفنده انتفاعیه مؤنتک تأمین مجازدر .

ماده ۸۲ : حیز وثبت دفتر ایدیلن نقود بر کیسه دروننه قونیه رق واوزری ضابطه مأموری وحاضرون طرفندن مهرلنهرک صاتیله جق اشیانک ائمانه علاوه اولنمق اوزره ناحیه مدیرینه تسلیم اولنه جق وهر حالده معامله حیزیه به محجوز علیه حقدده اهون وافع اولاندن بدأ اولنه جقدر .

ماده ۸۳ : اشیای محجوزه یا قریه بازارنده وقریه ده بازار موجود دکلسه وبقین محلدله بازار اولمیدنی صورتده الک یقین ناحیه ویا قضا چارشوسنده یعنی محجوز علیه اقامتگاهنه الک یقین اولان عمومی بر بازارده صاتیله جق وهر کون بازار کشاد اولمیدنی تقدیرده ایام مخصوصه کشادنده بیع اولنه جقدر . بیعدن مقدم کرک محل بیع مک مناسب یرلرینه وکرک معابد قبولرینه یاقتلر یاقتلر یله جق وبونده اسباب بیع ایله محجوز علیه اسمی ذکر اولنمقسزین صاتیله جق اشیانک نوع وجنسی ایله یوم ومحل بیعی کوسترلیه جقدر . بوندن بشقه کرک محجوز علیه قریه سنده وکرک ناحیه مرکزنده ایکی دفعه مختلف کوندرده منادی معرفتیه اعلان ایتدیر یله جک و صوک اعلان یوم معین بیعدن لااقل یکرمی درت ساعت اول یایدیر یله جقدر .

ماده ۸۴ : ناحیه مدیری طرفندن تعیین اولنان کونده اشیای محجوزه حاجزک معرفتیه صاتیله جق محله نقل اولنه جق و حاجزک فقر حالندن ناشی مصرفی ایفایه عدم اقتداری اختیار مجلسنک تصدیقیله ثابت اولمیدنی تقدیرده حاجزک طلبیه مصارف نقلیه ثمن میعدن استیفا اولنمق اوزره مدیر طرفندن نقل ایتدیر یله جقدر . هرایکی تقدیرده نقل کیفیت مدیر طرفندن تعیین اولنان بر مأمورک تحت محافظه سنده اجرا قلنه جقدر .

ماده ۸۵ : اشیانک بلزاید بیعی مدیر طرفندن مأموراً کوندیر یله جک ناحیه مجلسی اعضاسندن برینک وایستدیکی تقدیرده بالذات محجوز علیه حضور لرنده منادی معرفتیه اجرا قلنور . بوکا دائر ضبط ورقه سی مدیر تعیین ایتدیکی بر کاتب طرفندن طوتیلوب حاضر بولنان اشخاص طرفندن امضا ایدیر یله جقدر .

ماده ۸۶ : صاتیلان اشیانک ثمنی مدیره تسلیم اولنه جق وارده ناحیه مجلسی اعضاسندن ایکی کتی حضورنده داینلره توزیع ایدیر جقدر . ثمن مذکور دن اولاً اشیای محجوزه نك مصارف محافظه سی ثانیاً اگر واقع اولمش ایسه مصارف نقلیه ثانیاً منادی مصرفی رابعاً مصارف محاکمه و باقیسندن حاجزک مطلوبانک تمامی کندیسنه اعطا قلنه جقدر . بونی متضمن بر ضبط ورقه سی تنظیم اولنه رق مدیر ایله موجود ایکی اعضا و حاجز طرفندن امضا ایدیر جقدر . بوضبط ورقه سنک مدیر طرفندن مصدق بر صورتی دین مطلوبک نه مقداری تحویل وایفا ایدیر یلمش ایسه اونک مقبوض سندی مقامنده اوله رق محجوز علیه تودیع اولنه جق

ودیکر صورتی حین طلب حیزده تودیع ایددیکی فقره حکمیه ایله برابر حاجزه اعطا ایدیر یله جقدر .

ماده ۸۷ : اشیای محجوزه نك صاتیله جق کونه قدر بیعنه اعتراض اولنه بیلیر . صاتیله جق کون اعتراض مسموع اولماز . اسباب اعتراض اولاً اشیای محجوزه میاننده حیز و بیعی قانوناً ممنوع اولان اشیای موجود بولندیکنک محجوز علیه طرفندن ادعا یدلسی ثانیاً اشیای محجوزیه ویا بر قسمنه شخص ثالث طرفندن ادعای استحقاق اولمیسیدر .

ماده ۸۸ : اعتراض ناحیه مدیرینه بیسان اولنه رق بر ضبطنامه تنظیم ایتدیر یله جک وزیری معترض طرفندن امضا وتختیم ویا اشارت مخصوصه وضع اولنه جقدر . مدیر معترضه امضای تحتنده ومورخ بر علم وخبر ویرجک و ضبطنامه یی صالح حاکمه ارسال ایدیر جقدر . حاکم معترضی وحاجزی و اعتراض ایدن شخص ثالث اولمیدنی تقدیرده محجوز علیه و اعتراض واقع اشیای محجوزه میاننده حیزی قانوناً ممنوع اشیای بولندیغه متدائر ایسه حیزی اجرا ایدن ضابطه مأمورینی حضورینه دعوت ایدیر جقدر . دعوی علی العاده رؤیت اولنه جق ونتیجه سنده قدر اشیانک بیعی تأخیر ایدیر یله جقدر .

ماده ۸۹ : اگر اجرایی طلب اولنان فقره حکمیه بر باره نك ایفاسنه متدائر اولمیبوده بر فعلک اجراسنه واز جمله بر مأجورک تحلیه سنده ویا ذی الیدک اعاده یدینه متعلق اولور ایسه اجرایی کذلک ناحیه مدیرینه عائد اوله جقدر . مدیر بوطالب اجراده یتمش ایکنجی ماده نك احکامی وجهله حرکت ایدیر جقدر . مدیر محکوم علیه دعوت ایدیر جک و محکوم علیه بالرضا حکمی اجرا یتمز واعلام غیابی اولمیدنی حالدله علیه اعتراض ایتمه مش بولنور ایسه ویا تمیز ایدلمش بر حکمده محکومله طرفندن یتمش اوچنجی ماده وجهله کفالت اعطا قلنور ایسه مدیر طرفندن محکوم علیه بر اخطارنامه کوندیر یله جک وبونده قرق سکز ساعت ظرفنده حکمی بالرضا انقاد ایتسنی وخلافی تقدیرده جبراً اجرا قلنه جقنی بیان ایدیر جقدر . اخطارنامه اون برنجی ماده وجهله تبلیغ اولنه جقدر .

ماده ۹۰ : اخطارنامه ده معین اولان مدت ظرفنده محکوم علیه حکمی بالرضا اجرا ایتدیکی تقدیرده مدیر محله قوه کافیه ترفیقیه بر ضابطه مأموری کوندیر یله جک وبولنر قریه ویا محله هیئت اختیاریه سندن ایکی کتی حضورنده حکمک جبراً انفاذینی تأمین ایدیر جقدر . وقوع حالی و صورت اجرایی مبین بر ضبط ورقه سی تنظیم اولنه جق و بوضبط ورقه سی ضابطه مأموری ومعیتی افرادیه حاضرون طرفندن امضا قلنه رق مدیره تودیع ایدیر جقدر . مدیرک امری تحتنده قوه کافیه موجود اولمیدنی تقدیرده منسوب اولمیدنی مرکزندن معاونت طلب ایدیر جقدر .

ماده ۹۱ : اموال غیر منقوله نك حیز اجراییسی طلبلری قضا بدایت محکمه سی رئیسنه بیان اولنمق لازمدر . رؤسای مومی الهم اجرا قانونی موجبجه بو خصوصده حائر اولدقلری صلاحیتی محافظه ایدرلر .

ماده ۹۲ : صاحب محکمه لرندن مواد جزائییه متعلق صادر اولان حکملر یالکز جزای نقدیه ویا خود

برهفته نى متجاوز اولماق اوزره حبسه متداثر اولدينى حالده حكم مذكور كسب قطعيت ايتميه برابر ناحيه
مدبرى طرفندن اجرا قلنه جق و بوندن يوقارى اولان حكملىك اجراسى قضا بدايت محكمه لرى مدعى
عموميلكر بنه عائد بولنه جقدر.

فصل مخصوص

ماده ۹۳: شهر و قصبه لرده دخى عدلى و دائره صلاحيتلى محليه كوره معين صالح
حاكملىك تائيس اولمشدر. يتمش ايكنجى ماده موجبنجه ناحيه مديرلىك مكلف اولدينى معاملات اجرايه
محلى اجرا دائره مى طرفندن ايفا ايديله جقدر. انجق معاملات اجرايه سى كثر اولان شهر و قصبه لرده
بووظيفه عدليه نظارتك نديبي ايله صالح حاكملىك تقيوض اولنه بيلور.

ماده ۹۴: منتظماً دعوى و كيللى جمعيتلى تشكىل ايدن محملرده دعوى و كينى اقامه سى جائز اولوب
جمعيت تشكىل ايتمين برلرده دعوى و كينى قبول اولماز. يكر منجى ماده به توفيقاً و كيل معرفيله رؤيت دعوى
ابتدريه بيلمك صلاحيتى لى الايجاب طرفينك بالذات محكمه به دعوتى ايچون كرك ديكر طرفك طليله و كرك
رأساً حاكم حائز اولدينى حق و صلاحيتى رفع ايدنه من.

ماده ۹۵: صالح حاكمك دائره قضا سنده كابو كچن و ياموقتاً مقيم اولان اشخاصك اموال، ذخائر
و حيواناتى اوزرينه وضع اولنه جق حيز طابى صالح حاكمه بيان اولنه جق و حاكم قرقچى ماده نك تعيين ايتديكى
قواعد و مراسمى بالذات اجرا ايدنه جقدر. بعده منازع فيه ارلان مسئله نك تدقيقى ايچون يكر مى درت ساعت
ظرفنده طرفينى حضورينه جلب ايدنه جك و يوم معينده مسئليني مستعجلاً رؤيت و حكم ايله جقدر.
ماده ۹۶: اصول محاكمه حقوقيه و جزائيه ايله قوانين سائر نك اشبو قانونه صراحة و يا ضمناً
مخالف اولان و يا خود اشبو قانون ايله قابل توفيق و تأليف اوليان احكامى صالح محكمه لرنده مرعى اوليه جقدر.
ماده مخصوصه: نواحى تشكىلاتى هنوز اكمال اولميان محللر ايله مركزه مربوط قراده اجرا
وظيفه سى ده صالح حاكملىك مودوعدر.

ماده ۹۷: اشبو قانونك اجراى احكامنه عدليه نظارتى مأموردر.

ماده ۹۸: اشبو قانون تاريخ نشرندن اعتباراً مرعى الاحكامدر.

اشبو لايحه قانونيه نك مجلس عمومى نك كشادنده قانونيتى تصديق ايتديرليك اوزره موقتاً موقع مرعيتيه وضعى
و قوانين دولته علاوه سنى اراده ايدرم.

۱۷ جادى الاولى سنه ۱۳۳۱ و ۱۱ نيسان سنه ۱۳۲۹

محمد رشاد

عدليه ناظرى
ابراهيم
صدر اعظم
محمود شوكت

حكم تميز مقرراتى

حكم تميز حقوق دائره سنده صادر اولان ۲۰ ثانوى ۳۲۸ تاريخى و ۳۱۳۱ نومردى اعلام صورتيه:

مذممه تميز حقوق دائره سنده صادر اولان ۲۰ ثانوى ۳۲۸ تاريخى و ۳۱۳۱ نومردى اعلام صورتيه:

مدعى عليه فعل تخيمى انكار ايلديكى حالده محكمه به اول امرده سند مذكور
مدعى عليه طرفندن تخيم ايدليكنى اثبات ايدنه جك شهودى موجود اولوب اولدينى
خصوصى مدعين سؤل ايدنه جك شهودى موجود ايسه اثبات ايتيراسى
واثباتدن اظهار عجز ايلديكى تقدردنه آندن صكره عين تكليفنه حق اولور.

بروسه تصبه سنده كائن امينيه دركاه شريفى پوست نشيني شيخ حاجى آگاه افندى ايله قصبه مذكور دنك
مناسرت محله سنده مقيم متوفى كراسته جى عارف اغا مخدومى على افندى ميانه لرنده متحدث دعوايه دائر بروسه
استيناف محكمه سندن فى ۴ تشرين ثانى سنه ۳۲۸ تاريخى و اوتوز درت عدديله ويريلوب مومى ايله شيخ
آگاه افندى طرفندن تميزاً تدقيقى استدعا اولان اعلام طرفينك اعتراض و جواب لايحه ليله بالمطالعه تدقيقات
تميزيه اجرا سنده مبادرت اولندى.

اعلام مذكور مآله كوره: مومى ايله شيخ آگاه افنديك بروسه مركز بدايت محكمه سنده باعر فحال
مراجعتله يكي قايوجه و قره مصطفى حاملرينى سنوى سكر يوز الى ليرا بدل ايجار مقابله مدعى عليه
مومى ايله على افنديك كفالتيله پدرى متوفى عارف اغا حياتنده ايجار و تسليم ايدرك غير از استفادمتنده
آله جنى اولان ايكي يوز قرق بر ليرا و ياپراق بدلندن دخى اون درت ليرا كه من حيث المجموع ايكي يوز
الى بش ليرانك كفالت مطلقه سى حسييله مومى ايله على افنديك تحصيلي حقه ايله ايدليكى دعوانك سبق
ايدن محاكمه سى نتيجه سنده كچه مدعى عليه و كينى مبرز قونطوراتو زيرينه موضوع و مختوم مهرى موكللى
وضع و تخيم ايتامش اولدينى جهته فعل ختمى مدعينك اثباتى لزومى مدافعه درميان ايتمش ايسه ده تدقيق
خط و خاتم فصلنه توفيقاً اجرا قلنان تطيقات نتيجه سنده مهر موضوع مذكور مدعى عليه مهر ذاتيسى
اولدينى اكلاشلمسند و مدعينك ده استظهاراً تخليفى اجرا قلنمسند بناء مدعابه ايكي يوز الى بش عدد عثمانلى
ليراسنك مع فائض مدعى عليه دن تحصيلنه دائر لاحق اولان اعلام ابتدائيك عندالاستيناف بعض اسباب
قانونيه مبنى نواقص قنوتيه نك اكالى تحت قراره اندقدن صكره اجرا قلنان محاكمه و تدقيقات استينافيه سى
نتيجه سنده: مدار تطبيق اتخاذاولنان ورقه نك اصول حقوقيه ده تعداد اولنان جمله سندن اولماسيله برابر مدعى
مستأنف عليه دخى بشقه ورقه ايرازندن عاجز اولدينى و مع هذا طالب تخليف بولمادىغنى بيان ايلسنه بناء
مدعينك مدعى عليه قارشو معارضه دن مننه حكم و قرار و يرليكى اكلاشلمشدر.

مستدعی تمیز طرفندن ویریلان لایحه تمیزیه ده بدایت قراری موافق اصول و قانون اولدینی حالده استیناف محکمه سنجه برطاقم اسباب غیرقانونیه سردیله اعلام ابتدائیک بالفسخ بوجه مشروح قرار ویرلمی قرار ویرلمی یولسز و مغایر قانون اولدیغندن بخله اعلامك تقضی و جواب لایحه سنده ده اعتراضات مسروده نك غیر وارد اولدینی بیانیه ردی و اعلام مذکورك تصدیق طلب و استدعا اولمشدی .

ایجابی مذاکره اولندقدہ : کیفیت مدعا هر نقدر بوجه محرر حکم و قراره ربط اولمش ایسه ده مدعی علیه مبرز قونطورا توده کی ختمی کندوسی وضع و تختم ایتدیکنی بیانله فعل تختمی انکار ایش اولمغله برابر بدایه مدار تطبیق اتخاذ ایدیلان اوراق دخی مابه التطبيق اوله میه جغه کوره محکمه جه اول امرده سند مذکور مدعی علیه طرفندن تختم ایدلیدیکنی اثبات ایدجك شهودی موجود اولوب اولمادیغنی خصوصك مدعیدن سؤال ایدیلهرك شهودی موجود ایسه اثبات ایتدیرلمی و اثباتدن اظهار عجز ایدلیدی تقدیرده اندنصره یمین تکلیفنه حق اولدینی جهته یمین ویردیروب ویردیرمیجکی خصوصی دخی سؤال ایدیلهرك نتیجه حاصله یه کوره بر قرار ویرلمك اقتضا ایدرکن محکمه جه بو جهتلر تأمل ایدلمکسزین بوجه مشروح قرار ویرلمی یولسز و مغایر قانون اولدیغندن اصول محاکمه حقوقیه قانونك ایکی یوز قرق برنجی ماده سی موجبجه اعلام مذکورك نصفیه ایکی یوز قرق دردنچی ماده سی حکمنه توفیقاً کیفیتك بالرؤیه اعلامه ربطی ضمننده محکمه مذکوریه اعاده سنه و مصارف آتیه تمیزیه نك ایلروده حقسز حقه جق طرفه عائد اولسنه فی ۲۰ کانون ثانی سنه ۳۲۷ تاریخده متفقاً قرار ویرلدی .

محکمہ تمیز حقوق دائره سنده صادر اولده ۳۰ کانون ثانی ۳۲۸ تاریخ ر ۳۳۳۶ نومرولی اعلام صورتیبر :

« تحت حکم و قراره آلمان بر دعوی صورت اخیری ایله ینه عینی درجه محاکمه تکرار قامه ایدیله من . »

ازمیرك تلکلیك نام محلنده مقیم شیخ محمود قهوه خانه سی مستأجری کریدلی حسین حسنی افندی ایله کچه جیلر قارشوسنده مقیم عبدالقادر پاشا خانی مستأجری کریدلی علی حیدر افندی بیننده متکون دعوا یه دائر ازمیر تجارت محکمه سندن ۱۴ تشرین ثانی سنه ۱۳۲۸ تاریخ و بشیوز اون ایکی عددی ایله ویریلوب مزبور حسین حسنی افندی طرفندن تمیزاً تدقیق استدعا قلنان اعلام طرفینك اعتراض و جواب لایحه لر یله برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاته کوره مزبور حسین حسنی افندی محکمه مذکوریه مراجعتله عقد ایتدکری شرکت سرمایه سی اولارق مزبور علی حیدر افندی یه اعطا ایدلیدی التمش طقوزبیک ایکی یوز طقسان بر بچق غروشك مذکور شرکت قوددن فعله چیقار یلاماش اولدیغندن بخله تحصیلی طاب و دعوی و مدعی علیه

مزبور علی حیدر افندی ده مدعی عینی دعوائی مقدما حقوق محکمه سنده ائمه ایش و بو باده اعلام دخی صادر اولمش اولوب دعوائی مذکور نك بتکرار رؤیتی غیر جائز بولندیغندن ردینی مدافعه اغاده و انبا ایللری اوزرینه حقوق محکمه سنده اقامه و حکمه ربط اولنان دعوی استرداد امانته متعلق اولدینی حالده دعوائی حاضره نك سرمایه شرکت طلبنه متدائر بولمنسه و بوضورتله ایکی دعوی آره سنده برکونا مناسب و ارتباط کور یله مامسنه مبنی مدعی علیه بوباده کی اعتراضك ردینه قرار ویرلیدیکنن صوکره اجرا قلنان محاکمه و تدقیقات نتیجه سنده مدعی دعواسنی اثباتدن عاجز قالمسنه و اولباده تکلیف قلنان یمینی مدعی علیه قبول و اجرا ایلسنه مبنی دعوائی واقعه نك ردیله مدعینك معارضه ده منغه قرار ویرلیدی آ کلاشلمشدر . مستدعینك ویردیکی لایحه ده محکمه حقوق اعلامی مندرجاتك خلاصه اولسون اعلام میز به درج و تفتیق قلنامسی و مدعابه مبلغ بر قسمی آلدیغه دائر مدعینك سبق ایش اولان اقرارینك نظر اعتباره التاماسی مغایر قانون اولدیغندن بخله اعلامك تقضی و لایحه جوابیه ده ده اعتراضات مذکور نك غیر وارد اولدینی ردی و موافق اصول و قانون اولان اعلام مذکورك تصدیق طلب و استدعا اولمشدر .

ایجابی مذاکره اولندقدہ خصوص مدعا هر نقدر بوجه مشروح بالرؤیه اعلامه ربط اولمش ایسه اعلام میز بهك مندرجاتدن مستفاد اولدینی اوزره دعوائی مذکور نك مقدما حقوق محکمه سنده رؤیت اولنهرق بوباده ویریلان اعلام کسب قطعیت ایدلیدی حالده مدعی مزبور مبلغ مدعابه حقنده مجرد عنوان امانته سرمایه شرکت لفظی علاوه ایدرک صورت اخیری ایله اقامه ایدلیدی آ کلاشلمغه مدعینك رداستدعاسنه قرار ویرلمك لازم کلور ایکن بالقبول بوجه مشروح حکم اعطا اولمنسی مغایر قانون اولدیغندن اصول محاکمه حقوقیه قانونك ایکی یوز قرق برنجی ماده سی موجبجه اعلام مذکورك نقضه قانون مزبورك ایکی یوز قرق بشنچی ماده سی حکمنه توفیقاً اساس ماده نك تدقیقنه کیریشمکسزین دعوی عرفانك ردی صورتیله حکم مذکورك اصلاحاً و تصحیحاً اعلامه ربطی ضمننده محکمه مذکوریه اعاده سنه وزیرده مفرداتی مرقم مصارف تمیزیه نك ایلریده حقسز حقه جق طرفه عائد اولسنه ۳۰ کانون ثانی ۳۲۸ تاریخده متفقاً قرار ویرلدی .

محکمہ تمیز حقوق دائره سنده صادر اولده ۴ سباط سنه ۳۲۸ تاریخ ر ۲۹۴۲ نومرولی اعلام صورتیبر :

« ضرر و زیان طلبنه دائر . »

بویاجی کوینده مقیم کمور تجارندن سلیمان آصف بك ایله غلطه ده واقع مدللای بانقہ سی بیننده متحدث دعوا یه دائر در سعادت استیناف حقوق محکمه سندن ۱۴ تشرین اول سنه ۳۲۸ تاریخ و یوز طقسان ایکی عددیله ویریلوب مومی ایله سلیمان آصف بك طرفندن تمیزاً تدقیق استدعا قلنان اعلام طرفینك اعتراض و جواب لایحه لر یله برابر بالمطالعه تدقیقات تمیزیه اجراسنه ابتدار اولندی .

اعلام مذکور مندرجاته نظراً مزبور مدالی بانقه سی وکیلی تجارت بحریه محکمه سنه باعریضال مراجعته موکلی بانقه ایله سلیمان آصف بک میانه لرنده منعقد ومعدن کموری بیع وشراسنه متعلق ۷ شباط سنه ۱۹۰۷ تاریخی بر قطعه مقاوله نامه احکامک اجرایی تأمیناً کندوسی طرفندن عثمانی بانقه سنه بیک لیرا کفالت اچمسی ویراش اولدینی حالده مومی الیه سلیمان آصف بک طرفندن موکلی بانقه عاينده محکمه بحریه حضورنده اقامه ایدیلان دعواده بر موجب مقاوله بالجله تعهداتی تماماً ایفا ایتدیکندن بخله مذکور کفالت سندینک عیناً موجود ایسه اعاده سی یوق اینسه حکمسر لکنه قرار ویرلمسی طلب اولنش ایسه ده افندی مومی الیه مارالذکر دعوی عرفخالنده اقرار ایتش اولدینی مقاوله نامه نك احکامی اجرا ایتدیکی کبی بوندن طولانی موکلی بانقه نك ضرر وزیاننه سببیت ویردیکندن مومی الیه سلیمان آصف بک جلیله بالحاکمه مقاوله نامه موجب تعهداتی ایفا ایتمه مسندن طولانی مدالی بانقه سنه ایرات اولنوب اصولی وجهله تحقق ایدجک بالجله ضرر وزیانک مع فائض تحصیلانی وبوبابده کی قرارک موقتاً اجرایی طلب و دعوی و ۷ نisan سنه ۱۹۰۷ تاریخی بر قطعه مقاوله نامه ترجمه سی ایله کذلاک ۱۱ ایلول سنه ۳۲۴ تاریخی بر قطعه پروتستو ورته سی و ۷ نisan سنه ۱۹۰۸ و ۴ نisan سنه ۱۹۰۸ تاریخی ایکی قطعه مکتوب ابراز واعظا ایتسی ولجل الحاکمه تعیین قلنان کونده مدعی علیک اجابت ایتمه سی اوزرینه غیاباً جریان ایدن محاکمه و تدقیقات نتیجه سنده عندالاعتراض ایجاب قانونی سنه باتلمق اوزره قوزلی و زونغولداقده واقع سکرز و طقوز نومرولو معدن اوجاقلرینک تسلمندن امتناع اولنان جمعاً الی بیک الی یوز الی طقوز طونه والی یوز الی درت کیلو غرام معدن کمورینک فرق فیثاتی اولان جمعاً طقوز یوز طقسان سکرز لیرا و طقسان درت غروش ایله یوز یتش بش کون اوجاقلرک تعطیلندن و کمور اشتعال ایتسندن طولانی مصارف ثقلیه و محافظه و سیلردن وسائر ددن طولانی حاصل اولان ضرر وزیاننه مقابل یکر می بشر لیرادن ادعا اولنان جمعاً سکرز یوز یتش لیرانک و اوچ بیک یوز اوتوز طونو معدن کمورینک بر موجب مقاوله قالبور اجرتی ایکی غروش حسابیله جمعاً التمش ایکی لیرا التمش غروش طوتاری اولان بیک طقوز یوز اوتوز الی عثمانی لیراسی والی درت غروشک مع اجرت وکالت سلیمان آصف افندیین تحصیلنه و اساس تضمیناتدن عبارت اولان مطلوبه کذشته یوریدیلهمه جکانه و اجرای موقت طلبنک ردینه دائر ویریلان اعلام حکمنه مومی الیه آصف بکک عدم قناعتله اقامه ایتدیکی اعتراض دعواسنک اجرای محاکمه سیچون تعیین اولنان کوتده اساساً مدعی اولان معترض علیه مدالی بانقه سی وکیلنک کلامی جهتیله حق محاکمه سنک موقتاً سقوطنه غیاباً قرار ویرلمش و بالاخره بانقه وکیلی طرفندن اعتراض علی الحکم طریقیه دعوی احیا ایدلمش اولسندن طولانی بتکرار جریان ایدن محاکمه و تدقیقات نتیجه سنده مدالی بانقه سی مطالبندن بر قسمی آتی به تعلیق ایلک صورتیله حصر دعوی ایلدیکی طقوز یوز قرق لیرا کسور غروش فرق فیثاتله التمش ایکی لیرا والتمش ایکی غروش قالبور اجرتندن فرق فیثاتنک طقوز یوز قرق لیرا اون یدی غروشه بالغ اولدینی بانقه نك دفاترندن اخراج ایدلمش ۲۶ مارت سنه ۳۲۶

تاریخی دفتر صورتندن آکلاشلمش و تجارتانک اصولی دائره سنده طوتیلان دفاترینک مندرجاتی عکسی ثابت اولنجیه تدر مدار استناد اوله جنی قانون تجارت احکامندن بولنش اولنجه مبلغ مذکورک مدعی علیه سلیمان آصف بکدن تحصیلیه مدعی بانقه اعطاسنه و قالبور اجرتنه کلنجه مدالی بانقه سی طرفندن کشیده ایدلمش ۱۱ ایلول سنه ۳۲۴ تاریخی پروتستوده اشبو اجرتک طلب اولنجه جنی اخطار ایدلمش اولسی وفضله اولدق بانقه نك میعی آخره فروختندن طولانی مشرتیدن مأخوذی اولان بدله بونک مصلحه داخل بولنسی حبسیله قالبور ادعای وارد و بجا اولهمه جغه نظراً اشبو تلمک ردی صورتیله ۳۰ مایس سنه ۳۲۵ تاریخی اعلام غیابی حکمنک تعدیلاً تصدیقی یولنده صادر اولان اعلام حکمنه عدم قناعتله مستأنف مرقوم طرفندن بعض اعتراضات سردیله فسخی طلب اولنش ایسه ده اعتراضات مسروده حکم مستأنف بهک فسخی موجب کوریه مدیکندن ردیه اعلام مذکورک تصدیقنه حکم وقرار ویرلدیکی آکلاشلمشدر .

اشبو حکم عاينده مستدعی تمیز آصف بک طرفندن ویریلان لایحه تمیزیه مندرجاتی ضرر واقعک پروتستو کشیده سیله طلب ایدلمسی لازم کلیرکن بو یولده پروتستو کشیده ایدلمش اولدینی کبی مبرز مکتوبلرده دخی مدت مقاوله طرفنده مدعا بهک تسلیم وتسلم ایدیلهمه جکانه دائر برکونا اماره اولدینی حالده بوراسنه دقت اولنماسی ومذکور کمورلری آلفه کندوسی حاضر اولدینی حالده بانقه ج ویرلمیه رک خود بخود فروخته تشبث ایدلمسی وبوبابده کی فیثاتک تدقیق ایدلمکسزین اساسه قرار ویرلمسی یولسز و مغایر قانون اولدیغندن و اعتراضات سائر ددن بخله اعلامک تقضی وجواب لایحه سی مؤداسی ده اعتراضات مسروده نك واهی وبی اساس ایدوکی بیانیله ردی و موافقی اصول و قانون اولان اعلام مذکورک تصدیقی استداسندن عبارت بولمشدر .

ایجاب کینیت مذاکره اولندقدده خصوص مدعا هر نه تدر بوجه محرر بالرؤیه حکم واعلامه ربط اولنش ایسه ده مدالی بانقه سنک ۱۱ ایلول سنه ۳۲۴ تاریخنده کشیده ایلدیکی پروتستوده مدعی علیک آلمق مجبوریتده بولندینی کمورک بش بیک سکرز یوز اون اوچ طونودن عبارت بولندینی بیان ایدلمش اولدینی کبی اثنای محاکمه ده دخی مدعی علیک پروتستو تاریخندن صکره قوزلو معدن اوجاغلندن بشیوز ایکی وزونغولداق معدن اوجاغلندن بیک بشیوز برکه جمعاً ایکی بیک اوجیوز اوتوز الی طونو کمور تسلیم واخذ ایتدیکی اقرار ایتش وشو حالده اقرار اولنان مقدارک پروتستوده بیان اولنان مقداردن تنزیلیله یا لکرز اوست طرفنک عدم تسلیمندن طولانی ضرر وزیان طلبنه مذکور بانقه نك صلاحیتی بولنش ایکن بدایت محکمه سنجیه مدعی علیک الی بیک الی یوز اون ایکی طون مقدار کمورک ضرر وزیاننه حکم اولندیقنک عندالاستیناف نظر دقه آلفامسی ومدعینک اثبات مدعا ضمنتده ابراز ایتدیکی مکاتیدن مدعی علیک ۳۰ مایس سنه ۱۹۰۸ تاریخی مکتوبنده زونغولداق معدن اوجاغلندن سکرز میلیون درتیوز اون سکرز بیک اوجیوز قرق کیلو کمور تسلیم ایدوب اشبو معدنه بر میلیون بشیوز سکرسان بر کیلو کمور ددن بشقه آلاجنی قالدینی بیان قلنمش و مقاوله نامه موجب جیه مدعی علیک مذکور اوجاغلندن اون بیک کیلودن زیاده کمور آلفه مجبوریتی بولنماش و مدعی وکیلی بیان

ایتدیکي مقدار کوری مدعی علیک قبض و تسلیم ایتدیکنی دخی اعتراف ایتمش و بناءً علیه مدعینک آنک خارجنده مدعی علیک تسلیمه مجبوریتی دعوی ایتدیکي بیک درتیوز کیلومعدن کورینک ضرر و زیانی طلب و دعوایه صلاحیتی بولنامش ایکن مذکور بیک درتیوز کیلومعدن کورینک ضرر و زیانه دائر بادیة اتخاذ اولسان قرارک استینافاً تصدیق ایدلسی و مدعی مدالی بانقهنسک مقاوله مخصوصه بولمدقه مدعی علیه عائد کورلری پروتستویه استناداً مدعینک نام و حسابنه صاتمغه صلاحیتی اوله میه جنی کبی مدعی علیه وکیلنک مدعینک دفترلری بلا اعتراض قبوله صلاحیت و مأذونیتی تحقق ایتکسزین اولسایده کی افاده سنک غیر معتبر اوله جغه نظراً عندالاستیناف بوبابده برکونا تحقیقات اجرا قلمقسزین مدعی علیه وکیلنک افاده مذکور سنک اعلام ابتدائینک تصدیقه اساس اتخاذ قلمسی و مدت مقاوله ظرفنده احضار اولنان کورک مقاوله به موافق اولدینی علی الاصول اثبات ایتدیرملک لازم کله جکنه دائر مدعی علیه جانبندن درمیان اولنان اعتراضک تدقیقه تین ایده جک حاله کوره حکم ویرملک ایجاب ایدرکن بوجهتک دخی تدقیقندن ذهول اولنسی یولسز و مغایر قانون اولدیغه بناءً اصول محاکمه حقوقیه قانوننک ایکی یوز اوتوز ایکنجی وایکی یوز قرق نجی مادهلری موجبجه اعلام مذکورک تقضیه قانون مزبورک ایکی یوز قرق دردنجی مادهسی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوریه اعاده سنه و اشبو تمیز دعواسندن طولانی اختیار اولنان مصارف مفرداتی زیرده کوسترملش اولدیغندن بونلرکده ایلروده حقسنز حقیقه جق طرفه عائد اولسنه ۴ شباط سنه ۳۲۸ تاریخنده متفقاً قرار ویرلدی.

محکمه تمیز جزا دائره سی مقراتی

محکمه تمیز جزا دائره سنده صادر اولده ۱۲ مارت سنه ۳۲۸ تاریخنی و ۶۰۲۲ نومرولی اعلام صورتیدر:

« قتل ، تطبیق ماده »

طرابلس شام سنجانی بدایت محکمه سی جزا دائره سندن صادر اولان یوزیکرمی اوچ نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۲ ربیع الاول سنه ۳۳۰ و ۲۷ شباط سنه ۳۲۷ تاریخ و آلتی بیک الی سکر نومرولی تبلیغات ایله محکمه تمیز جزا دائره سنه اعطا قلمشدر . اعلام مذکورک خلاصه مالی : اوچیوزیکرمی یدی سنه سی اغستوسنک یکرمی سکرنجی کونی عکار قضاسنک نهریه قزیه سندن رستم بن یوسف طنوس ایله ابراهیم بن یوسف نعمه نک کیفیت قتلرندن طولانی جنایتله اتهام اولنان قریه مذکورده دن جرجی بن حنالقدسک اجرا قلمان محاکمه علیه سی نتیجه سنده متهم مرقومک مقتوللردن رستمی عصا ایله شدیداً ضرب ایدرک قتل و کذا مرقوم رستمک اقرباسندن اولوب

اشبو فعاندن طولانی کنديسی طومغه کلن ابراهیم طنوس نعمه نی ده چفته تفکی ایله جرح و قتل ایلدیکي شهودک مع القسم واقع اولان شهادتی و طیب راپورلری وضبط ورقه سی مندرجاتیه ثابت اولدیغندن اولوجهله مجرمیتنه و حرکتنه توافق ایدن قانون جزانک یوزیتمش دردنجی ماده سنک ایکنجی ققرده سنه توفیقاً مؤبداً کورکه قونلسنه ۱۶ کانون ثانی سنه ۳۲۷ تاریخنده حکم اولندیغندن عبارتدر .

سالف الذکر تبلیغامده دخی مجرمیت قرارنامه سنده متهم مرقوم جرجینک کیر عصا ایله رستمی شدیداً ضرب و قتل ایلدیکي کبی اشبو قتلک اقشامی دخی چفته تفکی ایله ابراهیمی جرح و قتل ایتدیکنک ثبوتنه بناءً مجرمیتنه و قانون جزانک یوزیتمش دردنجی ماده سنک فقره ثانیه سنه توفیقاً و تلف نفس قضیه سنک بردن زیاده اشخاص حقهنده ایقاع ایدلسندن طولانی مؤبداً کورکه قونلسنه قرار ویرلش ایسه ده عندالحاکمه استماع قلمان شهودک کافه سی متهمک رستمی عصا ایله ضرب ایلدیکنی افاده و عصانک شکل و جسامت و ثقلتی حقهنده یالکر شاهد ابراهیم بن حسنه بریجق آرشون طوانده وایچه قالین و یعقوب ممولده برآرشون بویسنده بولدیغنی کنديکلرندن سویلرلیله اکتفا ایدیلرک مذکور عصانک حجم و ثقل و درجه جسامتی حقهنده مهم قالان اشبو افادانک استیضاحات مقتضیه اجراسیله تنویر و توضیح ایتدیرلمسی مقتضی اولدینی حالده نقصان براقیلهرق مجرمیت قرارنامه سنده برمنوال محرر کیر عصا اولمق اوزره توصیف ایدلمسی یولسز و بنا برین مرقوم رستمک متهم طرفندن ضرب ایدیلرک و فاته سبیت ویرملک کیفیتک قصد قتله مقرون اولوب اولدیغنک بالاطراف تدقیقی و چونکه قتل قصدیه اولمقسزین ایقاع ایدیلن ضربدن و فاته سبیت ویرلدیکي جهتک تعینی امر تطبیقه مؤثر اوله جغندن اکا کوره اسباب موجب قانونیه اتیانی لزومندن ذهول ایدلمسی مخالف قانون بولنش اولدینی بیانیه اعلام مذکورک تقضی طلب اولمشدر .

اوراق دعوی بعدالمطالعه تدقیقات تمیزیه اجرا اولندقدده تبایغامده بروجه محرر درمیان اولنان اعتراضات مندرجات اعلامه نظراً غیر وارد ایسه ده هرایکی قتل زمان واحدده یکدیگرینی متعاقباً و قوعوبولمامش اولمغه یوزیتمش دردنجی ماده نک ایکنجی ققرده سنه تطبیقاً تمیز جزا اولنسی مخالف قانون و نقضی مستلزم بولدیغندن اصول محاکمات جزائیة قانوننک اوچیوز اون دردنجی ماده سنه توفیقاً اعلام مذکورک نقضه و احکام قانونیه دائره سنده ایفای معامله اولمق اوزره اوراقنک محله اعاده سنه وایکی یوز غروش اعلام خرجنک ایلروده حقسنز حقیقه جق طرفدن تحصیلنه ۵ مارت سنه ۳۲۸ تاریخنده اکثریتله قرار ویرلدی .

محکمه تمیز جزا دائره سنده صادر اولده ۱۵ مارت سنه ۳۲۸ تاریخنی و ۵۹۷۱ نومرولی اعلام صورتیدر :

« منتج موت اولان جرحه مهلکه ناریه قتل ایله تجریم ایدیلن متهملردن هانکیسنک ایقاع

ایلدیکي تفریق اولوب اکا کوره بونلرک وصف جرملری تعین اولمق لازم کلیر »

مرعش سنجانی بدایت محکمه سی جزا دائره سندن صادر اولان ۲۴ شوال سنه ۳۲۹ و ۳ تشرین اول

سنه ۳۲۸ تاريخی و بش يوز آتمش سكرز نومرولى اعلام ايله اوراق متفرعه سی باش مدعی عموميلك مأموریت علیه سندن ۲۲ ربیع الاول سنه ۳۳۰ و ۲۷ شباط سنه ۳۲۷ تاريخی و الی بیک قرق برنومرولی تبلیغنامه ايله محکمه تمیز جزا دائره سینه اعطا اولمشدر .

اعلام مذکور خلاصه مندرجاتی : اوچيوز يکرمی درت سنه سی تشرین ثانیسی ظرفنده قیصریه بانق مأموری درویش افندیك زوجہ سی زبیده خانم ویکنی مصطفی افندی و مرعش قصبه سندن مکاره جی سلیمان اوغلی قنبر ايله رفقای معلومه سنك انای راهده اوکلرینه حیقوب اموال و اشیا و نقود و حیواناتی اخذ و غصب ایتک و بو ائنده مرقوموندن قنبری قتل ایلک ماده لرندن دولای جنایتله اتهام اولنان مور اوغلی احمد و محمد اوغلی مولود و بیاله قاسم اوغلی حسن و چاقینک اوغلی مصطفی و مصطفی کهیا اوغلی علی عثمان ايله فراری جبریل اوغلی آصف و کور علی اوغلی یعقوب محمد و کسک محمد اوغلی قارت عثمان و حال حسن اوغلی بکر و جین باش محمد اوغلی جعفرک و جاهاً و غیاباً اجرا قلنان محاکمه علیه لری نتیجه سنده متهمون مرقوموندن آصفک و فات ایتدیکی اکلشلمسی حسیله حقده کی حقوق عمومیه دعواسنك سقوطنه و دیگر لرینك قطع طریق فضیحه سینه و بونلردن علی عثمان ايله فراری قارت عثمانک بو یولده قتل فعلنه جرأتلری شهادت واقعه و تحصل ایدن دلائل و امارات سائر ايله ثابت اولدیغندن مجرمیتلرینه و صورت حرکتلرینه کوره احمد و مولود و حسن و مصطفی و فراری یعقوب محمد دیگر و جعفرک قانون جزانک التمش ایکنجی ماده سی علاوه سنك فقره اولاسنه تطبیقاً اون بشر سنه مدته کورکه قونلرینه و علی عثمان ايله فراری دیگر عثمانک علاوه مذکور دنك فقره اخیر سینه توفیقاً اعداملرینه و مرقوموندن حسنک حین ایقاع جریده اون سکرز یاشی اکل ایتماش اولدینی جهته قانون مذکورک قرقجی ماده معدله سنك صوک فقره سی موجبجه مستحق اولدینی اون بش سنه کورک جزاسنه بدل اصلاح نفس ایچون سکرز سنه حبسنه و بش سنه ضبطیه نظارتی آلتنه آلمسینه ۲ تشرین اول سنه ۳۲۷ تاریخده حکم اولدیغندن عبارتدر .

محکوم علیهمدن علی عثمان طرفندن ویریلوب اوراق دعوی میاننده بولنان لایحه تمیزیده جریمک اسباب و دلائل ثبوتیه سنك مجرمیت قرارنده توضیحی لزومندن ذهول ایدلیکنه و نقصانی تحقیقات و تدقیقاته دائر سرد اعتراضات اولنه رق اعلامک کندوسنه عائد جهتک نقضی استدعا ایدلمشدر .

ذکر اولنان تبلیغنامه دهخی علی عثمان و فراری قارت عثماندن ماعداسنك حرکات واقعه لری معامله جبر و شدت اجرا سیله فعل سرقته مجاسرتدن و علی عثمان ايله فراری قارت عثمانک فعللری ده بو صورتله ایقاع سرقت ائناسنده قنبر نام شخصی جرح و قتله جرأتدن عبارت اولمسینه کوره مرقوموندن عثمانلردن ماعداسنك قطع طریق فضیحه سینه متجاسر اولق و عثمانلرکده بو یولده آدم اولدیرمش اولق اوزره بالتجریم قانون جزانک التمش ایکنجی ماده سی علاوه سنه تطبیق کیفیت اولمنسده اصابت قانونیه کوریه ماهش اولدینی بیانیله اعلام مذکورک حکم و جاهی جهتک نقضی طلب اولمشدر .

اوراق مذکور دنك مطالعه سندن سکره حکم و جاهیدن دولای تدقیقات تمیزیه اجرا اولندتده سالف الذکر تبلیغنامه ده بوجه محرر درمیان اولنان اعتراضات وارد اولدینی کی جوابی کلیان تعلیمات ايله مدعیلرک جلبی حقنده کی مذکور دنك تا کیدینه دأرائخاد قرار اولنان ۱۳ تشرین ثانی سنه ۳۲۶ تاریخلی جلسه زیری هیئت حاکمه دن برینک امضاسندن عاری بولنش اولدینی کی مقتول قنبرک معاینه سی حاوی راپورده مقتولده هم صاحبه و همده آلت ناریه مهلکه و آلت قاطعه یاردرلری موجود اولوب جروح مذکور دنك انواع و اوصاف فیه سینه نظراً مقتولک اوزرینه هجوم ایدنلرک اوچ کشیدن نقصان اولدینی و مرقومک جرحه ناریه مهلکه دن وفات ایدلیکی محرر اولغله منتج موت اولان مذکور جرحه مهلکه ناریه قتل ايله تجریم ایدیلن متهملردن هانکیسنک ایقاع ایدلیکی تقریق اولوب اکا کوره بونلرک وصف جرملری تبیین اولمق لازم کایر ایکن بو جهندن ده ذهول ایدلمسی مغایر قانون و مستلزم نقض احوال دن بولنش اولدیغندن اشبواسبابه بناءً و اصول محاکمات جزائییه قانوننک اوچيوز اون دردنجی ماده سینه توفیقاً حکم مذکورک نقضه و احکام قانونیه دائره سنده ایضاً معامله اولمق اوزره اوراقنک محله اعاده سینه و ایکیوز غروش خرج اعلامک ایلروده حتمسز حقیقه جتی طرفدن تحصیلنه ۶ مارت سنه ۳۲۸ تاریخده متفقاً قرار ویرلدی .

محکمه تمیز جزا دائره سندن صادر اولان ۹ مارت سنه ۳۲۹ تاریخلی و ۸۳۸ نومرولی اعلام صوریدر :

« تخفیف جزا »

در سعادت جنایت محکمه سندن صادر اولان ۲۶ شعبان سنه ۳۳۰ و ۲۸ تموز سنه ۳۲۸ تاریخلی اعلام ايله اوراق متفرعه سی باش مدعی عموميلك مأموریت علیه سندن ۳۰ ربیع الاول سنه ۳۳۱ و ۲۴ شباط سنه ۳۲۸ تاریخلی و بش بیک ایکیوز طقسان طقوز نومرولی تبلیغنامه ايله محکمه تمیز جزا دائره سینه اعطا تلمشدر .

اعلام مذکور خلاصه مندرجاتی : اوچيوز يکرمی درت سنه سی شباطنک يکرمی بشنجی کیجه سی مالپه ده مقیم شیخ الاسلام اسبق عربانی زاده اسعد افندی مرحومک زوجہ سی عفت خانمک کوشکندن نقود و مجوهرات و ذی قیمت اشیا سرقت ایتک ماده سندن دولای جنایتله اتهام اولنان اشخاصدن ماطلی يکرمی الی یاشنده یوسف بن طاهر و علی بک اوغلی يکرمی ایکی یاشنده یتیم حسین بن احمد و عربکیری يکرمی درت یاشنده رضا بن حسن و ماطلی يکرمی بش یاشنده رجب بن موسی و اوتوز سکرز یاشنده بویاجی حسین بن مصطفی و ازناود احمد زوجہ سی بروسه لی قرق یاشنده خیره بنت علی ايله فراری ارناود کریم و بروسه لی صبری بن عبدالله و دلی محمد و کذلک ماده مذکورده دن دولای متهم و عزبلر همانده ایقاع سرقته تصدی و سیواسلی احمد بن حاجی حسینی ضرب و اثنای محاکمه هیئت حاکمه کی تحقیر ایدلیکی ادعاسیله مظنون علیه اولوب اولباده کی تحقیقات و محاکماتی حاوی اوراقی توحید ایدامش اولان چرکشی اوتوز اوچ

باشنده یکچشم محمد بن ابراهیمک مختلف مدتلرله کورکه قونلرینه و جنبه مظلونی ماطلی نعمان داینک برسنه مدتله حبسنه دأرمقدما صادر اولان اعلامک حکم جنائی و حاجیه متعلق قسمی رأساً و نعمان دائیه عائد جنبه حکمنه متدائر جهتی ایسه کندوسنک تمیز استدعاسنه بناءً عندالتمیز نقض ایله اوراقنک اعاده قلمسنه و فراری متهملردن صبری بن عبدالله ایله ارناود کریمک اخیراً دردست ایدملرینه و جنبه محکومی نعمان داینک وقوع و فاتی حبسیله حقهده کی حقوق عمومیه دعواسنک سقوطنه و یکچشم محمدک اوچوز یکریمی یدی سنه سی نساننک یکریمی اوچنچی کونی حبسخانه عمومیده محکومیندن ارناود رمضانی قتل و یوسف و زعیم و سلیمانی جرح ایتک مادهلردن دولای ایرانی جلیل بن حسن و بغدادلی اوتوز باشنده حاجی محمد بن مصطفی ایله برلکده جنایتله اتهام ایدلمش و خیریه نکه ده مدت محکومه سنی بالا کمال سیلی تخلیه قلمش اولدینی اکلشامسنه مبنی متهمون مرقوموندن یوسف و یکچشم محمد و یتیم حسین و رضا و رجب و حسین بن مصطفی و صبری و کریم و جلیل و حاجی محمدک و جاهاً و خیریه نکه دخی غیاباً اجرا قلنان محاکمه علیه لری نتیجه سنده بولردن یوسف و یکچشم محمد و یتیم حسین و رضا و رجبک بروجه ادعا لیللاً و مشترکاً معامله جبر و شدت اجراسیله نقود و مجوهرات سرقتنه و حسین بن مصطفی ایله خیریه نکه دخی اولسایده معاونته و جلیلک حبسخانه عمومیده محکوماً محبوس بولنان رمضانی بالنزاعه مهوراً قتله و مرقوم جلیلک زعیمی و یکچشم محمدک سلیمانو و حاجی محمدک دخی یوسفی عادیاً جرحه و مرقوم یکچشم محمدک عزبلر حمانده سیواسلی احمدی ضربه و برنجی جزا محکمه سنجه مقدما اجرا قلنان محاکمه سنده محکومیت قراری تفهیم اولمنسی متعاقب هیئت حاکمه کی دفعاتله تحقیره جراتلری شهودک مع القسم و علی الدرجات واقع اولان شهاداتی وطیب راپورلری وضبط ورقه لری محتویاتی و تحصل ایدن دلائل و امارات سائر ایله ثابت اولدیغندن اولوجهله مجرمیت و فاعلیتیرینه و مرقوموندن رضانک ارناود یوسف نام شخصی اخافه قصیده تشهیر سلاح ایتدیکی بشقهجه بالحا که ثابت اولوب تحدید جزاسنک اشبو محاکمه نکه نتیجه سنه تعلیق قلمش اولدینی اکلشامسنه مبنی تعیین جزاسی توحید ایدیلوب یکچشم محمد و یوسف و یتیم حسین و رجب ایله برلکده قانون جزانک اکیوز اون سکزنجی و حسین بن مصطفی ایله خیریه نکه ده قانون مذکورک قرق بشنجی و مذکور اکیوز اون سکزنجی مادهلرینه و جلیلک دخی یوز یتیم دردنجی ماده سیله یدنجی ماده سی ذیلی احکامنه تطبیقاً و تاریخ توقیفلرینه نظراً یوسفک اولجه موقوف قالدینی مدت محسوب ایدلمک اوزره حسین بن مصطفی ایله اوچوز یکریمی یدی سنه سی رجبک یکریمی بشنجی و یتیم حسین ایله رضانک اون طقوزنجی و رجبک سنه مذکور رمضانک اون اوچنچی و یکچشم محمدک شوالنک یکریمی دردنجی و خیریه نکه دخی ربیع الاولنک ایکنجی کونلردن اعتباراً یوسفک درت و یتیم حسین و رضا و رجبک اوچر و یکچشم محمدک عبدالرحمن نام شخصک او طه سندن آلت مخصوصه استعمالیه سرقت مجاسرتندن دولای صورت قطعیه ده اوله رق اوچ سنه کورک جزاسنه محکوم بولندینی و بناءً علیه مکرر اولدینی اکلشادینی جهتله قانون مذکورک سکزنجی ماده سی

موجبجه حقهده تعیین اولنان اوچ سنه کورک جزاسی بالتضعیف التی و حسین بن مصطفی ایله خیریه نکه حقلرنده تقدیر اولنان جزالک نصفلرینه تنزیلی صورتیه حسین بن مصطفانک اوچ و خیریه نکه دخی ایکی و جلیلک ده مابه التجریبی اولان مذکور قتل و جرح فعللرینی دیگر برقتل ماده سندن دولای اون بش و قتل قصیده جرح جرمندن دولای ده اوچ سنه کورک جزاسنه صورت قطعیه ده محکوماً محبوس ایکن ایقاع ایتدیکی اکلشامسی حبسیله محکومیت سابقه سی اولان اون سکز سنه کورک جزاسنی اکلدن صکره اون بش سنه مدتلرله کورکه قونلرینه و حاجی محمدک دخی مذکور یدنجی ماده ذیلی ایله یوز یتیم سکزنجی ماده قانونیه توفیقاً ایکی ماه حبسنه و مرقوموندن یکچشم محمد و جلیل ایله حاجی محمدک دیگر افعال مدعا بهادن و دیگر مهم صبری ایله کریمک ده مابه الاتهاملری اولان سرقت ماده سندن براتلرینه ۲۸ تموز سنه ۳۲۸ تاریخده حکم اولدیغندن عبارتدر .

محکوم علیهمدن جلیل طرفندن معطی لایحه تمیزیه ده علینده اسباب ثبوتیه کافیه موجود اولدیغندن و شهودک صورت شهادتندن و نقضاتی تحقیقات و تدقیقاتدن بحثله سرد اعتراضات اوله رق حقهده کی حکمک نقضی استدعا ایدلمشدر .

سالف الذکر تبلیغنامه ده دخی دعوای مذکورنک نقض واقعه تبعاً صورت جریان محاکمه سیله قانونه تطبیق حقهده اعتراضه محل بولنامش و تمیز لایحه سی محتویاتنک اعلام مندرجاتنه نظراً غیر وارد کورلمش اولدینی بیانیله اعلام اخیر مذکورک حکم جنائی جهنک تصدیق طلب اولمشدر .

اوراق دعوانک مطالعه سندن صکره حکم جنائیدن دولای تدقیقات تمیزیه اجرا اولندقد مرقوموندن یوسف و یکچشم محمد و یتیم حسین بن احمد و رضا و رجب و بویاجی حسین بن مصطفی و خیریه حقلرنده اخیراً جریان ایدن محاکمه ایله لاحق اولان حکم اصول و قانونه موافق بولندیغندن مرقومونه متعلق اولان حکمک تصدیقنه و جلیلک عائد اولان حکمه کلنجه قتل و جرح مادهلردن دولای اولجه محکوم بولنان مرقوم جلیلک اخیراً حبسخانه عمومیده محکومیندن رمضانی جرح و قتل ایلمسندن ناشی حرکتنه توافقی ایدن قانون جزانک یوز یتیم دردنجی ماده سنه و محکومیت سابقه سی تمیزاً تصدیق اوله رق کسب قطعیت ایلمش بولمنسه مبنی یدنجی ماده قانونیه ذیلنه و اولجه محکوم بولندینی اون سکز سنه کورک جزاسنک اکل و انقضاسندن اعتباراً و مذکور یوز یتیم دردنجی ماده یه توفیقاً اون بش سنه مدتله کورکه قونلسنه قرار ویرلمش ایسه ده مدت جزایه سنی اکل ایتکده اولان محکومینک ایقاع ایده جکاری جرایمک تحدید مجازاتنه دائر اولان یدنجی ماده ذیلی یرینه قائم اولان سکزنجی ماده ده مجازات ترهیییه دن بریله صورت قطعیه ده محکوم اولان برکیمسه اثنای مدت جزایه سنده و یا مدت جزایه سنی اکل ایتدکن و یا جزا اسباب قانونیه دن بریله ساقط اولدقدن صکره ایقاع ایلدیکی ایکنجی جرم موقت قلمه بندلک و موقت کورک جزالری مستلزم ایسه فاعلک مستحق اولدینی جزا ایکی قات اوله رق تعیین ولدی الايجاب بوجزالرک حد اعظمی اولان اون بش سنه ایکی

مثلثه ابلاغ اوله جنی مصرح اولسنه و محکوم مرقوم مکرر اولمق ملاسه سیله اخیراً ایقاع ایتدیکی تکلدن دولای اوتوز سنه کورکه قونلیسی لازم کله جکته و فقط اصول محاکات جزایه قانون موتبتک نیکوز طقسان طقوزنجی و اوچیوز اون برنجی ماده لرندن استنباط اولسان قاعدهیه کوره بالنسبه خفیف اولان مجازات قانونیه نکه آغیر جزایه قلبی اقتضا ایده جکته بناءً مرقومک مقدمات محکوم اولدینی اون سکز سنه کورک جزایه اخیراً دوچار اوله جنی اوتوز سنه کورک جزاسنه تلب اولدینی تقدیرده مجموع مدت جزایه سی اوتوز سنه دن عبارت قاله رق محکمه نکه تعیین ایتدیکی اوتوز اوچ سنه دن اوچ سنه سی ساقط اولغله بو صورت محکوم علیه حقنده اهون اوله جغه نظراً شو اعتبارله تخفیف جزایه مستلزم و ماقبله شامل بولنان سکزنجی ماده قانونیه نظره آلهرق اول صورتله تعیین جزا ایدلمک لازم کلیر ایکن بونک خلافده اوله رق تعیین مجازات ایدلمسی مغایر قانون بولندیغندن مرقوم جلیل حقنده کی حکمک اصول محاکات جزایه قانوننک اوچیوز اون دردنجی ماده سنه توفیقاً نقضنه و اورا قنک محله اعاده سنه و یوز غروش تصدیق خرچنک حقلرنده کی حکم تصدیق اولنان محکومون مرقوموندن و ایکوز غروش نقض خرچنک دخی ایلروده حقسنر حقیقه جق طرفدن تحصیلنه ۹ مارت سنه ۳۲۹ تاریخنده متفقاً قرار ویرلدی .

محکمہ نمیز جزا دائره مندره صادر اولده ۲۳ مارت سنه ۳۲۹ تاریخ و ۱۵۹ نومرولی اعلام صورته بر :

« قتل و تطبیق ماده »

قیر شهری سنجای بدایت محکمه سی جزا دائره سندن صادر اولان ۱۷ کانون اول ۳۲۸ تاریخ و بیک ایکی نومرولی اعلام ایله اوراق متفرعه سی باش مدعی عمومیک مأموریت علیه سندن ۲۱ ربیع الآخر ۳۳۱ و ۱۷ مارت ۳۲۹ تاریخ و یوز سکسان بر نومرولی تبلیغنامه ایله محکمه تمیز جزا دائره سنه اعطا قلمشدر . اعلام مذکورک خلاصه مالی اوچیوز یکریمی درت سنه سی تشرین ثانینک اون ایکنجی کونی مجیدیه قضاسنک ارمودلی قریه سندن طول مرجان اوغلی ابراهیمی صول قولندن جرح ایدرک متأثراً وفاتنه سببیت ویردیکی ادعا قلمسندن دولای جنایتله اتهام اولنان قریه مذکورده ابراهیم اوغلی جودک مصطفانک اجرا قلنان محاکمه علیه سی نتیجه سنه مته مرقومک برچاریق اخدی مسئله سندن متولد منازعه اوزرینه مرقوم ابراهیمی قتل قصدیه جرح ایلدیکی شهادت واقعه و طبیب راپوری مندرجاتی و دلائل سائر ایله ثابت اولدیغندن اولوجهله مجرمیتنه و قانون جزانک یوز سکسانجی ماده عتیقه سنه توفیقاً بعدالتشهر اوچ سنه مدته کورکه قونلسنه ۱۷ کانون اول ۳۲۸ تاریخنده حکم اولندیغندن عبارتدر .

مذکور تبلیغنامه ده دخی مته مرقوم حال فرارده ایکن حقنده غیاباً جریان ایدن محاکات اخیراً دردست ایدلمسی اوزرینه اصول محاکات جزایه قانوننک اوچیوز سکسان ایکنجی ماده سی حکمنه کوره منفسخ

اولدینی حالده یکیدن محاکمه اجرا ایدلماسی و محاکات اخیره ضبطنامه سنک محاکات سابقه ضبطنامه سنه تعقیباً درج ایدلمسی یولسز اولدیغندن بحثله اعلام مذکورک نقضی طلب اولمشدر . اوراق دعوی بعدالمطالعه تدقیقات تمیزیه اجرا اولندقد مته مرقومک غیاباً محاکمه سنه مباشرت اوله رق بر ایکی شاهد استماع ایدلدکدن صوکره دردست اولدینی و معاملات ابتدائیه نکه اجراسندن و مفسوخیت ایچون معین اولان مدت قانونیه نکه انقضاسندن صوکره محاکمه و جاهیه سی اجرا و غیابنده استماع قلنان شاهدلرک تکرار جلب و استماع ایدلدیکی و حقنده حکم غیابی لاحق اولمقسزین محاکمه و جاهیه نکه متسلسلاً جریان ایتدیکی مندرجات اعلامدن مستبان اولغله تبلیغنامه ده بوجه محرر سرد ایدیلان اعتراضات بحاکم کوریه مامش ایسه ده معاینه راپورنده متوفانک صول قولنده سکز ساتیمترو غرضنده و دزت ساتیمترو عمقده آلت قاطعه دن متحصل بر جرحیه تصادف ایدلدیکی و سوء تدای سببیه انتادن متأثراً وفات ایتدیکی محرر اولسنه و بوجرحیه مته مکه ایقاع ایلدیکی دخی محاکمه تحقیق ایتسنه کوره اشبو تلف نفس کیفیتنک حین حکمده مرعی الاجرا اولان یوز یمش بشنجی ماده قائمه ده مندرج سببک انضمامیه وقوعه کلوب کلدیکی حقنده عندالذکره بیان رأی و مطالعه اولمقسزین بوباده مابه التطبيق اولیان یوز سکسانجی ماده یه تطبیق کیفیت ایدلمسی مخالف قانون و مستلزم نقض اولدیغندن اعلام مذکورک اصول محاکات جزایه قانوننک اوچیوز اون دردنجی ماده سنه توفیقاً نقضیه احکام قانونیه دائره سنه ایقاع معامله اولمق اوزره اورا قنک اعاده سنه و ایکی یوز غروش اعلام خرچنک ایلروده حقسنر حقیقه جق طرفدن تحصیلنه ۲۳ مارت ۳۲۹ تاریخنده اکثریتله قرار ویرلدی .

محکمہ نمیز جزا دائره مندره صادر اولده ۲۶ مارت سنه ۳۲۹ تاریخ و ۲۲۰ نومرولی اعلام صورته بر :

— هیئت اتهامیه نکه صلاحیتی

« زارخی اسباب مادییه مستنداً اعطایه مأذون اولان هیئت اتهامیه نکه قضاء و حکماً تقدیر اولنه . بیهلجک اسباب معذردن دولای بالمقابل ایقاع ایدیلن قتل فعلارنده تقدیر وقوعاته کیریشهرک جنایتله اتهامدن صرفنظر ایدوب جرمک جنحه درجه سنه تنزیله صلاحیت قانونیه سی یوقدر »

موصل ولایتی هیئت اتهامیه سندن صادر اولان ۳۰ صفر ۳۳۱ و ۲۴ کانون ثانی ۳۲۸ تاریخ و بشیوز یکریمی آلتی نومرولی مضبوطنک تمیزاً تدقیق حقنده ولایت مذکوره استیناف مدعی عمومیکلکندن معطی استدعانامه ولایحه تمیزیه ایله اوراق متفرعه سی باش مدعی عمومیک مأموریت علیه سندن ۲۳ ربیع الآخر ۳۳۱ و ۱۹ مارت ۳۲۹ تاریخ و ایکی یوز یکریمی آلتی نومرولی تبلیغنامه ایله محکمه تمیز جزا دائره سنه اعطا قلمش و مذکور استدعانامه نکه مدت قانونیه سی ظرفنده ویرلدیکی بالتدقیق اکلاشیله رق قبول ایداش اولغله اوراق موجوده مطالعه اولندی .

مضبطه مذکورہ نك خلاصه مالی اوچ یوز یکر می بش سنه سی تموزندہ درس قریہ سندن خضر بن عثمانی جرح و قتل ایلدیکی ادعاسیله مظنون علیه اولان قریه مذکورہ دن عثمان بن ممش سورک جنایتله لزوم محاکمه سنه دائر مستنطقجه اتخاذ اولنان قرار اوزرینه اجرا قلنان تدقیقات اتهامیه نتیجه سنده شاهدلردن شیخ محمدک رؤیتہ مستند و سید احمد و کوخه محمدک انی مؤید اولان اخبارات قسیمه لرینه نظراً اولاً مقتول خضرک برادری احمدک مظنون عثمانی جرح ایتسی و مرقوم خضرکده تفنکنی انداخت ایدوب اصابت ایتدیره مامسی وزرینه مظنون مرقومک دخی بالمقابله تفنکنی انداخت ایله خضر ی جرح و قتل ایلدیکی اکلاشلمسنه نظراً مرقوم عثمانک حرکتی قانون جزانک یوزسکسان طقوزنجی ماددسی دلالیله یوز طقسانجی ماده سنک اوچنجی فقره سی حکمنی مستلزم جنحه افعالندن بولندیغندن اولبابده کی مستنطق قرارنامه سنک تطبیق قانون نقطه سندن فسخیله مرقومک شهر بازار بدایت جزا محکمه سنده اجرای محاکمه سی لزومنه ۲۲ کانون ثانی ۳۲۸ تاریخندہ قرار ویرلیدکندن عبارتدر .

محلی مدعی عمومیلکنک لایحه تمیزیه سنده دخی بومادهده مدعی بولنان مقتولک برادری احمد بن عثمان مطلق صورتده برادرینک قاتلی مظنون علیه عثمان اولدیغنی ادعا و مقابله یه دائر شهادت ایدن شاهدلردن شیخ محمدک زمان وقعهده محل جرمده برچوق جماعتک وجودینی وزمانک مروریه اسملرینی درخاطر ایده مدیکنی بیان ایلدیکی جهتله لدی الحاجه مدعی طرفدن محاکمه انناسنده شاهد مرقومک مشهوداتی خلافه یعنی عدم مقابله یه شهود اقامه ایلسیده مستبعد اولدیغنه و هیأت اتهامیه معافیت فیله یی تقدیر ایتک و عدم مسئولیته قرار ویره بیلیمک صلاحیتی حائز ایلدهده اسباب مادییه مستنداً اعطای قراره مأذون اولسی واسباب معذرت یعنی جزائی تخفیف ایدن اسباب قضاءً و حکماً تقدیر اولنه حق مسائلدن بولنسی جهتیه قاتلی معذور اولدیغنی تظاهر ایدن بر شخصک هیئت اتهامیه جه اتهامندن صرف نظرله جنحه درجه سنده لزوم محاکمه سنه قرار ویرلسی یولسز و هیئت مذکورہ جه بوجه محرر اعطا اولنان قرار مخالف قانون بولندیغنه دائر اعتراضات سردیله مضبطه مذکورہ نك نقضی استدعا اولمشدر .

مذکور تبلیغنامهده دخی لایحه تمیزیهده سرد ایدیلان اعتراضات مذکور مضبطه مندرجاتنه نظراً غیر وارد کورلمش اولدیغندن بحثله اولبابده کی استدعاینامه نك ردی طلب اولمشدر .

تدقیقات تمیزیه اجرا اولندقدہ تبلیغنامهده هر نه قدر استدعاینامه نك ردی طلب اولنیورسهده لایحه تمیزیهده محرر اعتراضاتدن قرارینی اسباب مادییه مستنداً اعطایه مأذون اولان هیئت اتهامیه نك قضاءً و حکماً تقدیر اولنه بیلجهک اسباب معذرتدن طولانی بالمقابله ایقاع ایدیلن بوکی قتل فعللرنده تقدیر وقوعاته کیریشه رک جنایتله اتهامدن صرف نظر ایدوب جرمک جنحه درجه سنه تنزیله صلاحیت قانونیه سی اولدیغنه وبرمنوال محرر اتخاذ اولنان قرارک مخالف قانون بولندیغنه دائر اولان اعتراض مضبطه مندرجاتنه نظراً وارد و بجا بولندیغندن مضبطه مذکورہ نك اصول محاکمت جزائیہ قانوننک اوچ یوز اون دردنجی ماده سنه توفیقاً نقضیله

احکام قانونیه دائره سنده ایفای معامله اولتمق اوزره اوراقنک محله اعاده سنه ۲۶ مارت ۳۲۹ تاریخندہ اکثریتله قرار ویرلدی .

محکمہ تمیزیه دائره سنده ایدیلان

محکمہ تمیزیه استدعا دائره سنده صادر اولده ۵ اغستوس ۳۲۸ تاریخلی و ۱۷۳۷ نومردی اعلام صورتهدر :

« هیئت اتهامیه یه سوق اولنان مستنطق قرارنامه لری عاپنده درمیان ایدیلان اعتراضاتک شایان قبول کورلمدیکی تقدیرده اجوبه قانونیه سنک ارأه سی اصولاً مقتضی در »

طر بزون ولایتی هیئت اتهامیه سندن تنظیم واعطا قلنان ۲۷ حزیران ۳۲۸ تاریخ ویوز یکر می سکز نومردی مضیطه نك تمیزاً تدقیق طلبنی حاوی ولایت مذکورہ استیناف مدعی عمومیلکی جانبندن معطی استدعاینامه واوراق متفرعه سی باش مدعی عمومیلک مأموریت بهیه سندن باتبلیغنامه محکمه تمیز استدعا دائره سنه تودیع اولتمش ولدی التدقیق مذکور استدعاینامه نك مدت قانونیه سی ظرفده اعطا قلندیغنی اکلاشلمش ایدوکندن بالقبول تدقیقات تمیزیه اجراسنه ابتدار ایلدی .

مضبطه مذکورہ نك خلاصه مالی مجنون حسینیه مغایر عار و حیا علناً فعل شنیع اجرا ایلدیکی ادعا اولنان عثمان اوغلی طالبک جنحه ایله لزوم محاکمه سنه دائر مستنطق جانبندن معطی قرارنامه نك هیئت اتهامیه جه بالتدقیق مرقوم حسینک اون بش یاشندن کوچک اولدیغنه دائر اوراق تحقیقهده برقیده تصادف اولنادیغنه و فعلک رضاء وقوعی استنباط اولنسنه بناءً اعتراضات واقعه نك ردیله مذکور قرارنامه نك بالفسخ مظنونک منع محاکمه سنه قرار ویرلیدیکی متضمندر .

لایحه تمیزیهده حقوق عمومیه مأمورینک فعلده جبر موجود اولدیغنی جهتله مظنونک جنایتله اتهامی متضمن ونوع فعله معطوف بولنان ادعای وارد کورلمدیکی تقدیرده اجوبه ردیه سنک ارأه سیله ردی لزومنه قارشو اعتراضات مذکورہ نك وارد اولمادیغنی بیانیله ردی و دیگر طرفدن دخی مذکور قرارنامه نك فسخیله نقصان تدقیقاته مستنداً مظنونک منع محاکمه سنه قرار ویرلسی مغایر قانون ایدوکندن بحثله ذکر اولنان مضبطه نك نقضی طلب ایلدیکی کی تبلیغنامهده دخی مدعی عمومیلک مقامندن مذکور مستنطق قرارنامه سنک تطبیقات قانونیه جهتندن فسخی طلب ایلدیکی حالده بوجهتک مسکوت عنه بر اقلمش اولسی و جرم مدعابه مجنون بر شخصه قارشو وقوعی ادعا ایلدیکی حالده سنک موضوع بحث ایداش اولسی مستلزم نقص اسبابدن کورلمش و لایحه تمیزیهده بوکا متعلق اعتراضات وارد و بجا ایدوکی بیانیله مضبطه مذکورہ نك نقضی لزومی کوسترلمشدر .

ایجابی لدی المذاکره هیئت اتهامیه به سوق اولان مستنطق قرارنامه لری علیهنده در میان ایدیلان اعتراضاتک شایان قبول کورلیدیکی تقدیرده اجوبه قانونیه سنک ارانه سی اصولاً مقتضی اولدینی ومظنون مزبور جانبندن کندوسنه فعل شایع اجرا قلندیغی ادعا قلده قده اولان مجنون حسینک سنی حقنده اوراق تحقیقه ده بر قیده تصادف اولنه مامسی تحقیقات حاضر دنک نقصان ایدوکی کوستر مکده بولندیکی کی مدعی عمومیلک مقامندن دخی فعل مذکورک تصدی حالده قلندیغی ادعاسیله او یولده لزوم محاکمه قراری اعطاسی طلب ایدلمکده بولنش اولسنه قارشو محلی هیئت اتهامیه سنجه مرقوم حسینک معاینه راپورنده توصیف وتعیین قلنان درجه جنتی نظر دقتنه النغله برابر عندالایجاب سنی دخی مرجعندن استفسار اولنق صورتیله اکمال تحقیقات اولنه رق اکاکوره اتخاذ قرار اولنمسی ایجاب ایدرکن بویولده تدقیقات اجرا اولنق سزین بر طرفدن حال جنده بولندیغی قبول وتصدیق ایدیلان مرقوم حسینک دیگر طرفدن فعل مدعایهک رضاء وقوعندن بخله اعتراضات واقع دنک دخی بالاسباب موجب غیر وارد ایدوکنندن بخله اولبایده کی مستنطق قرارنامه سنک فسخیله مظنون مرقوم محمدک منع محاکمه سنه قرار ویرلسی یولسز و مستلزم نقض نواقصدن اولوب لایحه تمیزیه محتویاتی بوجبه وارد وبجا کورنش ایدوکنندن اصول محاکمات جزائی قانوننک اوچوز اون دردیجی و اوچوز اون طقوزنجی ماده لری منظومه تعریفه و اولن هیئت اتهامیه مضبوطه سنک اسباب مسروده دن ناشی قضیله احکام قانونیه دأر سنده ایفای معامله اولنق اوزره اوراق متعلقه سنک هیئت اتهامیه اعاده سنه و ایکی یوز غروش اعلام خرجنک تعرفه و تالیفات مخصوصه سنه توفیقاً بالاخره ایجاب ایدن طرفدن استیفاسنه ۵ اغستوس ۳۲۸ تاریخنده متفقاً قرار ویرلدی

محکمہ تمیز استدعا دأر سنده صادر اولده ۱۱ اغستوس سنه ۳۲۸ تاریخ و ۱۶۸۱ نومرولی اعلام صوریه بر:

« عندالاستیناف اصولی دأر سنده در میان اولنان اعتراضاتک تقدیره تعلقندن بخله تدقیق اولنمسی موجب نقضدر »

ایدین ولایتی استیناف محکمه سی جزا دأر سندن تنظیم واعطا و ۲ اغستوس ۳۲۶ تاریخنده امر تفهیمی اجرا قلنان ۱۲ نیسان ۳۲۸ تاریخ وائی یوز التمش درت نومرولی اعلامک تمیزاً تدقیق طلبی حاوی اقبال بنت یوسف جانبندن معطی استدعایه و اوراق متفرعه سی باش مدعی عمومیلک مأموریت بهیه سندن باتبلیغنامه محکمه تمیز استدعا دأر سنده تودیع اولنش ولدی التدقیق مذکور استدعایه سنک مدت قانونیه سی ظرفنده اعطا و شرائط لازمه سار سدنک دخی ایفا قلندیغی اکلا شلمش ایدوکنندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی : صدیقه خانمک خانه سنه بالدخول کندوسنی ضرب و اطاله لسان ایتدیکی

اخبارات وطیب راپوری مندرجاتی دلالته لیه ثابت اولان مستدعیه اقبالک قانون جزانک یوز یتش طقوزنجی ماده سی حکمنه توفیقاً اطاله لسان و خانه یه دخول فعلنک اسباب مشدده دن عدیله اون کون حبسنه دأر بدایه لاحق اولان حکمنک مزبوره جانبندن استیناف اولنمسی اوزرینه اولبایده اجرا قلنان محاکمه و تدقیقات استینافیه نتیجه سنده در میان اولنان اعتراضاتک تقدیرده تسلفی حسبیله حائر تأثیر کوریه مدیکندن بخله موافق اصول وقانون اولان حکم اولک تصدیقنه قرار ویرلدیکی متضمندر .

لایحه تمیزیه ده بدایه استماع اولنان شهودک ذات و شهادت لریله طیب راپوری حقنده عندالاستیناف در میان ایدلیدیکی اعتراضاتک اجوبه ردیه سی بیان وارانه ایدلمکسزین حکم ابتدائینک تصدیق ایدلمسی یولسز وبغیر قانون ایدوکنندن بخله اعلام استینافینک نقض استدعا ایدلیدیکی کی تبلیغنامه ده دخی عندالاستیناف اصولی دأر سنده در میان اولنان اعتراضاتک تقدیره تعلقندن بخله تدقیق اولنمسی مخالف اصول و تمیز لایحه سی محتویاتی بوضو رتله وارد وبجا ایدوکی بیانیله ذکر اولنان اعلامک نقضی لزومی کوسترلشدر .

ایجابی لدی المذاکره تمیز استدعایه بولنان اقبال خانمک تحدید جزاسی متضمن اولان حکم ابتدائی علیهنده اقامه ایدلیدیکی استیناف دعوائنک انشای محاکمه سنده وکیل مدافعی جانبندن احوال موجوده دن حکمه عدم کفایتندن بخله و تعیین ماده صورتیله در میان اولنان اعتراضاتک محاکم استینافیه دنک دخی حکمه مأذون اولسندن ناشی تدقیق و شایان قبول کورلیدیکی تقدیرده اجوبه ردیه سنک ارانه سی اقتضا ایدرکن محکمه استینافیه جه صور محرریه توفیق معامله اولنمیوب اعتراضات مذکور دنک بدایت محکمه سی هیئت حاکمه سنک تقدیراته تعلقندن ناشی رد ایدیله زک حکم ابتدائی مذکورک تصدیق ایدلمسی تبلیغنامه ده دخی مرقم اولدینی اوزره یولسز و مستلزم نقض احوال دن اولوب لایحه تمیزیه محتویاتی وارد وبجا کورنش ایدوکنندن اصول محاکمات جزائی قانوننک اوچوز اون دردیجی و اوچوز اون طقوزنجی ماده لری منظومه تعریفه و اولن هیئت اتهامیه اعلام استینافینک بوندن طولانی قضیله احکام قانونیه دأر سنده ایفای معامله اولنق اوزره اوراق متعلقه سنک محکمه مذکوریه اعاده سنه و ایکی یوز غروش اعلام خرجنک تعرفه و تالیفات مخصوصه سنه توفیقاً بالاخره حقیق حقیق طرفدن استیفاسنه ۱۱ اغستوس ۳۲۸ تاریخنده متفقاً قرار ویرلدی .

محکمہ تمیز استدعا دأر سنده صادر اولده ۱۳ اغستوس سنه ۳۲۸ تاریخ و ۱۸۸۲ نومرولی اعلام صوریه بر:

« مسئله مستأخره »

ادرنه ولایتی بدایت محکمه سی جزا دأر سندن استینافاً تنظیم واعطا و ۱۶ مایس ۳۲۸ تاریخنده امر تفهیمی اجرا قلنان ۲۶ حزیران ۳۲۸ تاریخ و قرق درت نومرولی اعلامک تمیزاً تدقیق طلبی حاوی دیجو جانبندن معطی استدعا نامه ایله اوراق متفرعه سی باش مدعی عمومیلک بهیه سندن باتبلیغنامه محکمه تمیز

استدعا دائره سینه تودیع قلمش ولدی التذقیق مذکور استدعا نامه نك مدت مینه قانونیه سی ظرفده اعطا و شرائط لازمه سائر سینه دخی ایفا ایدلیدی آکلا شلمش ایدو کندن بالقبول تدقیقات تمیزیه اجر اسنه ابتدار اولنور .

اعلام مذکور خلاصه مالی مصطفی رشدی بک ترلا سنه مداخله و تجاوز ایدلیدی ادعا قلنان مستدعی دیچونک تحدید جزاسنه ومدعی مومی الیهک حقوق شخصیه سندن دولای حقوق محکمه سینه مراجعته مختارینه دائر بدایت لاحق اولان اعلام مدعی مومی الیه مصطفی رشدی بک ایله مظنون دیچو طرفلرندن استیناف اولنمی اوزرینه اسباب قانونیه دن ناشی فسخیله جریان ایدن محاکمه و تدقیقات استینافیه نتیجه سنده مستأنفلر دن دیچونک محل مدعابه حقنده کی مرور زمان ادعا ومدافعه سی سایان قبول کوریه مدیکندن ردیه مدعی رشدی بک سند خاقانی و حقوق محکمه سینه اکتساب قطعی ایتش اوچیز اوچ تاریخی اعلامی ایله متصرف اولدینی ترلا سنه خود بخود تجاوز ایندیکی ثابت اولدیغندن جزا قانوننک ایکی یوز الی ایکنجی ماده سی ذیلی موجبجه برماه مدته حبس و تشدید جزاسنه محل اولمادیغنه ومدعی مومی الیهک اجر مثل دعواسی ایچون محکمه عانده سینه مراجعته مختارینه قرار ویرلیدیکی متضمندر .

لایحه تمیزیه ده مدعابه ترلا اساساً حق قرارله عهده تصرفده اولدینی و مرور زمان مسئله سینه حل محکمه حقوقه عانده بولندینی حالده وظیفه خارجنده اوله رق محکمه استینافیه جه بوجه محرر قرار ویرلمش اولسنک مغایرت قانونیه سندن بحثله اعلام استینافینک تقضی استدعا ایدلمش وتبلیغنامه ده دخی اعتراضات مسروودنک مندرجات اعلامه نظراً غیر وارد بولندینی بیانیله ردی لزومی کوسترلمشدر .

ایجابی لدی المذاکره مندرجات اعلامدن استنباط اولندینی وجهله محکمه استینافیه جه اجر اسنه ابتدار اولتان تدقیقات ومحاکمات اثناسنده مظنون دیچو تجاوز ایدلیدی ادعا اولتان ترلا حقنده تملك و تصرف ادعاسنده بولنقله برابر مقدمه بینه اوله رق اوراق رسمیه ده ابراز ایتش و بواو اوقه قارشی عکس صورتی متضمن مدعی شخصی طرفندن ابراز اولتان تصرف سینه نك دخی محکمه جه مدار حکم اتخاذ اولتان حقوق اعلامی تاریخندن مؤخر بولنمش اولسنه و بویکی وثائق درجه حکم وقوتی تعیین وتقدير دخی حقوق محکمه سینه عانده بولنسنه مبنی مدافعات مذکور نك تشکیل ایدلیدی مسئله مستأخره دن دولای ایجاب ایدن طرفه مهمل مناسب اعطاسیله کیفیت مرجعه سوقی ودعوی حاضر نك اورادن لاحق اوله حق حکمه انتظاراً تأخیر رؤیتی اقتضا ایدرکن محکمه استینافیه جه صلاحیت خارجنده اوله رق ذکر اولتان محکمه جهت عانیدی حقنده تدقیقات ایفاسیله سالف الذکر حقوق اعلامه استناداً محل مذکور مدعی شخصی به عانیدی نقطه سندن مظنون مرقومک بوجه محرر تحدید جزاسی بولنده اعطای قرار اولنمی یولسر مغایر اصول وقانون اولوب لایحه تمیزیه مؤدایی بو صورتله وارد وبجا کورنمش ایدو کندن اصول محاکمات جزایه قانوننک اوچیز اون دردنجی و اوچیز اون طقوزنجی ماده لری موجبجه اعلام استینافینک شو سببدن ناشی نقضیه احکام قانونیه

دائره سینه ایفای معامله اولنق اوزره اوراق متعلقه سینه محکمه مذکوریه وتمیز جزای تقدیمی اوله رق محلی مال صندوقه تودیع قلمش اولان بش لیرانک اصول مذکورک اوچیز قرق اوچنجی ماده سی موجبجه مستدعی دیچویه اعاده سینه وایکی یوز غروش اعلام خرجنک تعرفه وتعلیمات مخصوصه سینه توفیقاً یلروده حقسز حقیقه حق طرفدن استیفا سینه ۱۳ اغستوس ۳۲۸ تاریخده متفقاً قرار ویرلیدی .

محکمه تمیز استدعا دائره سینه صادر اولان ۱۸ اغستوس سنه ۳۲۸ تاریخ ۱۹۳۲ نومرولی اعلام صدریندر :

* شاهد لک جلبی حقنده تسطیر اولتان مذکر لره جواب آله مامش اولسی سر رشته سیله افادات مضبوطه لرینک قرائتیه اکتفا ایدلیدی اسباب فسخیه تشکیل ایدر *

معموره العزیز ولایتی استیناف محکمه سی جزا دائره سندن تنظیم واعطا و ۲۳ مارت ۳۲۸ تاریخده امر تفهیمی اجرا قلنان ۳ مایس ۳۲۸ تاریخ والی بر نومرولی اعلامک تمیزاً تدقیقی طلبنی حاوی محکمه مذکور مدعی عمومیلکی جانبندن معطی استدعا نامه ایله اوراق متفرعه سی باش مدعی عمومیلک مأموریت بیه سندن باتبلیغنامه محکمه تمیز استدعا دائره سینه تودیع اولنمش ولدی التذقیق مذکور استدعا نامه نك مدت قانونیه سی ظرفده اعطا قلندینی اکلا شلمش اولدیغندن بالقبول تدقیقات تمیزیه اجر اسنه ابتدار ایدلیدی .

اعلام مذکور خلاصه مالی : خاچوی ضرب وارون و اصادوره تشهر سلاح ایدلکری ادعاسیله مظنون علیهما اولان تیمور وقیا ایله مرقومان تیمور وقیانک قیونلرینی اخذ ایدلکری ادعا قلنان هاچو سیاه ورفقاسنک برائتینه دائر بدایت لاحق اولان حکمک حقوق عمومیه مأموری جانبندن استیناف اولنمی اوزرینه سبق ایدن تدقیقات نتیجه سنده نقصان تدقیقاته و جهات سائریه دائر درمیان ایدیلان اعتراضات هیئت حاکمه نك تقدیرانه تعرضدن عبارت ایدو کندن بحثله ردیه حکم مذکورک تصدیقنه قرار ویرلیدیکی متضمندر .

لایحه تمیزیه ده درجه اولی محکمه سینه حقوق عمومیه نامه اقامه و استماع اولتان دیگر ماده دن مظنون اولان شهودک بلا تحلیف افاده لرینک استماع اولنمی و دیگر شهودک بلا سبب قانونی جلبلرندن صرف نظر اوله رق افاده مضبوطه لرینک قرائتیه اکتفا قلنمی و صورت ادعا واشتکا ایله اخبارات موجوده اراسنده کوریلان عناقنک حل وتالیف اولنمسی واخذ وغصب ماده سینه ماهیتی اکلا شلمق اوزره ناحیه مدیرینک جلب و استماع ایدلماسی خصوصاتنک تشکیل ایدلیدی اسباب فسخیه عندالاستیناف نظر دقتسه آلمق سزین ولایحه استینافیه ایله مدعی عمومیلک مقامندن درمیان اولتان اعتراضاتک دخی اجوبه ردیه سی بیان واره ایدلمک سزین اعلام ابتدائینک تصدیقنه قرار ویرلمسی مخالف اصول وقانون ایدو کندن بحثله اعلام استینافینک تقضی طلب اولندینی کی تبلیغنامه ده دخی شهودک جلبلری کسب تعذر ایتدکجه طرفینک مواجهه سنده

استماعی لزوم قانونی در کار اولدینی حالد افاده مضبوطه لرینک قرائتیه اکتفا ایدلمی یولسر و مخالف قانون ولایحه تمیزیه مندرجاتی بوضوئله وارد و بجا کورلیدیکنه مبنی اعلام مذکورک نقضی لزومی کوسرلمشدر.

ایجابی لدی المذاکره درجه اولی محکمه سنجه بومسئله دن طولانی جریان ایدن محاکمه ده حاضر بولنان مظلونلردن هاجوسیه و قصاب ایله نشانک وجاهنده احضاراً جلی قرارگیر اولان شهود جقنده کی حکم احضارک تنفیذ اولنماسندن ناشی محاکمه نک یوم آخره تعلیقنه قرار ویرلیدی حالد یوم مذکور دن اول ورود ایتش اولان شهود مرقومه نک عن الغیاب استماع اولنسی وکذلک حقلرنده احضار مذکره سی صادر اولان دیگر شاهدلرک ورود ایتماش و اولاباده کی مذکرلر اوزرینه محاندن جواب آله مامش اولدی سر رشته سیله افادات مضبوطه لرینک قرائتیه اکتفا قلمسی کی اسباب فسخیه تشکیل ایدن احوالک موجودیتنه قارشو عندالاستیناف بدایه لاحق اولان برائت قرارینک قانونه و محاکمات جاریه نک دخی اصوله موافقتندن بحاله تصدیق اولنسی و دعوای استینافه قیام ایدن مدعی عمومی جانبندن معطی لایحه ایله استیناف مدعی عمومیلکنندن تنظیم واعطا قلنان مطالعه نامه ده نقصان تدقیقاته و جهات سائرده دائر درمیان اولنان اعتراضاتک اعلام استینافیده مرقم اجوبه ردیه سی خلاصه سی اعتراضات مبحوئنه نک بدایت محکمه سی هیئت حاکمه سنک مقرراتنه تعرضدن عبارت ایدوکی مرکزنده اولوب حالوکه محاکم استینافیه نک دخی درجه ثانیه ده حکمه مأذون اولمسندن ناشی اعتراضات مذکور دن بوضوئله ردی وظائف اصلیه سیله غیر قابل تألیف بولنش اولدینی و بناء علیه بولنرک تعلق ایلدیکی کیفیات ایله دلائل و اخبارات موجوده نک تدقیق و درجه حکم وقوتی تعیین و تقدیر اوله رق شو تحقیقات نتائجه استناداً اسباب ردیه سی کوسرلمک مقتضی اولدینی حالد صور محررده توفیق معامله لزومندن ذهول ایدلمی یولسر و مستلزم نقض احوالندن اولوب خصوصات مسرووده یی تضمن ایدن لایحه تمیزیه محتویاتی وارد و بجا کورنش ایدوکنندن اصول محاکمات جزایه قانوننک اوچ یوز اون دردنجی و اوچ یوز اون طقوزنجی ماده لری منظوقنجه سالف الذکر اعلام استینافینک اسباب محررده دن ناشی تقضیه احکام قانونیه دأر دسندده ایفای معامله اولنق اوزره اوراق دعوانک محله اعاده سنه و ایکی یوز غروش اعلام خرجنک تعرفه و تعلیمات مخصوصه سی موجبجه ایلروده حقسر حقیقه جق طرفدن استیفاسنه ۱۸ اگستوس ۳۲۸ تاریخده متفقاً قرار ویرلیدی.

حکام تمیز استماع دأر دسندده صادر اولده ۳ نیسبه ۳۲۹ تاریخ و ۳۰۱ نومرولی اعلام صورنبر :

« مظلونلردن بر قسمنک دیوان حربده و بر قسمنک ده محاکم نظامیه ده اجرای محاکمه لری احکام قانونیه منافیدر »

ملک قضایی بدایت محکمه سی مستنطقلغندن تنظیم واعطا قلنان ۱۳ مارت ۳۲۸ تاریخی قرارنامه نک

نقضی حقدده عدلیه نظارت جلیله سندن ویرلین امر تحریری اوزرینه اولاباده کی اوراق باش مدعی عمومیلک مأموریت علیه سندن با تبلیغنامه محکمه تمیز استماع دأر دسندده تودیع ایدلمکله مطالعه اولندی .

مذکور تبلیغنامه ده ملک تضاسنده بلغار جماعتی طرفندن انشاسنه تشبث اولنان مکتبک منع انشاسی مقصدیه اجتماع ایدن روم جماعتی نسوانه تجاوزلری صره سنده ضرب و تحقیر و بولنلردن دسپنه نام قادینی خلاف اصول حبس و توقیف ایتدکاری ادعا اولنان قضاء مذکور قائممقامی محمد علی و ژاندارمه قوماندانی قدری و پولیس قومیسری علی شانی و پولیس مأموری ابراهیم افندیلرله ژاندارمه نفراتی حقلرنده قضاء مذکور بدایت محکمه سی استنطاق دأر دسندده اجرا قلنان تحقیقات نتیجه سنده مظلون مومی الیهمدن قائممقام قضا محمد علی و اوکا تبعاً پولیس قومیسری علی شانی و پولیس ابراهیم افندیلر حقد تحقیقات اجرای ملکیه مستنطقلکنه و ژاندارمه قوماندانی قدری افندی ایله ژاندارمه نفراتنه متدائر تحقیقاتک دخی اخیراً نشر اولنان تعلیماتنه احکامنه توفیقاً دیوان حربیه عائدیتدن بحاله اوراق دعوانک اولوجهله بالتفریق محالربنه ارساله قرار ویرلش و ۲۸ کانون ثانی ۳۲۸ تاریخی ژاندارمه قانون موقتک التنجی ماده سنه نظراً اولاباده کی تعلیمات احکامی اجرا صره سنده ژاندارمه لری وظیفه لری تجاوز صورتیه و وقوعه کتیردکاری افعالندن دولایی تعقیب محاکمه لری دیوان حربیه عائدیتی درکار بولنش ایسه ده جرائم عادیه دن عبارت اولان سالف الیان ضرب و تحقیر و توقیف افعالنده قائممقام قضا ایله پولیس قومیسر و مأمورلرینک مشترک بولنلرینه و جرائم مشترکده مظلونلردن بر قسمنک دیوان حربده و بر قسمنک محاکم نظامیه ده اجرای محاکمه لری احکام قانونیه منافی بولنسنه بناء مأموریت مومی الیه تبعاً ژاندارمه لری دخی افعال مذکور دن دولایی حقلرنده تعقیبات قانونیه اجرای جهت عدلیه عائد بولنش اولدیغندن بالبحث مخالف قانون اولان و اکتساب قطعیت ایتدیکی اکلاشیلان سالف الیان قرارنامه نک اصول محاکمات جزایه قانوننک اوچ یوز قرقیدنجی ماده سنه توفیقاً نقضی طلب اولنمشدر .

ایجابی لدی المذاکره اوراق متعلقه مفادینه نظراً ضرب و تحقیر و خلاف اصول حبس و توقیف ماده لرندن دولایی مظلون ملک تضاسنی قائممقامی محمد علی و ژاندارمه قوماندانی قدری و پولیس مأموری ابراهیم افندیلرله ژاندارمه نفراتی حقلرنده قضاء مذکور مستنطقلکنه قائممقام قضا ایله اکا تبعاً پولیس قومیسری علی شانی و پولیس مأموری ابراهیم افندیلر حقد تحقیقات اجرای ملکیه مستنطقلکنه و ژاندارمه قوماندانی ایله نفراتنه عائد تحقیقاتک دخی دیوان حربیه عائد اولدیغنه قرار ویرلش و ۲۸ کانون ثانی ۳۲۸ تاریخی ژاندارمه قانون موقتک التنجی ماده سنده دخی اولاباده تعلیماتنه احکامی اجرا صره سنده ژاندارمه لری وظیفه لری تجاوز صورتیه و وقوعه کتیردکاری افعالندن دولایی تعقیب و محاکمه لری دیوان حربیه عائد بولنش ایسه ده جرائم عادیه دن عبارت اولان سالف الذکر ضرب و تحقیر و توقیف کیفیترلنده قائممقام قضا ایله پولیس قومیسر و مأمورلرینک مشترکاً مشتکاعنه بولنلرینه و جرائم مشترکده مظلونلردن بر قسمنک دیوان حربده

وبر قسمتك دخى محاكم نظاميه ده اجراى محاكمه لرى احكام قانونيه به منافى بولمسنه مبنى پوليس قوميسر ومأمورلر به تبعاً ژاندارمه لرك دخى افعال مذكوره دن دولايى حقلرنده تعقيبات اجراسى جهت عدليه به عائد اولدينى جالده مذكور مستنطقكجه بروجه محرر قرار ويرلمسى اصول وقانونه مخالف اولديغندن اصول محاكمات جزائيه قانونك اوچ يوز قرق يدنجى ماده سى منطقجه مذكور قرار نامهك بره موجب طلب نقضه ۲۵ شباط ۳۲۸ تاريخده اكثريله قرار ويرلدى .

شورای دولت مضطربى

شورای دولت امتموف مرجع انجمنده صادر اولوبه ۲۱ مارت ۳۲۹ تاريخى مضطرب صورتير :

« اخذ رشوت حقنه »

اخذ رشوت وسائرده دن طولايى مظنون عليه اولان آقسى قضاى كنجك قريه سندن مختار منلا احمد ورفقاسى حقنه لازم الاجرا تحقيقات مرجعى خصوصنده قضای مذكور عدليه وملكيه مستنطقلى آره سنده حاصل اولان اختلاف سليك حلقه دائر عدليه نظارتندن بالتقديم شورای دولته حواله بيوريلان ۲۲ تشرين ثانى ۳۲۸ تاريخ والى يوز اون اوچ نومرولى تذکره وملفوفلى انجمن اختلافه توديع اولمسيه شورای مذكوره تمیز مدعى عموميلكندن يازيلان مطالعه نامه ايله برابر قرائت اولدى .

عدليه مستنطقك قرارنامه سى مائنده كنجك قريه سندن تيورجى محمد اوسته ورفقاسك مذكور قريه اهالي سندن طباق اوغلى منلا احمد ورفقاسى حقلرنده اختيار ايلدكلى جرائدن دولايى اجرا قلنان تحقيقات نتيجه سنده اسناد اولنان حرائدن ارباب جنايتي كتم ويتاقلق فعله دائر دليل واماره اوليوب اخفا اولندينى ادعا اولنان آدمك جنايت محكمه سنه سوق ژاندارمه لر معرفيله وقوع بولدينى اكلاشلمغله بو جهتن مرقوم منلا احمد ورفقاسك منع محاكمه سنه ورشوت وفضله عشر اخذى كيفيتى مرقوم منلا احمد مختارلقده بولندينى صروده وقوع بولمى اعتباريله وظيفة مأموريتيه تعلق ايلديكندن بو خصوصده كى تحقيقات اجراسى جهت ملكيه به عائد اولدينى وملكيه مستنطقى قرارنامه سنده ده مخبرلر آحاددن اولدينى كى مظنونلر مياننده ده افراد بولمسنه ومنلا احمد اسناد اولنان اخذ رشوت مسئله سى وظيفة مأموريتندن منبعث بولمسنه نظراً تحقيقاتك اجراسى جهت عدليه به راجع ايدوكى وتميز مدعى عموميلكك مطالعه نامه سنده دخى مرقوم منلا احمد اسناد اولنوب افراد ايله مشترك اولدينى ادعا اولنان جرائدن طولايى وظيفه دار اولان عدليه مستنطقى طرفدن منع محاكمه قرارى ويرلمش وبونك دائره شمولندن خارج قالان افعال ايسه مختارلق صفتك سوء

استعماليله اوته كنى بريكنى طولانديرمقدن عبارت بولنش اولمى حسييله بونلرك تقدير وتحقيق جهت ملكيه به عائد بولندينى درميان قلمشدر .

اقتضاسى لى المذاكره مرقوم منلا احمدك حالا مظنون عليه اولدينى افعال رشوت وفضله عشر اخذى ماده لرندن عبارت اولوب بوده مختارلقده بولندينى صروده واقع اولمش اولمسنه بناءً مسئله تمیز مدعى عموميلكك تصوير ايتديكى وجهله مرقومك صفت مأموريتى سوء استعمال ايله اوته كنى بريكنى طولانديرمق شكلنده اولسيه يدى لازم كلن تحقيقات ومحاكماتك اجراسى ملكيه مستنطقيله محكمه لرينه توجه ايدر ومخبرلرك آحاددن بولمسي عدليه مستنطقك ذاهب اولدينى اوزره تحول مرجعه باعث اولماز ايديسه ده اخبار وادعا اخذ رشوت صورتنده اوله رق اوخالده مرثى ايله برابر آحاددن راي ده بولنه جغه وفي الحقيقه راشيلرك اسملرى بيان وجلب ومحاكمه لرى طلب ايلمكده اولمسيه مرقومه اسناد اولنان جرمد آحاد ناسدن بعضيلرى مشارك ومدخدار ديمك اولمسنه ومأمورين ملكيه دن وظيفة مأموريتيه متعلق اوله رق آحاد ايله مشتركاً ايضاً جرائم ايدنلرك آحاده تبعاً محاكم عموميه ده اجراى محاكمه لرى ماده مخصوصه نظاميه اقتضاسندن ايدوكنه بناءً اصابت قانونيه كوريله ميان تمیز مدعى عموميلكى مطالعه سنك ردى وعدم وظيفه به متدار اولان عدليه مستنطقى قرارنامه سنك فسحيه جهت عدليه به تعقيبات قانونيه به دوام اولمق اوزره ملفوفاً تقديم قلنان اوراق دعواسنك عدليه نظارتنه ارسال وقونيه ولايته معلومات اعطاسنك داخله نظارتنه تبليغى تذكر اولدى اولبابده امروفرمان

شورای دولت امتموف مرجع انجمنك ۲۸ مارت سنه ۳۲۹ تاريخى ۱۲۶ نومرولى مضطرب سى صورتير :

« كيفيت انتخاب و تعيينك تعليمات مخصوصه سنه تاميله تطبيق اولنماش اولمى

صفت مأموريتى سلب و مرجع محاكمه كى تبديل ايدمه مر »

وظيفه سنده تكاسل ايله قطع و سرقت اشجاره سبيت ويرمك ماده سندن طولايى مظنون عليه اولان بابوختى مزرعه سى قوريجيسى قصاب عثمان حقنه كى دعوانك مرجع رؤيتى خصوصنده ملاطيه سنجانجى مجلس اداره سيلاه عدليه بدايت محكمه سى آراسنده تحدث ايدن اختلافك حال لزومنى متضمن معموره العزيز ولايتك ۳۱ تموز ۳۲۸ تاريخ و درت نومرولى تحريراتيله ملفوفاً انجمن اختلافه توديع اولمق شورای دولت تمیز مدعى عموميلكندن يازيلان مطالعه نامه ايله برابر قرائت اولدى .

مجلس اداره اعلامك خلاصه مالى مظنون عليه قصاب عثمانك بكجى اوله رق انتخابى بلديه جه وقوع بولدينى اكلاشلمش ايسه ده انتخاب واقع بكجى وظائفه دائر اولان تعليمات احكامنه مغاير اولمسيه مرقومك حكومتجه تعيين ايدلمش بكجى صفتيله طانه ميوب افراد اعماليدن و عايداً اجرتلى بكجى ديمك اولديغه بناءً محاكمه كى جهت عدليه به اجراسى لازم كله جكى وبدايت محكمه سى اعلامك فقره حكيمه سنده ايسه مرقومك

باعث مسئولیتی اولان قطع و سرقت اشجار ماده سی بکجیلک وظائفی ایفاده کی نکاساندن ایلری کلدیکی جهته محاکمه سی مجلس اداره یه عائد بولندیغی و تمیز مدعی عمومیلکنک مطالعه نامه سنده دخی مرقوم اورمان و اراضی صاحب لرینک انتخابیله بالتعین استخدام ایدلمکده و اجرتی دخی اعالی طرفدن ویرلمکده اولسنه نظراً اهالینک اجیری دیمک اوله رق بوجه تمامل مرقومک بلدیجه بکجی صقیله طانمسی کندیسنه برکونه صفت مأموریت بخش و مرجع محاکمه سی تبدیل ایتیه جکندن اجرای محاکمه سنک جهت عدلیه یه عائد ایدوکی تیان قائم شد.

ایجاب کیفیت لدی المذاکره تدقیقات واقعه یه کوره مرقوم عثمان آغا قورچیلغه اصول و تعاملنه توفیقاً اهالیجه انتخاب و بلدیجه تعیین اولمش و کندیسنک خدمتی ایسه خدمات عمومیه دن بولمش اولغله خدمه دولتدن عدی طبعی اولوب بناءً علیه وظیفه مأموریتنه متملق جرم مذکوردن طولانی اجرای محاکمه سی محاکم اداره یه عائد بولندیغنه و کیفیت انتخاب و تعیینک تعلیمات مخصوصه سنه تمامیه تطبیق اولغامش بولمسی صفت مأموریتی سلب و مرجع محاکمه سی تبدیل ایدمیه جکنه مبنی اصابت قانونیه کوریه میان تمیز مدعی عمومیلکنک مطالبه سنک ردی وعدم وظیفه یه متدائر اولان ملکیه مستطقی قرار نامه سنک فسخیه جهت ملکیه یه تعینات قانونیه یه دوام اولمق اوزره اوراق دعوانک داخلیه نظارتنه تودیی و عدلیه نظارتنه ده معلومات اعطاسی تذکر و اوراق موجوده لفاً تقدیم تلندی اولباده امر فرمان حضرت من له الامرندر.

انجمنه عدلیه مقرانی

انجمنه عدلیه صادر اولاره ۲۵ مارت سنه ۳۲۹ تاریخلی قرار صورتیدر :

« تسلیم مأجوره دائر »

بک اوغلی بدایت محکمه سی زیاست اولاسنک ۷ مارت سنه ۳۲۹ تاریخلی مذکره سیله اولباده کی اعلام جلب ایدیلدرک مطالعه و تدقیق اولندی .

مصطفی و احمد و محمد افندیلر ایله رحیمه و شاذیه خانملرک متصرف اولوب یاقووسی افندی یه ایجار ایلدکری مغازه نک تسلیمندن امتناع ایتلرندن ناشی موجرلر ایله مذکور دکانده واضع الید اولان اقیم علیه مستأجر طرفدن اقامه ایدیلن دعوانک نتیجه محاکمه سنده بر موجب مقاوله مأجوری مستأجر مرقومه تسلیمه مدعی علیه مک مجبوریتلرینه و خصومتک عدم توجهندن دولانی اقیم حقه کی استدعانک ردینه قرار ویرلمی اوزرینه بوباده صادر اولان اعلام موقع اجرایه توفیقاً تخلیه یه تثبیت ایدلکده اعلام مذکور حکمنک کندی حقه بر جهت حکمیه یی غیر شامل اولدیغندن بحثله اعتراض ایتلمکده اولان مرقوم اقیم حقه اجرایی جائز اولوب اولدیغی استیذان ایدلمکده در .

بوباده کی اعلامک حاوی اولدیغی نتیجه حکم موجرلرک مأجوری مستأجره تسلیمه مجبوریتلرینه دائر اولسنه و مأجورک حالاً شاغلی اولان اقیم حقه کی دعوانک عدم توجه خصومت نقطه سندن رد ایدلدیکی مصرح بولمسنه نظراً موجرلر مجبوریت قانونیه لرینی نظر دفته آله رق فارغاً عن الشواغل تسلیم مأجوره مسارعت ایللری لازم کلوب اقیم حقه عندالاجرا بر معامله جریان ایدممامک لازم کلیر ایسه ده بونک تقدیری و لدی الایجاب حکمی ویرن محکمه دن استیضاح کیفیتله آله حق جوابه کوره معامله ایفاسی ریاست مذکوره یه عائد بولندیغی تذکر قلمشدر .

انجمنه عدلیه صادر اولاره ۲۶ مارت سنه ۳۲۹ تاریخلی قرار صورتیدر

« اموال بیت المال ایله اموال اوقافک یکدیگرندن فرقی اولوب مطلوبات امیره نک تأمین استیفسای ضمنده ، صائلی مجاز اولان اراضی امیره نک دیون و نفیه ایچون دخی فروختی جائزدر . »

امور حقوقیه مدیریت بهیه سنک ۱۴ مایس سنه ۳۲۸ تاریخلی مذکره سیله محندن جلب ایدیلن اعلام مطالعه و تدقیق اولندی .

موسی افندی جامع شریفی متولی سابقی خادمی زاده احمد افندی طرفندن متولی اسبق متوفی حاجی احمد افدینک ترکسنه واضع الید ورثه سندن زوجیه سی حاجه امیره خانم علیه بالاستحصال مصداقاً موقع اجرایه وضع اولان اعلامه بناءً جامع شریف مذکور وقفندن اوتوز ایکی بیک کسور غروش مبالغ مستقرضه نک تحصیلی طلب اولمسنه و حجتی حجتسر بالعموم اوقافک خزیننه نامنه ضبطیه تحصیلاتنک ایراد قیدی حقه کی اشعار سامی مشیختنهایه بناءً اوقاف اداره سنه مدور اولوب مطلوبات امیره صره سنه داخل بولمغله اداره مذکور دنک تعقیبه مبنی مدیون مومی الیهک ورثه سنه بالانتقال زراعت بانفهنه ترهین ایتدکری بالجمله اوراق و اراضینک فضلله رهیلله سائر املاک و اراضی متروکسی حجز و مزایده اولنه رق غیر مردوناتک اداره مومی الیه نامنه حاله قطعی سی اجرا قلندیغی صره ده اراضی غیر مرهونه مبجوثه نک تأمین دین ایدمیه جکی و پک دون اولان بدل حاله یی اعطایه آماده بولندقلری بیانیله حجزک فکی ورثه طرفندن طلب اولمش ایسه ده سالف الذکر اموال مرهونه فضلله سنک بقیه دینی تأمین ایدوب ایتیه جکی مجهول بولندیغندن ولها طلب واقعت قبولیه حجزک فکنده تردد اولدیغندن بحثله استفسار معامله ایدلمکده و مدیریت مومی الیهانک مطالعه سی دخی بدل مزایده نک رغباتک انقطاعیه تعین ایده جکی درکار بولندیغندن رغبات منقطع اولدقدن صوکره ورثه نک بدل مذکوری تسویه ایله حجزی فک ایتدیرمک صلاحیتی علی الاطلاق طبعی کورلمکده اولدیغی متضمندر .

ایجابی لدی التذکر اوقاف مطلوباتی حقه مطلوبات امیره کی معامله ایفاسی کرک اوقاف مضبوطه و کرک اوقاف ملحقه مسقنات و مستغلاتی اجارات و مطلوباتنک اعشار نظامنامه سنک ۳۹ ماده سنه توفیقاً بلا محاکمه

اجرا معرفتیه تحصیلی حقنده کی ۲۸ کانون اول سنه ۳۱۶ و تحویل اموال نظامنامه سی احکامک مطلوبات اوقاتی تحصیلاتنه تشمیلی حقنده کی ۱۶ مارت سنه ۳۲۴ تاریخلی ارادات سینه مقتضای منیفندن و مطلوبات وقفیه حقنده دیوان امیرییه قیاساً معامله ایفاسی شورای دولت قراری اقتضاسندن اولدینی کی اوقاف نظارتی وارداتنک بر قسمی قرا و مزارع موقوفه اعشاری بدلی نامیله بیت المالدن و یریلن مبالغ معلومه تشکیل ایتکده اولسنه و اموال بیت المال ایله اموال اوقافک یکدیگرندن فرق اولیوب هر ایکسنک نفع و ضرری عامیه عائد و راجع بولمنسه نظراً مطلوبات امیرییه تک تأمین استیفاسی ضمنده صالتسی مجاز اولان اراضی امیرییه دیون وقفیه ایچون دخی فروختی جائز اولوق لازم کلهجکی کی بو خصوصده مدیریت مومی الیهانک مطالعه سی وجهله رغبات منقطع اولدقدن سوکره ورثه تک بدل مزایده یی تسویه ایله حمزی فک ایتدیرمکه صلاحیتلری درکار بولندینندن اولوجهله محله تبلیغات ایفاسی اکثریتله تذکر قلمش ایسه ده اجرای ایجابی منوط رأی سامی نظارتیناهیلریدر .

انجمنه عدلیه صادر اولاره ۲ نیسان سنه ۳۲۹ تاریخلی قرار صورتیدر :

« تبلیغ حقنده »

بحریه نظارت جلیله سنک مربوط تذکره سیله اوراق متعلقه سی مطالعه و تدقیق اولندی .

فری کوی جوارنده صحاف مصلح الدین محله سنده منازع فیه بولنان اراضی حقنده نظارت مشارالیها علیه صادر اولان اعلامک اصول و قانونه مخالف اوله رق تبلیغ ایدلیدی حقنده کی اعتراضک غیر وارد اولدینی بک اوغلی بدایت محکمه سی ریاست اولاسندن افاده قلمش ایسه ده نظارت مشارالیها وکیلنک اجرا دائره سنجه وقوع بولان دعوتیه اجابتی و محلنجه اجرا ایدیلن کشفده حاضر بولمنسی حکم اعلامی قبول معناسی تضمن ایتدیکی و وکیل مومی الیهک حقوق بیت الماله منافی تصرفه موافقتنه حق و صلاحیتی اوله میه جنی کی اساساً تبلیغه مأذون اولمیدینک اخیراً آ کلاشلمش اولدینندن بحث ایله کیفیتک انجمن عدلیه جه بالتدقیق اسباب قانونیه درمیانیه اعتراض ایدیلن تبلیغ غیر قانونی اوزرینه مؤسس معاملات اجراییه تک فسخ و یا اصلاحیه حقوق خزینة بحریه تک وقایه سی امرنده اتخاذ قرار اولمنسی افاده قلممده در .

ایجابی لدی التأمل نظارت مشارالیها وکیلی متوفی حسیب افندینک و کالتنامه سی ریاست مومی الیهانک طلب ایدلمسی اوزرینه اوراق اساسیه میاننده بویه بر و کالتنامه بولنه مامش ایسه ده مومی الیهک نظارت مشارالیهانک وکالت عمومیه سنه استناداً دعوائی مذکورده حاضر بولندینی اوراق دعوانک مطالعه سنندن آ کلاشلمش اولدینی جواباً بیلدیرلمسنه و اوراق میاننده بولنان اعلامده دخی مومی الیه حسیب افندینک وکالت عمومیه یه استناداً محاکمه حاضر بولندینی مندرج بولمنسه بناء وکیل مومی الیهک حائز اولدینی وکالت عمومیه یه استناداً

واقع اولان معامله تبلیغیه تک تبلیغه مأذون اولمایدینک آ کلاشلدینی بیانیله مغایر قانون بولندینی حقنده کی ادعاوارد اولدینی کی نظارت مشارالیها حقوق مشاوری طلعت بکک طلب و موافقتیه حکم اعلامک اجراسنه استدارا یدلیدیکی اجرا دائره سنک تذکره مزبورده ظهرنده محرر درکناردن آ کلاشلمش اولدینندن معاملات اجراییه تک فسخ و یا اصلاحی موجب بر سبب قانونی کوریه میوب معاملات مذکورده تک علیه نه طریق قانونیسنه مراجعتده مختار بولندینک نظارت مشارالیها یه جواباً تبلیغی لزومی تذکر قلمش ایسه ده اجرای ایجابی منوط رأی سامی جناب نظارتیناهیلریدر .

دوائر و محاکم مرکزیه تک ۱۳۲۸ سنه سنه عائد ایستاتستیک جدولی

امور جزائیة مدیریتک اوچوز بکری سکز سنه سی معاملاتنی ناطق مخصوصدر

عدد	
۷۶۶۰	اوچوز بکری سکز سنه سی ظرفنده باب عالی ایله دوائر مرکزیه دن و ولایات استیناف مدعی عمومیلکرنندن ورود ایدن تذکر و محررات و تلغرافنامه و مستدعیات
	سنه مذکورده ظرفنده معاملاتنی اتمام اولنان
عدد	
۱۵۶۳	باب عالی و دوائر سائرہ مرکزیه تسطیر بیوریلان تذکر علیه و تلغرافنامه
۲۰۴۲	ولایات ایله استیناف مدعی عمومیلکرنینه تسطیر بیوریلان محررات علیه و تلغرافنامه
۱۰۴۷	نظارت جلیله یه تقدیم اولنان تذکره و درکنارلر
۱۸۳۴	درکنار و حواله صورتیه دوائر متعلقه سنه و ولایات استیناف مدعی عمومیلکرنینه تودیع و اسرا اولنان اوراق
۱۲۷۴	تعلقه بناء یکدیگرنه توحید اوانه رق معامله لازمہ سی ا کمال اولنان
۱۶۱۳	حبسخانه و توقیفخانه یوقمه و حروف حجا ترتیبیه محکومین جدوللری اولوب معامله لری بالایفا حفظ ایدیلنلره معامله اخیره لری کوره کذلک حفظ ایدیلن
۳۶	استیناف مدعی عمومیلکرنینه تسطیر بیوریلان محررات عمومیه
۱۰	نسوید اولنوب دردست تبیض و اعطا بولنان خصوصات
۶	تدقیق اولنقی اوزره اوچوز بکری طقوز سنه سنه دور اولنان اوراق
۱۰۳۲۵	

مدیریت علیه لری تک کچن اوچوز بکری سکز سنه سی معاملاتنی ناطق تنظیم و بالاده عرض و ترقیم قلنان خلاصه دن محاطعلم عالیلری بیوریلجنی وجهله سنه مذکورده طرفنده ورود ایدن خصوصتک یکونی ۷۶۶۰ عدده بالغ اولوب بونک اوزرینه ۱۰۳۰۹ محررات و سائرہ یازیلده رق برقمیده معامله مقتضیه لری بالاجرا حفظ ایدلش و مسوده لری تنظیم اولنوب دردست اعطا بولنان « ۱۰ » خصوصات داخل اولدینی حالده اوچوز بکری طقوز سنه سنه ۱۶ اوراق دور ایدلش اولغله

قانون اساسی

ملاحظات جزائیة

دخول مساكنه و موم نمری

قانونك تعیین ایتدیكى احوالدين ماعدا حكومت طرفندن جبراً بر كسـنهـنـك منزل و مسكنه كيرلماك مساكـنـك تعرضدن مصونیتی حقدۀكی قاعدۀ اساسیهـنـك [۱] ایجابات قطعیهـنـدن اولسـنه و اصول جزائیـهـجه قانوناً تعیین اولوب مساكنه دخوله مساع كوسترن حاللر ايسه جرائمـدن طولانی ایضای تحقیقات و بعض حقایقه وصول ایچون اجرای تحریات قضیهـلری بولمـسـنه نظراً اول امرده اشبو وظیفۀ قانونیهـی تعیین ایدن موادی تعمیق و آندن صكرهـده تحری اولنهـجـق مسكن و جرمك ماهیتی وظیفهـدار اولان مأمورك صفتی اعتباریله صلاحیت دخول و تحری درجاتی و بوصولیتك صور استعمالیهـسنجه رعایتی لازم كلان بعض جهات مهمهـی تدقیق و تفصیل ایدلم .

مساكنه حق دخول و تحری بی مبین اولان مواد قانونیه اصول محاکات جزائیة قانونك جرم مشهود فصلندهـكی كرمی طقوزنجی و اوتوز برنجی و اوتوز اوچنجی مادهـلری ايله جرائم غیر مشهودیه دائر معاملات تحقیقیهـی متضمن احكام عمومیهـنـك بینات تحریریه و ثبوت جرمه مدار اشیایه دائر اولان موادنـدن سكسان ایکـنـجی و سكسان اوچنجی وایکی یوز اون یدنجی وایکی یوز اون سـكـزنـجی و اوچـیـوز یمـسـنـجی مادهـلریـدر .

مواد مذكوره ايله جرائمك علی العموم تحری و تحقیق حقدۀكی سائر اصول محاکمه موادینك تدقیق مندرجاتـدن مستبان اولهـجـنی اوزره مساكن و منازل دخول ایچون اول امرده بر جرم وقوعی نانیاً اوجرمك اصول محاکمه و قانون جزاچه معرف اولان نوع و ماهیتی ثالثاً تحریات اجراسنه وظیفهـدار اولان مأمورك حدود صلاحیتی مثلوا قواعد اساسیهـنـك دائماً نظر تدقیق و امعاندۀ بولندیرلمی لازمهـدنـدر .

یكـرمی طقوزنجی ماده مجازات ترهیبیهـی مستلزم اولان جرم مشهودده ذات وقعه و صورت وقوعی حقدۀ تحقیقات و معاملات اجرایی ایچون مدعی عمومینك جنایتك محل وقوعه عزیمته دائر و محل وقعه خانه اولدینی حالده خانهیه دخول اولنهـیـلمـك لزومی بدیهی و ظاهر در .

اوتوز برنجی مادهـده دخی جرمك وقوع بولدینی خانه عبارده سیله تصریح کیفیت ایدلمشدر .
آنـجـق شـوصـلاـحـیتـك استعمالی تعریف قانونیده كوسترلیدیكى وجهله اجرا اولمقده و یاخود هنوز اجرا اولمش اولمی و یاخود ولوله ناس اوزرینه و یا جرمك ارتكابی متعاقباً اشیای و آلات جرمیه ايله فاعل و شریكـلری در دست ایدلمی صورتلریله جرم مشهود و اوقیلدن معدود اولان بر جنایتك و یا برینك قتل و اعدامی و یاخود اسبابی مجهول و شبهلی اولهـرق وفاتی كی تحقیقاتـنـك جرم مشهود قاعدۀ سنه توفیق لازم كلان حادثهـنـك وجود بولمسـیـله و یاخود جرائم مشهوده ایچون مدعی عمومی به تخصیص قلنان وظائف اجرا اولمق اوزره جرم مشهود قیلندن اولمسـه بیله خانه صاحبی طرفدن مدعی عمومی به مراجعت ایدلمسـیـله مشروط اولوب احوال مذكوره خارجنده هرنه سبب و بهانه ايله اقامتگاهه دخول ایدیلهـمز توهـم و یا اخبار مجبره بناءً مساكنه تعرض اصلاً جائز اولهـماز .

محل جرم خانه اولمیوبده اجرای تحریات ایچون مظنون علیهـك اقامتگاهنه کیدلك لازم كلدكده بومسئلهـی واضع قانون تحری اولنهـجـق اوراق و اشیانك (جرمك ثبوت و وقوعه مدار استدلال اولهـبـیـلهـجـكی اكلاشیلور ايسه) قیدیه مقید طوتش [۱] و مدار استدلال اوراق و اشیانك وجودی بالطبع بر طرفدن جریان ایدن تدقیقاتـدن استطلاع اولنهـجـق اماراته بناء ایدیلهـجـكی دركار بولمش اولدیغـدن بوابده اماره تحصل ایتـمـكـسـزین مظنون علیهـك خانهـسنه دخول دخی صراحت و مقصد قانونه توافق ایدـمـز .

جرائم غیر مشهودده اوراق و سندات و اشیانك تحریسی ایچون مدعی عمومی طرفندن طلب وقوعده ولدی الايجاب كندولكـنـدن كرك مظنون علیهـك اقامتگاهنه و كرك اوراق و سنداتك اخفا قلمش اولدینی مظنون اولان سائر محللره مستنطقك عزیمت ایدـهـجـكی صراحت قانونیه اقتضاسـدن اولوب [۲] آنـجـق بـوصـلاـحـیتـك استعمالی دخی حقیقتك ظاهره اخراجی ایچون اجرای تحریاتك مقتضی عداولمسی و یا تحری اولنهـجـق اشیانك سائر محللره اخفا قلمش اولدیغـنـك مظنون بولمسی كی ایکی شرط قانونینك حسن تقدیر و تعیینه متوقف اولوب شو تعیین اقتضا و ظن اخفانك ايسه بولردن ظنك درجه غالبده اولهـبـیـلمـسی اساسنك محافظه سیله برابر صورت دعوی و شکایت ايله شاهدلر طرفندن واقع اولهـجـق اخبارات و سائر تحقیقات و تدقیقاته بنا ایدلمسی اقتضا ایدر .

بناءً علیه تحریات خصوصنده دخی لوازم مسرودهیه رعایت ایدلمكـسـزین اجرا قلمهـجـق معاملات حكم قانون و ایجاب معدله موافق اولهـماز .

اسباب قانونیهـیه بناءً مساكنه دخول و اجرای تحریاته وظیفهـدار اولان مأمورلر مواد مذكورهـده كوسترلیدیكى و صلاحیت شخصیـه و موقعیهـی تعیین ایدن یكـرمـنـجی و یكـرمی برنجی و اللی سكـزنجی و التمش

دردنچی ماده لردن منظم اولدینی وجهله جرم مشهود و اوقیلدن معدود اولان احوالده مدعی عمومی مستنطق و قرق آلتنجی ماده موجبنجه مدعی عمومیله معاونه ایدمک سائر ضابطه عدلیه مأمورلریدر. جرم مشهوددن ماعدا بو وظیفه مستنطقه انحصار ایتمکه برابر من جهة صلاحیت موقعیه ایلده مقید اولوب تحریسی ایجاب ایدن اوراق و اشیا مستنطق بولندینی قضا خارجنده ایسه استینابه طریقه مراجعت اولنور [۱] کذلک مظنون علیک هنوز اتهامه قرار ویرلماش اولدینی حالده اولجه بشقه طرفدن تحقیقاته مباشرت اولنسون اولنسون تحریات اجرایی امر ایتمکه هیئت اتهامیه نك صلاحیتین مین بولنان ایکی یوز اون یدنجی ماده دخی استینابه قیلندندر. مع مافیه اجرای تحریات اصولنك صلاحیت شخصی و موقعیه جه بر استثنای موجود اولوب اوده محکمه استیناف رئیسری ایل مدعی عمومیله و یا خود معاونلری و اختیار مجلسری اعضای و مستنطقلرک دائره مأموریت و حکومتلری خارجنده دخی دولتك مسکوکاتی و رسمی تمغالری و اوراق تقدیه سنی و بانه تحویلاتی تقلید و اعمال و ادخال ایدن و یا تداوله واسطه اولان اشخاص مظنونه نك اقامتگاهلرینه دخول ایل تحریات لازمه اجراسنه مأذون اولدقلری ارائه ایدن اصول محاکمه نك یوز یمشجی ماده سیدرکه اشبو ماده ده موضوع بحث اولان جرائم حق ضرب دولت و ثروت عمومی ملته طوغریدن طوغرییه تعرض کبی غایت مهم اسباب مشدده نی حاوی اولدینی جهته متجاسرلری دهها زیاده سرعت و سهولتله دردست و اثار جرمی ضبط ایتک ایچون قانون وظیفه تحریاتی محکمه استیناف رئیسنه قدر اعطا و (دائره مأموریت خارجنده اولسه دخی) صراحتیه ده صلاحیت موقعیه دن استنای ایتشد.

تحقیقات و تحریات ضمتده مساکنه دخول ایچون قانونک آرادینی صور و اسباب اساسیه ملحق و تحقیق و تحریک امر اجراسنه متعلق و لازم الرعایه بعض شرائط و دقایق ده و اوردرکه انلرده اول مسکنه دخول صره سنده ایجاب ایدنلرک استصحاب اولنمی و شهود تدارکی قابل اولدقجه بوجهتک اهال اولنماسی [۲] سبب قانونی دخوله بناء اول امرده مسکن قبوسنک علی العاده آچیلنمی و سائلنک استکمال قلمسیدر. بو صورت لینیه مراجعت اولنقسنزین استعمال شدت ناهنکام اولور.

ثانیاً خطرات عادی ایل حصول مقصد قابل اوله مدینی حالده یالکز قنونک آچیلنمی کفایت ایده بیلجهک و اودائره نی تجاوز ایده میجهک درجه و صورت مناسبه تشدید معامله ایدملی مسکن قبوسنک غیری جهاتندن دخوله قطعاً مجاسرت قلماملی و مظنون علیه حقنده کندوسنک دردست و استطاقه و عندالتحریری بولنه جق اشیا عائد معاملات قانونیه ایل خانه دروننده بولنانلرک ضبط افاداتی تأمین ایتک اوزره لزومه کوره یالکز تباعدلری منع ایدیلرک حتملرند سوء معامله یه و یا جسماً اذا ویره جک حاله تصدین توقی اولنمیدر.

[۱] اصول محاکمه ماده ۸۵

[۲] اصول محاکمه ماده ۳۹

فقط مخالفت واقعه مأمورینه تجاوزله اشبواجرات قانونیه لرینه نمانعت ایچون معامله جبرو شدت و یادیکر بر فعل مؤثره جرأت شکلی آلورسه متجاوزک متعدد و یا خود واحد اولمی و جمله سنک و یا خود ایچلرندن بر ایکسنک خفی یا جلی مسلح اولوب اولماسی کیفیتندن متحصل اسباب مشدده و مخففه قانونیه سیله جرم تشکیل ایدن [۱] تجاوزه قارشو ضروری اولان جبرک دخی متناسباً اعمالنه دقت اولنه رق اساس وظیفه اجرا و بویولده کی متجاوزلر ایل اشبو مخالفت و عدم اطاعت جرملرینک وقوعی صره سنده دهها شدید جزایی مستلزم افعال ایقاع اولنورسه آنک مرتکبلری حقلرند دخی ضابطه عدلیه وظیفه سی ایفا قلنور و بوکا متعلق معاملات قانونیه مدعی عمومی و سائر ضابطه عدلیه مأمورلرینک اجرای مأموریتلری اثناسنده قوه مسلحه طلب و استصحاب ایده بیلجهکلرینه دائر اصول محاکمه نك یکر می اوچنجی ماده سنده کی صراحتیه توقیق اولنور. بو صره لرده حکم قانونی اولوب انفاذی وظیفه ضروری اولان بر امری اجرا صورتیه بر فعل ایقاع اولنورسه [۲] جرم عد اولنماز.

ثالثاً اجرای تحریات ایچون مسکنه کیرلک اقتضا ایلدکده بو معامله قانونیه کوندوزین ابتدار اولنق ایجاب ایدر. زیرا کیجه وقتی سکان منزلک زمان استراحتی اولوب بر جرمد مظنون علیه بر کسنه ایچون اجرای تحریات مجبوریت قانونیه سندن طولایی مظنون علیهن غیری و صفت اشتراکدن عاری اشخاصک سلب حضور و راحتلری موجب حرکات آنلرک حقوق طبیعی و قانونیه لرینی مخل اوله جفندن و علی الخصوص سکان منزل آره سنده اویقوده دخی بولنه بیلن صیان و نسوان و اختیار و ناتوان اشخاصک تشبث تحری ایل خوف و هراسه و تحری وظیفه سنک اجراسنه مقصور قلمسی لازم کلان نیتک نتیجه زانده سی اوله رق تهیج و تأثرله خسته لنک و یا خود سقط جنین وفات کبی بعض احوال ظهوره کله بیلجهکندن اقامتگاه دروننده تحریاته کیجه وقتی باشلانق جائز اوله ماز. برده تحریات اجرایی مطلقاً ثبوت جرمه دائر اولان اوراق و اشیا نك الله ایدلمی مقصدینه منحصر اولیوب مظنون علیهک برأت ذمتی تأیید ایده جک [۳] اوراق و اشیا نك ضبط و حفظی دخی وظائف قانونیه دندر. تحریات اجراسنه کیجه تشبث ایدیلوبده بوسیله برطاقم احوال الیه وقوعه کلش و ضبط اولنان اشیا دخی مظنون علیهک دکل ثبوت جرمه بالعکس برأت ذمتیه دلالت ایلر ایلر شو حالله سببیت ویرنلرک درجات مسئولیتنی تعیینده بحق اسباب مشدده کورلزمی؛ یالکز کوندوز باشلانیلان تحری معاملاتنه کیجه دوام اولنه بیلر. چونکه مقصد دخول تمامیه تعین ایده جکندن کیجه دخی دوام اولنمی محاذیر مذکوره یه محل ویرمز.

خلاصه تحقیقات و تحریات اجرا قلنق اوزره سالف الذکر مأمورین طرفندن منزل و مسکنه دخول

[۱] قانون جرا ماده قائمه ۱۱۶

[۲] قانون جرا ماده قائمه ۴۲

[۳] اصول محاکمه ماده ۳۴ و ۸۴

اوله بیلیمک ایچون تفصیلات سابقه وجهله تحقیقات و تحریاتی استلزام ایدن جرائم مشهوده و غیر مشهودیه کوره نوع و ماهیت و مأمورینه عائد اولان صلاحیت مسئله لری ایله ایجاب قانونی بی تضمن ایدن احوال تعیین ایدلکدن صکره مسکنه دخول شکل و کیفیتک احکام قانونیه به توفیق ایدلمی واشبو اجراءات قانونیه به ممانعت ایچون بروجیه مجرر معامله جبر و شدت و یادیکر بر فعل مؤثره جرأت اولنور و یا مخالفت و عدم اطاعت جرم لری نیک و قوی صره سنده دها شدید جزایی مستلزم افعال ارتکاب ایدیلور ایسه حکم قانونی بی اجرا ایچون ضرورت درجه سنی بولان و قوه مستصحبه جه اعمالی لازم کلوب جبری متضمن اولان افعالک دخی تجاوز واقع ایله متناسب اوله بیلیمسینه اعتنا قلمسی و بالخاصه احوال الیمیه انتاج ایده بیلجهکی نظر دفته آله رق تحریات ایچون کیجه اقامتگاهه دخوله تشبث اولنموب حق تحقیق و تحرینک استعمالی ضمننده مساکنه دخوله مساع کوسترن صراحت و دلالت قانونیه دائره سنده حرکت اولنمق مقتضی و وظیفه مأموره نیک سوء استعمالیه و یا قانوناً معین اولان اصول و شرائط خارجنده اوله رق آخرک اقامتگاهنه و یا مشتملاتنه داخل اولمق؛ کیفی اوله رق تحریر اقامتگاهه تصدی ایدلمک؛ وظائف قانونیه نیک ایفاسی اثناده قوه جبریه اعمالنه مأمور اولانلر طرفندن دخی قانونک تعیین ایتدیکی اصولدن غیری اوله رق افعال مؤثره ایقاع اولنمق مسئولیت جزائییه داعی جرم تشکیل ایده جکی [۱] بدیهیدر.

عدلیه ناظر اسبق

ممدوح



اعلان

مطبعه عثمانیه صاحب و مدیری صائم بك طرفندن در سعادت بدایت محکمه سی ایکنجی حقوق دائره سنه ویریلان ۲۳ شباط سنه ۳۲۸ تاریخلی عرض خالده مطبعه مذکوره آلتسده واقع برباب دکانده مستأجراً مقیم ایکن چیقوب نزهیه کیتدیکی مجهول بولنسان مجلد راسم افندی علیه مذکور دکانک تخلیه و تسلیمی دعوی اولنمش و کوسه تریلان مارالذکر اقامتگاهه ارسال قلنان ورقه دعوتیه ظهرینه یازیلان شرحده مومی الیهک اقامتگاهی مجهول ایدوکی کوسترمش و دعوی واقعه نیک اشبو ۲۲۹ سنه سی مایسنک اون اوچنجی بازار ایتسی کونی بعد الظهر الافرانغه ساعت برادرلرنده رؤیتی مقرر بولنمش و مدعی علیه مومی الیه راسم افندی نیک اقامتگاهی مجهول اولنمق حسیله اولاباده کی دعوتیه ورقه سیله استدعا صورتی محکمه دیوانخانه سنه تعایق قلمش اولدیغندن مدعی علیه مومی الیهک یوم و وقت مذکورده اثبات وجود ایتسی و عکسی حالده حقیقده معامله غیاییه اجرا قلنه جنی معلوم اولنمق اوزره اصول محاکمه حقوقیه قانوننک یکرمی التنجی ماده سی موجبجه اعلان کیفیت اولنور.

**

وانک صابونجی اوغلی محله سندن چرجی بقدیک اوغلی مانوقک وان بدایت محکمه سی حقوق دائره سنک ۸ تشرین اول سنه ۳۱۶ تاریخ و ۱۴۴ نومرولو اعلامی موجبجه کول اوغلی سلیمان افندی به محکوم به دینی مع مصرف بالغ اولدینی اوچیک سکزیوز غروشک قبل الادا وفات ایتسنه مبنی تأمین استیفاسی ضمننده حجز و فروختی قرارگیر اولان وانک صابونجی اوغلی محله سنده واقع معلوم الحدود برباب خانه سی بوکره بالزایده درتیک غروش بدل ایله طالبی عهده سنده تقرر ایدرک احاقه قطعیسی اجرا قلمش و مبلغ مذکور تأدیه ایتک و یاخود فراغک اجرایی چون بالرضا تقرر و یرمک خصوصی متضمن ورثه لری نامنه تسطیر قلنان اخبارنامه لردن اوغللری اغوب و غیوند و هراند و قزی سقوهی نامرینه اولانلرک ظهرلرنده محرر محله سی هیئت اختیاریه سنک شرحه نظراً بونلر چوقندن برو حبشستان جهتنه کیدوب محل اقامتلی مجهول بولندینی کوسترمش اولغله اشبو اعلان تاریخندن اعتباراً اوج ماه ظرفنده مرقومون مبلغ مذکور تسویه ایتدکاری و یاخود مذکور خانه نیک طالبنه فراغ ایدلمک اوزره بالرضا اعطای تقرر ایلدکاری حالده کندولری متمرر عدلیه رضالرینه باقلمیه رق طالبنه فراغ ایتدبیلجهکی وان اجرا دائره سندن اعلان اولنور.

**

آیمهل اوغلی سیمون افندی نیک فندقلیده طوپخانه جوارنده اجرای تجارتله مشغول ایکن ایوم اقامتگاهی

مجهول اولان علی حیدر بك ذمتده درسعات تجارت بحریه محكمه سندن اعطا قلنان و ۱۴ اغستوس سنه ۳۲۷ تاریخده بالذات مديونك شخصه مبلغ ايدلمش اولان ۲۱ شعبان سنه ۳۲۹ و ۴ اغستوس سنه ۳۲۷ تاریخ و يوز طقسان يدي عددلی اعلام غیابی موجبجه الاجبی اولان ایکی بوز الی عدد لیرای عثمانی فی فائض ومصارف محاکمه واجرائیه سیله برابر تاریخ اعلاندن اعتباراً طقسان بر کون ظرفنده مديون مومی الیه درسعات محكمه تجارت اجرا دائره سنه مراجعتله تسویه ایتیمی وقانوناً قبوله شایان بر دیه جکی اولدینی تقدیرده مدت مزبوره ظرفنده تحریراً بیان ایتیمی ومراجعت ایتیمیکي ودینی تسویه ایتیمیکي حاده مبلغ محکوم بهک تأمین استیفاسی ایچون مديون مومی الیه عائدتی ادعا قلنان ومقدما احتیاطاً وبالاخره اجراء تحت حمزه آلدرلمش اولان اسکدارده بازارباشی محله سنده نوح قیوسنده واقع حسین اٹاک آخوردنه موجود اینکلرک فروختيله ائمان حاصله سندن استیفای مطلوب ایتدیر یله جکی معلوم اولق اوزره تنظیم اولنان اشبو اخبارنامه نك مديون مومی الیهک محل اقامتی مجهول اولق ملاسه سیله اصول محاکمه حقوقیه قانوننك یکر می التیمی ماده سنك دردنچی فقره سنه واجرا قانوننك یکر می طقوزنجی ماده سنه توفیقاً مومی الیه علی حیدر بکه تبلیغ اولمش عد اولنق اوزره محكمه تجارت اجرا دائره سی دیوانخانه سنه تعلیق اولدینی کبی غننه لر ایله دخی اعلانه مبادرت قلندی .

لیفات عمومیہ

(۱) استیفاء ویا تمیز دعوی و قوعندہ اور اوقی درحال
مرجعہ سوق اولیٰ امردہ عینی اعلامہ
غیاہ حکوم دیگرہ اشخاصہ دخی صورت اعلام
تلیغ ایلہ نقایحہ انتظار اولیٰ قیدر .

(۲) تلیغ حقندہ

۹ مایس ۳۲۹ ۳۹۵۵

۲ نیسان ۲۹ ۳۹۴۲

(۴) مأمورین و مستخدمین دولتدن وفات
ایدنلرک عهده لر نده بولنان نشانلر حقیقه ده



حکومت تمیز هیئت عمومی مقرراتی (۱) ایفای وظیفه صرہ سنده وقوعبولان جرم { ۱۹ مارت ۳۲۹ ۳۹۵۶
حقنہ تعقیبات قانونیہ بہ دائر

(۲) صارقندیلق » ۲۶ مارت ۳۲۹ ۳۹۵۸

(۳) قید رسمی بہ قارشو شہود اقامہ سی » ۷ مایس » ۳۹۵۹

حکومت تمیز حقوق دارہ سی مقرراتی — (۱) غیرک ملکندہ امراہلہ واقع اولان تخریب { ۵ » » ۳۹۶۱
حقنہ

(۳) فائض سنہ شمسیہ اوزرندن حساب ایدیلیر » ۵ » » ۳۹۶۳

(۲) تجارتدن منبعث دیونہ کفالت ایدنلر حقنہ » ۷ » » ۳۹۶۴

(۵) مرعایہ ترلا احداثی صورتیلہ وقوعبولان مداخلہ » ۷ » » ۳۹۶۵

حکومت تمیز جزا دارہ سی مقرراتی — (۱) شہادت کاذبہ بہ دائر ۱۴ مارت ۳۲۹ ۳۹۶۷

(۲) تطبیق مادہ » ۱۸ » » ۳۹۶۸

(۳) تعیین جزا » ۲۱ » » ۳۹۶۹

— (۴) قانون جزانک قرق آلتنجی و یوز { ۱۵ نیسان ۳۲۹ ۳۹۷۰
سکساجی مادہ لرینہ دائر

(۵) مدت جرائیہ نک تحویل و تخفیفنہ دائر » ۱۸ » » ۳۹۷۲

(۶) جبراً فعل شنیع » ۲۴ » » ۳۹۷۳

حکومت تمیز استعدا دارہ سی مقرراتی — (۱) ایفای وظیفه صرہ سنده حثارت ۱۹ مارت ۳۲۹ ۳۹۷۴

(۲) فاطورہ لک بالاسندہ محرراسمک امضا { ۳۰ » » ۳۹۷۶
مقامندہ اولدیغنه دائر

(۳) مناقصہ قائمہ سنہ یازیلان کفالت شرحلری { ۳۰ » » ۳۹۷۷
حقنہ

(۲) تمغا جزای نقدیسنہ متعلق محاکمہ حاضر { ۳۰ » » ۳۹۷۸
بولنمین طرف ایچون وکیل مسخر تعیین
اولنہ ماز

شورای دولت مضبوطلری — (۱) اوراق ضیاعی حقنہ (۵) ۲۰ مارت ۳۲۹ ۳۹۸۰

حکومت تمیز حقوق دارہ سنجه ترقیقانی نتیجہ یزیر اولانہ دعاری اعواماتنک لیستہ سی ۳۹۸۱

قسم غیر رسمی

مقالات

مفتیہ دار حکومت تمیز جزا دارہ سی رئیس عثمان بک افندیکنک ۳۹۸۳

سیاست سمرعیہ باش مدعی عموم برکت زاده اسماعیل حق بک افندیکنک ۳۹۹۲

